



to have a gift in p. 10

2463

31293

A

LA PARFAITE
QVINT-ESSENCE
DE LA
CHIRVRGIE
REDVITE EN CINQ
PARTIES. 31293

*Avec un Antidotaire ou description de plusieurs
excellents remedes pour la guerison
de diuerfes maladies.*

Composé par Fr. I E A N G E R M A I N,
Prouençal Religieux Minime.



A P A R I S,
Chez P I E R R E B I E L A I N E, rue S. Iacques, deuant
S. Yves, à la bonne Foy 1638.
A V E C P R I V I L E G E D U R O Y.



A
MONSEIGNEVR
L'EMINENTISSIME
CARDINAL BICHIL.

MONSEIGNEVR,
En voulant offrir aujour-
d'huy c'est Ouurage à vo-
stre Eminence, ie seray peut-estre blasmé
par ceux qui veulent que nos mains ne
présentent iamais aux Princes que des ob-
jets diuertissans, & que le son de nos dis-
cours n'entre iamais dans leurs oreilles que
sous des paroles de soye, suivant l'adroit
raisonnement d'une vieille Reyne de Per-
se: En effect un stile remply d'une diuer-

sité de mots demy Grecs, et demy Arabes, une maniere de parler qui semble estre fort esloignée de ces douceurs que l'Eloquence fait paroistre dans ses maximes, et un nombre infiny de playes, d'incisions, et de ruptures, qui forment le corps de ce liure, pourront peut-estre dès l'abort faire approuver leur sentiment, et ne vous faire voir cét œuvre qu'en la maniere que l'on voit l'origine de ces torrens dont on n'estime la grandeur que par celle de leurs ravages; Mais quand ils iugeront aussi que de tout temps la Chirurgie a paru dans les premiers rangs que l'estime a donné aux choses, que le Paganisme autrefois a pris les enfans de ses Dieux pour les inuenteurs de cét Art, que l'Antiquité a des Rois qui en ont chery l'exercice, qu'estant dans les siecles passez vny avec la Medecine, il a fait dresser des statuës à celui qui sauuant Auguste s'acquit des honneurs immortels, & que si la course des Cieux est l'obiet de l'Astronomie, & la rencontre des Estoil-

les , celuy-là de l'*Astrologie* ; la guarison
du corps humain (qui est l'ouvrage le plus
rare que l'Eternel ait iamais fait) est celuy
de la *Chirurgie* ; & qu'ainsi si l'on doit
iuger des choses suiuant leurs obiets , cét
Art est le plus grand de tous , puis qu'il
soustient & qu'il conserue celuy qui les a
produits tous. Aussi comme ce *Liure* trait-
te du plus digne de tous les Arts , i'ay
creu qu'il le falloit offrir à l'un des plus ex-
cellents Princes que l'Eglise ait mis dans
la place que vous auez si iustement , &
que dans ceste occasion ie découurisse en
quelque sorte la gloire & l'éclat de l'ou-
rage , par la gloire & l'éclat du Nom
qu'on verra sur son frontispice. En effect
ie peux sans rougir dire que tant de belles
choses qu'on admire en tant de personnes se
trouuent toutes aujour d'hy en celle de vo-
stre Eminence ; Ceste longue suite
d'Ayeuls qui fait esclatter les familles se
rencontre en vostre Maison. Siene con-
serue avec respect parmy ses plus secrets re-

Registres, les noms de vos Predecesseurs,
& Rome sur ses sepultures nous apprend
que vostre Eminence n'est pas le premier
de sa race qui a paru sous l'Escarlatte;
Mais ceste splendeur glorieuse qui part du
sang de vos Ancestres ne forme pas seule
l'esclat qui vous rend si recommandable;
une bonté incomparable qui tient les cœurs
de tous les peuples qui ont le bon-heur de
vous voir, Un iugement vif & solide,
& une extreme cognoissance de tous les
interests des Princes qui sont dans la
Chrestienté; Une conduite sans seconde,
qui dans la fleur de vos années a produit
de si nobles fruiçts dedans Rome, & de-
dans Paris: Enfin ce nombre de Vertus
qu'on remarque en vostre Eminence, nous
fait voir assez clairement que vous meri-
tiez de long-temps, & les dignitez &
les titres que vous n'avez que depuis peu,
que la France vous considere comme un
des plus dignes Projets qu'ait iamais pro-
duit l'Italie, & que si ceste Prouidence

qui dispose de toutes choses se rend conforme à nos desirs, elle montrera quelque iour qu'un successeur de Saint Suffrain peut estre celuy de S. Pierre ; C'est une part des sentimens et des vœux de mille personnes, & c'est particulièrement la matiere & l'objet de ceux qu'offrira nuit & iour au Ciel celuy qui sera pour iamais,


MONSEIGNEUR,

De vostre Eminence.



Letres-humble, tres-fidelle,
& tres-obeïssant serviteur,
FR. I E A N G E R M A I N,
Religieux Minime.

De nostre Pharmacie du Con-
des Minimes d'Avignon.





Facultas Generalis.

FR. Franciscus à Cœlico, totius ordinis Minimorum Corrector Generalis. Dilecto nobis in Christo filio Fr. Ioanni Germain, eiusdem nostri instituti professo, ac Pharmacopolæ, nostri Conuentus Auenionensis: Salutem in Domino.

Cum certa relatione acceperimus, te quemdam Librū Gallico idiōmate conscriptū vulgò dictum, (*La Quint-Essence de la Chirurgie*) edidisse quem vtilitati, ac Sanitati, publicæ iudicamus dignum, tenorē præsentium, tibi præfato Fr. concedimus facultatem, eundem librum typis mandādi, præuia, tamen approbatione duorum Patrum nostrorum, Theologorum, & quorum intērerit. In quorum fidē

&c. Datum Syracusis, Kal. Ianuari
An. 1637.

Fr. Franciscus à Cœlico. Ind. Generalis

†. Locus Sigilli.

Facultas Prouincialis.

ATtenta ordinatione Reueren-
dissimi Patris Generalis, depu-
tauimus in examinatores præfati Libri
vulgò dicti (*La Quint-essence de la
Chirurgie*) Reuerendos P. P. Eusta-
chium Paris, & Honoratum Farno-
zium. Theologos, Ordinis nostri. In
quorum fidem &c. Datum Auinio-
ni. 15. Decembris. An. 1637.

Fr. Andreas. Real. Ind. Pr.

†. Locus Sigilli.


Nous souz-fignez Professeurs de
la saincte Theologie del'Ordre
des Minimes; Certifions auoir veu &
leuvn liure intitulé *la Quint essence de la
Chirurgie*, reduite en cinq parties avec
vn *Antidotaire où description de plusieurs
excellents remedes pour la guerison de di-
uerses maladies*, composé par le V. Fr.
Iean Germain deuot & vertueux Re-
ligieux dudit Ordre, que nous auons
Iugé digne d'estre imprimé, non seu-
lement à cause de la grãde reputation
quel'Autheur s'est aquis en France &
en Italie & autres païs, mais aussi pour
les doctes enseignemens que nous y
auons reinarqué, en foy de quoy &c.
Certifions en Auignon &c. le 24. de
Decembre. 1637.

Fr. Eustache Paris, Minime.

Fr. Honoré Farnozzi, Minime.

PRIVILEGE DV ROY.

PAR grace & priuilege du Roy
donné à Paris le neufiesme iour
de Mars 1638. signé MATAREL, il est
permis à Pierre Bilaine Marchand Li-
braire, d'Imprimer ou faire Imprimer
vn Liure intitulé *La parfaite Quint-
essence de la Chirurgie*, composé par V.
Fr. IEAN GERMAIN Religieux
Minime, pour le temps & espace de
neuf ans; Avec deffences à tous au-
tres d'imprimer ledit Liure sur peine
de confiscation des exemplaires con-
trefaits, & de mil liure d'amende,
comme plus amplement est porté par
ledit Priuilege.



A V L E C T E U R.

A My Lecteur, cét œuvre n'est pas différent de celuy que tu auras desia veu, quant à son sujet; car il traite des mesmes matieres; mais c'est avec plus de doctrine & d'extention; & en cela i'ay imité la nature qui fait premierement ses ouvrages imparfaits & apres elle les polit & perfectionne: Ainsi voyons nous que la viande ne deuiant pas sang dans le corps qu'apres auoir esté grossierement élaborée dans l'estomach, & nous ne sommes pas hommes qu'apres auoir esté enfans, puis que la nature est conduite par vne sagesse qui ne peut errer, elle nous doibt seruir d'exemple en nos operations: Dieu mesme qui est Auteur de la nature forma premierement le monde sans ordre, Apres il en rangea les parties, ordonnant les Ele-

ments, renfermât les eaux dans la mer
& dans les fleuves, & ajançans les
Estoilles au Firmament; il ne reuestit
pas mesme le Soleil de lumiere que
quatre iours apres la creation: de sor-
te que tu ne dois pas treuver mauuais
que i'aye retouche à mon premier œu-
re que i'ay produit en François prin-
cipalement, puis que ie l'ay enrichy de
plusieurs choses vtilles au Chirurgien
qui sçaura s'en bien seruir, ie te veux
dire à la gloire de Dieu que i'ay heu-
reusement experimenté plusieurs fois
les remedes que i'y enseigne, & en ay
conferé avec les plus sçauants Mede-
cins & Chirurgiens qui sont en Fran-
ce, en Italie, & au Pays bas; cela te doit
d'autant plus obliger à t'en seruir, que
ie me dispose, si Dieu veut, à te faire
part d'vne Quint-essence de la Phar-
macie tant Galenique que Chimique,
& à prier Dieu qu'il te rende digne de
son Amour, Adieu.

Fautes suruenues à l'Impression.

A la page 10. ligne 5. sialique, lisez siatique, à la pag. 13. li. 13. le saguification, lisez la, à la p. 10. l. 22. telant sur le vert, lisez tirant, à la p. 33. l. 21. fractions, lisez fractures, à la p. 69. l. 4. careus, lisez calus : En suite, faits en tumeur iettant vne lente, changez & lisez, ensiez & tumesiez, iettant vne boue subtile fluide, &c. à la p. 97. l. 10. deuant le fen, lisez donnant, à la p. 104. l. 17. ny Marcotiques, lisez Narcotiques. à la p. 129. l. 10. fait autre chose, lisez ne faut, à la p. 140. l. 11. vous faut panier, lisez vous faut panser, à la p. 148. l. 22. storac, lisez storax, p. 149. l. 8. pechir, lisez pechier. p. 153. l. 22. sine, lisez fine, p. 169. l. 18. il restent, lisez il resent, p. 199. l. 6. paner, lisez panser, p. 246. l. 4. sont par fois, lisez font, p. 252. l. 24. mourir s'ensuit, lisez, comme s'ensuit, p. 254. l. 5. dans la calerne, lisez caverne, p. 255. l. 11. modification, lisez mondification, p. 256. ligne 10. iusquame, lisez iusquisme, p. 267. l. 4. caues, lisez canes p. 297 l. 12. du painpore, lisez porcain. p. 268. l. 11. ide. lisez aide, p. 277. l. 9. hiperiō, lisez hipericon, p. 278 l. 4. vnire, lisez vnirez, p. 286. l. 15. mercure estant, lisez estaint, p. 287. l. 13. camopiteos, lisez camepiteos. p. 306. l. 3. colopendre, lisez scolopendre, p. 317. l. 10. ancc, lisez anet, p. 321. l. 7. d'vne vice, lisez vis, p. 330. li. 3. frotant, lisez frotant, p. 332. l. 16. d'vue, lisez d'vne, p. 335. l. 11. dragrede, lisez diagrede.



L A

QVINT-ESSENCE

DE LA

CHIRVRGIE

REDVITE EN

cinq Parties,



LESIEURS considerant
que le Soleil courant sur
l'un & l'autre hemisphere
contribue à la production
des plantes & des animaux sur la ter-
re, de l'or & de l'argent dans les mon-
tagnes, des perles & des poissons dans
la mer, confessent qu'il est le pere de
la nature, l'ornement du monde, l'a-
me de l'univers, & le grand œcono-
me des cieux & de la terre: Mais aussi

A

Diuerſes
opiniōs ſur
les influen-
ces du ſo-
leil.

quand ils conſiderent les mortelles
maladies qui nous ſont cauſees par
l'extreme violence de la chaleur, les
exhalaiſons & vapeurs que la lumiere
attire en l'air, & dont ſe forment les
nuees qui verſent les deluges, les fou-
dres, qui bruſlent les corps, les ton-
nerres qui renuerſent les maiſons, les
vents dont la violence arrache les ar-
bres, & fait faire naufrage aux vaiſ-
ſeaux, les dragons volans, les lances
enflammees, les Cometes & autres
impreſſions malignes pronosti-
quans des peſtes, guerres & famines: auſſi
toſt changeans d'opinion ils l'appel-
lent le deſtructeur de la Nature, & le
principe ſecond de tous nos mal-
heurs, de ſorte qu'ils ſont en peine de
dire ſi la lumiere de ce grand Aſtre eſt
ou plus vtile ou plus fatale à l'vniuers.

La Chirurgie eſt en-
tre les par-
ties de la
Medecine,

Il en eſt ainſi de pluſieurs qui con-
ſiderant la Nature de la Chirurgie, la-
quelle eſt entre les parties de la Me-

decine , ce que le soleil est entre les planettes : Quand d'un costé ils voyent qu'elle coupe, qu'elle tranche, qu'elle nous ouvre les playes & nous couvre de sang, ils sont en humeur de l'appeler cruelle & ennemie de la nature : Mais quand d'autre costé ils voyent qu'en coupant & tranchant elle guerit les vlcères, qu'en ouurant des playes elle les ferme, ils appellent incontinct sa cruauté douce, & ses fers instrumens de la santé : de sorte qu'ils sont en peine de dire si elle contribué plus ou à la ruine ou à la reparation du corps humain. Neantmoins ceux qui ont plus de lumiere de cette science l'estiment autant necessaire pour reparer la santé du corps humain que l'ame le peut estre pour l'animer, & en parlent avec vne si grande reuerence qu'ils l'appellent vne seconde creatiō, à cause qu'elle à l'honneur de s'occuper à la reparation du plus parfait ouurage de la

ce que le soleil est entre les autres.

Combien la Chirurgie est necessaire.

Comme
Dieu à la
creation de
la femme
exerça la
Chirurgie.

main de Dieu. Et ie crois volôtiers que si Dieu apres auoir creé l'homme voulut tirer vne de ses costes, se fut pour nous faire cognoistre que la Chirurgie qu'il exerçoit en ceste action est vne seconde creation, puis que mesme de cette coste arachée il forma le corps de la femme; mais pour mieux iuger de son eminence & du profit qu'elle apporte aux hommes: le desire traiter de sa nature, de ses parties, & de ses proprietéz, & parce que la definition des choses nous donne vne plaine lumiere de leur nature, il en faut premierement voir la definition.

Definition
de la Chi-
rurgie.

Doncques, *Chirurgie est un art qui opere avec les mains sur le corps humain, pour guerir les playes, vlcères, apostemes, fractures & dislocations*: Et Guidon de Cauliac dit que, *la Chirurgie est vne science qui enseigne la maniere & qualité d'ouurer principalement en trenchant*

Et consolidant, *et* guerissant les corps Le corps humain & le sujet de la Chirurgie.
 selon qu'il luy est possible : Si bien que le sujet de la Chirurgie est le corps humain blessé, vlcéré, ou plein d'apostemes, ou de fractures, ou de dislocations :

D'où l'on peut iuger de son excellence, puis que les arts & sciences mandient leur noblesse de leurs objects : & que d'ailleurs le corps humain est tellement noble, qu'après les Anges & les âmes raisonnables, il n'est rien de créé qui ne soit au dessous de luy, veu qu'il est comme vn abrégé de toutes les choses sensibles, & que c'est pour son accroissement, vie, & conseruation que Dieu a créé les cieux, les eslemens & les mixtes : La Medecine & la Chirurgie considerent le corps diuinement.
 Et c'est en cela qu'elle ressemble à la Medecine ; de laquelle elle est la seconde partie, l'une & l'autre considerans le corps humain, quoy qu'avec difference : car la Medecine le confi-

La quint-essence

dere entant qu'il est trauaillé d'une fièvre, d'une douleur & autres semblables accidens, là où la Chirurgie le considere entant qu'il est couuert de playes, vlceres, &c. en quoy l'on decouure l'excellence du Chirurgien, qui est comme l'instrument de Dieu en terre, & la main de laquelle il se sert pour refaire le corps humain, l'un de ses plus beaux ouurages gasté, & comme defait par les playes, vlceres, & autres tels accidens qui en alterent la santé & le defigurent.

Excellence
du Chirurgien.

Mais puis que la Chirurgie est une partie de la Medecine, il faut sçauoir combien il y a d'especes de maladies, afin de pouuoir dire celles qui sont propres à la Chirurgie, ou pour la guerison desquelles elle est ordonnée.

Toutes les
maladies
sont reduites
en trois
especes.

Galien au second de sa methode les raconte toutes, & dit que les maux qui peuuent arriuer au corps humain sont de trois sortes, dont la premiere

Premiere.

viét d'inflamation, ſçauoir eſt fievre, criſipele, apoſtemes, & autres ſemblables.

La ſeconde eſt maladie de mauuaiſe compoſition, à ſçauoir teſte ou jambe plus groſſe que le naturel, cõme ſix doigts en vne main, & tout autre choſe monſtrueuſe. Secondeſ

La troiſieſme eſt la ſolution de continuité. Et pour cetter troiſieſme eſt ordonnee la Chirurgie. Voylà pourquoy il eſt neceſſaire de ſçauoir en combien de manieres le continu vient à ſe diſſoudre & ſeparer. Troieſmeſ

Galien au troiſieſme de la methode de ſon premier chapitre les raporte toutes, & dit que le continu ſe ſepare, ou par playe, ou par vlcere, ou par apoſtème, ou par fracture, ou par diſlocation. Comme ſe peut ſeparer le continu,

Et parce que tout ce qui eſt en l'vniuers vient à receuoir ſon eſtre de quelque cauſe, il nous faut ſçauoir

D'où deri-
ue la solu-
tion de cō-
tinuité.

Les vlcères
procedent
d'une cause
interne.

de quelle cause vient la solution de
continuité. Aristote dit que toutes
les causes sont ou internes, ou exter-
nes. Voylà pourquoy tout ce qui se-
pare le continu ne peut proceder que
de ces deux sortes de causes : tous les
vlcères prouiennent pour le plus sou-
uent d'une cause interne, sçauoir de
l'humeur peccante, si bien qu'il arriue
par fois que d'une playe mal pensée
en prouient vn vlcere, ou bien d'une
playe faicte en vn corps cacochyme,
c'est à dire plein de mauuaises hu-
meurs, lequel par exemple deuoit
tomber malade dans trois iours s'il
n'eust esté blessé, & estant blessé la
nature prend là son cours & le purge
par cette playe; que si elle ne peut vui-
der par là ses mauuaises humeurs,
alors le malade en meurt, mais si au
contraire elle les euacüe, il s'en forme
vn vlcere qui en ce cas prouient d'une
cause interne; ce qui toutefois arri-

ue assez rarement. L'ulcere causé par dehors se fait par medicamens errondens, comme par cauterres ou autres remedes escarotiques.

Toutes les playes ont leur cause externe, à sçauoir d'instrumens trenchans, poignans, ou meurtrissans, trenchans comme espees, espadons, couteaux, & semblables, poignans, comme stilets, poignards, picques, halebardes, & semblables, meurtrissans comme vn coup de pierre, bastonade, arquebuse, canonade & semblables.

Les playes procedent d'une cause externe.

Toutes les fractures procedent des causes externes, comme d'un coup de pierre, de baston, &c.

Les fractures procedent de cause externe.

Toutes les luxations procedent des causes externes pour le plus souuent, sçauoir de sauter, tomber, ou de quelque cause semblables; quoy que par fois elles prouiennent d'une cause interne, comme nous remarquons aux podagres, qui par leur ma-

Les Luxations procedent de cause externe ou interne.

niere de viure desordonnee engendrent vne grande quantité de cruditez, qui se jettans aux joinctures leur disloquent les os, comme on peut voir à ceux qui ont la goutte siatique, ausquels les humeurs visqueuses disloquent les os des hanches.

Les tumeurs procedent d'une cause interne.

Toutes les tumeurs procedent d'une cause interne, sçauoir de l'humeur peccant, comme ie diray cy-apres, excepté les tumeurs faictes par quelque coup de poing, bastonnade ou semblables, lesquelles ne se doiuent dire vrayement tumeurs, mais inflammations & contusions.

Et parce qu'Aristote dit en ses posterieures que la definition est celle qui nous fait cognoistre la nature des choses, il est necessaire de definir les especes de solution de continuité.

Doncques commençant par les vlceres, ie dis que l'vlcere est vne solution de continuité contre nature ar-

De finition
de l'vlcere.

riuant au corps, d'une cause erodente comme bile, atrabile, pituite salee & putride.

Playe est vne solution de continuité contre nature recente, sanguinolente, prouenant de cause trenchante, comme espee, couteau, &c. Definition de la playe.

Aposteme est vne tumeur contre nature arriuant au corps par fluxion, ou congestion d'humeur peccante en qualité ou quantité. Definition de la aposteme.

Dislocation est vne solution contre nature arriuant aux os deplacez de leurs cauitez, soit par cheute, destorse, coups, heurs ou fluxions. Definition de la luxation.

Fracture est vne solution de continuité faicte en l'os, de cause violente qui le brise ou le fend, ou le casse à net, ou avec esquilles. Definition de la fracture.

Et parce que i'ay dit que la cause interne des tumeurs, vlceres, & luxations est bien souuent l'humeur peccante, il faut sçauoir ce que Definition de la froiture.

c'est qu'humeur, de combien de sortes il y en a, comment elles s'engendrent, & comment par apres elles degenerent en humeurs peccantes en nostre corps.

Il y a doncques dans nostre corps

Côme nostre corps est composé des quatre elementaires.

quatre elemens, comme en toutes les choses composees, sçauoir, terre, eau, air, & feu, & en cette maniere il y a quatre humeurs qui correspondent aux quatre elemens: car la melancholie correspond à la terre, qui est froide & seche, le sang correspond à l'air qui est chaud & humide, la bile correspond au feu, lequel est chaud & sec. Et le phlegme correspond à l'eau, laquelle est froide & humide.

Or il faut sçauoir que les humeurs s'engendrent en nostre corps en ceste maniere: ce qu'on mange & que l'on boit va dans l'estomach, & là par le moyen de la chaleur naturelle se fait la premiere concoction, & la partie la

Commence s'engendrent les humeurs en nostre corps.

plus subtile se separe des excremens, les excremens passent par les intestins, & descendent en bas, & vont hors du corps: la partie alimétaire qui est vne liqueur blanche & douce, nommee des Medecins *chylus*, passant par les veines mesaraiques va au foye où, se fait la seconde concoction, & elle se fait rouge & deuient sang, d'où par le moyé des veines elle se respád par tout le corps pour le nourrir; à la seconde coctiõ faicte au foye, quel'on appelle sanguification, se fait la separation des humeurs, la partie qui est moins cuitte est nommee pituite, la partie la plus acre & la plus subtile deuient bile ou colere, la plus grossiere & le reste est nommee melancholie, qui est comme la lie du sang.

Comment
s'engendre
le chile.

Separation
des hu-
meurs.

Quand donc ces humeurs sont separees du sang elles ont leur propre lieu, qualité, couleur & saueur, le propre lieu de la pituite, c'est l'estomach.

Sieges des
humeurs,

La pituite
refide dans
l'estomac.

ou les intestins, les jointures, le cer-
veau & toutes les veines, elle a vne
qualité froide & humide, vne cou-
leur blanche, vne saueur insipide,
salee ou aigre.

La bile dās
la vessie du
fiel.

La colere demeure dans la vessie
du fiel, elle a vne qualité chaude &
seche, vne couleur iaune ou verte, &

La melan-
colie dans
la ratte.

vne saueur amere.

La melancholie demeure dans la
ratte, elle a vne qualité froide & se-
che, vne couleur noire & vne saueur
aspre.

Le sang
dās les vei-
nes.

Le sang demeure dans les veines, il
a vne qualité chaude & humide, vne
couleur rouge & claire, & vne saueur
douce.

Comme les
humeurs
sont plus
ou moins
dans nostre
corps.

Il est bien vray que ces humeurs
s'engendrent plus ou moins, selon le
temperament, l'aage, l'exercice & la
condition des alimens; parce qu'un
corps colerique engendrera plus de
colere, vn flematique plus de phleg-

me, vn melancholique plus de melancholie, & vn corps sanguin plus de sang, & par ainsi en l'aage pueril s'engendrera plus de sang, en l'aage d'adolescence plus de colere, en l'estat viril, plus de melancolie, & en la vieillesse plus de pituite.

Faut considerer l'aage.

Et quant aux exercices, celuy qui peche engendrera plus de phlegme, qui tirera des armes plus de colere, qui chante, plus de sang, & qui estude, plus de melancholie.

Faut considerer les exercices.

De mesme est-il des aliments, qui mangera des raues, legumes, des poissons & autres aquatiques, ou boira de l'eau, engendrera plus de phlegme, qui mangera des espices, des aulx, oignons, porreaux, boira des vins gaillards & puissans, comme muscats de Frontignan, vin de Craux ou Canteperdris, Grecs, Maluoisie & semblables, engendrera force colere: les chapons, gelines, perdrix, faisans, veaux, mou-

Faut considerer l'usage des viandes.

tons, oiseaux de montagnes, pain blac & quelque vin delicat, qui ne soit ny gaillard, ny foible, qui soit bien meur, engendrera force sang, les chers grossieres comme de beuf, vache, pourceau salé, des choux, poiree, & autres choses semblables, engendreront beaucoup de melancholie.

Le sang se
treuve de la
nature du
chyle.

Ces humeurs se retreuuent dans le sang toutes ensemble, ou bien l'une plus quel'autre, selon qu'est la nature du chyle, ainsi est la nature du sang, & par ainsi si le sang se treuve melancholique, le sang sera melacholique, s'il se treuve bilieux, le sang sera bilieux, si flegmatique, le sang flegmatique, & si le chyle se treuve pur, le sang aussi en sera pur.

Le sang ayant la mesme qualite du chyle il prend le degre de la coction.

Et parce que nous auons dit cy-dessus que le chyle est le sac de ce que nous mangeons & beuons: c'est pourquoy le chyle deuenant sang, il faut que le sang aye la mesme qualite du chyle:

chyle: si bien que la partie moins cuite se nomme sang pituiteux, la partie qui est plus cuite, se nomme sang colérique, la partie suffisamment cuite deuiant rouge, clair, & se nomme sang pur, la partie plus grossiere & plaine de lie, deuiant plus noire, & se nomme sang melancholique.

Lesquels humeurs purifiez dans le foye sont alimentaires dediez, pour la nourriture des parties, & sont reputez de la masse du sang : aussi n'ont-ils point d'autre siege ny demeure que les veines, & tant que ces humeurs n'excedēt point la proportion requise de leur quantité ou qualité naturelle, alors les corps iouyſſent d'une parfaite ſanté : mais au contraire si cette harmonie est destruite par l'alteration de ces humeurs elle cause plusieurs fortes de maladies.

Tant que les humeurs demeurent avec le sang elles ont les veines pour résidence.

Le corps demeure sain tant que les humeurs sont égaux.

Les humeurs se peuuent alterer dās les veines, & hors des veines, si elles

Les humeurs se peuuent al-

cette dedans
& dehors
des veines,
& ce qu'el-
les causent.

s'alterent dans les grandes veines, elles affligent la region du cœur, causent les fievres continuës: si hors des grandes veines, elles affligent & attaquent le cœur, & causent les fievres intermit- tantes: Mais si elles s'alterent dedans & dehors des veines, elles n'affligent pas seulement le cœur: mais souuent chasque humeur cause solution de continuité.

Comme la
bile peut
causer l'ul-
cere.

Et de fait quand la colere ou bile vient à s'alterer, deuenant beaucoup plus chaude, & beaucoup plus seche que son temperament ne requiert, si fortuitement elle se iette sur quelque partie molle du corps, elle produit l'ulcere.

Definition
de l'erisi-
pelle.

Mais quand cette alteration est me- diocre, ce que la bile s'estend à la sur- face du corps alors elle cause vne herifipelle, qui est *une inflammation fort ardente qui occupe principalement le cuir, & quelquesfois une portion de la chair,*

provenant de sang bilieux & bouillant, qui pour sa subtilité ne s'esleue en tumeur apparente, mais s'espand en long, en large, ores faores la, sans s'arrester en certain lieu: tellement que l'herifipele se traine ainsi que l'herpes, & quittant sa première place se glisse petit à petit iusques aux parties voisines, & excite vne douleur poignante ou mordicante, sans aucune tention: la couleur est mi-partie de iaune & de rouge qui s'esuanoüit quant on la touche, puis soudainement retourne: & est l'herifipele d'autant plus exquis, que la colere dont il est engendré est pure, & moins meslee des autres humeurs. Que si elle est meslee avec plus grande quantité de sang ou de pituite, ou de melancholie, l'herifipelle sera œdémateux, flegmoneux, ou schirreux. Il faut noter, que souz le nom d'herifipele sont comprises les pustules bilieuses, comme les vessies & bubes,

Comme se
fait l'herifi-
pelle com-
posée.

que les Grecs ont nommé *phlyctemes* & *phlyctides*.

Effets de la
bille.

Definition
del'herpè.

Quand la bille deuient subtile, & se delcharge sur quelque partie du corps, elle produit & engendre vn herpes ou dartre, *laquelle est vn' heresi-pele avec de petites vlcères.*

ets 1: la
bille hors
du fiel.

Definition
de l'iteritia
ou iaunisse.

Quand la bille se desgorge hors la bouche du cistifellis, alors elle produit le mal qui se nomme *Iteritia*. Lequel, selon Hipocrates au premier liure des maladies aiguës est *vn debordement de bile par tout le corps.*

Trois es-
peces d'ite-
ritia.

Galien fait trois especes d'*Iteritia*. La premiere est proprement appelee

1. Iaunisse, causee de la bile iaune par le vice du foye, ou par la bouche du fiel.

2. La seconde est noiraistre, engendree de la bille noire, par l'indisposition de la ratte.

3. La troisieme, teland sur le verd, causee par le meslange de l'une &

de l'autre humeur.

Et l'homme qui aura quelque vne de ses maladies, fera de temperament colerique, de couleur qui tirera sur la iaunisse, le corps plustost maigre & sec, que gras & vermeil.

Quand la melancholie s'altere & surabonde, elle fait la playe noire ou liuide obscur, & se nomme gangrene: ou bien fait vne aposteme noire, & se nomme chancre, comme dit Auicene au 3. chap. du 4. liu. du Fen.

Comme la melancholie fait le chancre ou bien la gangrene.

Ce nom de gangrene est descendu du verbe *Grao*, qui signifie en François manger ou ronger: *c'est une disposition qui tend à mortification de la partie ulserée, laquelle n'est encores morte ny priuée de sentiment, mais elle se meurt peu à peu: de maniere, que si on n'y met bien tost les remedes conuenables, elle se mortifiera du tout, voire iusques aux os, & alors les Grecs l'appellent Sphacele, laquelle differe de la*

Definition de la gangrene.

De l'esphacele.

Cangrene, en ce qu'elle est une parfaite mortification, non seulement des os (ainsi que bien souvent le nous fait entendre Hippocrate) mais aussi des autres parties, tant solides que charnues, ou moyennes. Il y a une autre espèce de cette maladie qui precede l'esfacelle, qu'on nomme *Sthiomene*, que le vulgaire appelle feu S. Anthoine: laquelle est une mortification incomplete, *Et* qui est encores *in fieri*, selon les *Phisiciens*, laquelle gaigne les parties voisines, en telle sorte qu'elle les esfacelle: ce qui nous fait bien voir à l'œil, que la Gangrene & *Sthiomene* se peüent acheminer à l'esfacelle, c'est à dire à l'extinction absolüe de la chaleur naturelle de la partie, mais non pas l'esfacelle de venir *Sthiomene* ou Gangrene. Je dis bien davantage, que la Gangrene ne travaille que les parties molles, mais l'esfacelle les mortifie toutes, corrompant absolument leur substance, si

Sthiomene

bien que quand on les pique, taille, ou brusle, elles sont insensibles, leur sentiment estant absolument aneanti & perdu.

Le Cancer, que les Grecs nomment *Carcinos* ou *Carcinoma*, & les Latins *Cancer*, est ainsi appellé, à cause de la ressemblance qu'il'a avec le Chancre ou Escreuiffe: car tout de mesme que l'Escreuiffe de mer est de-figure ronde & de couleur cendree, ayant les pieds à demy crochez, & tenans comme des pincettes, de mesme le Cancer est de-figure ronde, de couleur cendree & a des veines entrelassées qui representent des pieds, avec lesquels il s'attache, & tient ferme comme vn clou. contre la partie.

D'où est
deriué le
nom. du
Cancer.

C'est pourquoy nous difons, que le Cancer est une tumeur ronde, dure, inegale, de couleur liuide, accompagnée de douleur, cuiseur, venenosité et chaleur, à raison de la pourriture & putrefaction de l'humeur,

Definition
du Cancer.

*ayant des veines grosses & entortillees,
pleines d'un sang melancholique, bruslé
& quasi reduit en cendre.*

Comme
l'atrabile
cause la le-
pre ou le
cancer.

Sur ce propos, Galien affirme, que
quand l'Atrabile redonde en toute
l'habitude vniuerselle du corps, il se
fait l'*Elephantiasis*, c'est à dire la Ladrè-
rie: mais quand elle se iette sur quelque
partie, elle engendre le Cancer. D'où
nous pouuôs colliger, que la Ladrerie
& le Cancer, sont produits d'une mes-
me cause; sçauoir de la melancholie
aduste & bruslee, laquelle aquerant
vne seconde ebullition, fait le Châcro
viceré: lequel Chancré selon Auicene
est produit & engendré d'une melan-
cholie aduste, laquelle venât à boüil-
lonner par vne seconde fois; cause le-
dit Chancré viceré.

De cette humeur melancholique
engendree de colere noire & aduste,
naissent encores les bubons, charbôs,
antrax & semblables.

L'homme qui aura ces maladies, fera de temperament melancholique, de couleur plombine ou terrestre, & de peu de paroles.

Pronostique du temperament melancholique.

Quand la pituite surabonde, elle fait cette aposteme, qui se nomme *Vndimia*, parce que comme preuue tres-bien Galien au quatorzieme de la Therapeutique, *Lundimie est vne aposteme flegmatique, de couleur blanche, molle, & quelquefois sans couleur, & particulierement si elle est simple.*

Les maladies causees par la pituite.

Definition de Lundimie.

Il y a deux sortes d'vndimie, ainsi que des autres apostemes, sçauoir le vray, & le non-vray. Selon Guidon, au chap. 4. des Apostemes flegmatiques, l'vndimie vray, est fait de flegme naturel, qui n'est autre qu'un sang crud & mal-digeré, lequel est dans la masse sanguinaire pour nourrir les parties flegmatiques: le non-vray, est fait de flegme non naturelle.

Il y a deux sortes d'vndimie.

La vraye.

La non-vraye.

Naissent pareillement de la flegme,

les Nodofitez, les Escroüelles, les Glâdules, le Goitre, Loupes, & autres de ces fortes.

Des escroüelles & de la deriuatiõ de leur nom.
Definition des Escor-
netes.

Les Escroüelles que les Grecs appellent *Choirades*, les Arabes *Scrofa*, & les Latins *Struma*, sont des Tumeurs dures, des Glandules encloses dans vn propre Cist, engendrée de pituite crasse, et resechee: ou bien causee de pituite salse; ou de chair fort endurcie: mais raremēt se font de pituite simple. On les appelle de ces nōs; à cause que cettē maladie arriue souuent aux pourceaux, à cause de leur manger golu, & grandement auide; à raison dequoy les enfans qui n'ont encores aage de raisons mägeants de sordonnement, sont plus subjets à tel mal que les hommes lesquels sont reglez & guidez par la raison. Ou bien nous pouuons dire que ce mal est ainsi appellé, à raison que les truyes sont fort fertilles, & engendrent force cochons: ainsi les Escroüelles engen-

drent & bourgeonnent forces Escroüelles ou Glandules.

Galien, au liu. 14. de sa Methode chap. 11. & Paul Æginete, liu. 4. disent que les Escroüelles viennent pour l'ordinaire aux aignes, aisselles, & plus souuent au col, pour estre plus voisin de la teste, d'où fluë & descendent la pituite : aux mammelles & testicules elles y viennent rarement, parce que ce sont parties plus robustes.

Auicenne, & Aece, distinguent les Escroüelles, en benignes & malignes : les benignes, sont sans inflammations & sans douleurs, & leur dureté est mediocre : au contraire, les malignes sont beaucoup plus dures, plus grosses & inegales, accompagnées de douleurs & inflammations, suivies d'une pulsation, lesquelles s'irritent bien souuent par l'usage des remedes, c'est pourquoy elles peuuent estre appellees chancreuses, y ayant d'Atrabile

Lieux où
viennēt les
escrouelles.

Il y a de
deux sortes
d'escrouel-
les.

Benignes
& mali-
gnes.

parmy qui les redainfi feroces & sauvages. Guidon de Cauliat, lumiere des Chirurgiens, fait distinction de ces maladies, en douces & malignes, les appellant les vnes glandules, les autres escroüelles: & definit la glandule, *une tumeur esgale, mobile & molle, laquelle arriue le plus souuent au col; & dit que l'escroüelle c'est une tumeur dure & dolente, accompagnee de plusieurs autres glandules fixes & immobiles: se qui nous fait entendre que par le nom de glandule, il entend parler des douces, lesquelles sont causees d'humeur melancholique ou pituiteuse: & par les escroüelles il entend de celles qui ont affinité avec le chancre.*

Definition
de l'escrou-
elle & glan-
dule selon
Guidon.

Deriuateur
du nom de
glandulle.

Definition
de la glan-
dule,

La glandule est ainsi dite, à la similitude du glan, laquelle est *une tumeur enclose dans un chist assez molle, toute seule, mobile, & separee, le plus souuent est engendree aux esmonctoirs.*

Deriuateur
du nom de
Goitre.

Le Goitre est appelé des Grecs

Bronchocelle: & de Tagaud, Hernie au goffier. C'est vne Tumeur grande & ronde au col, engendree entre la peau & l'aspera arteria; où il s'enferme dans vn Chist, tantost chair molasse & deprauee, tantost quelque humeur semblable au miel ou au suif, ou à la paste, ou à l'eau: & quelquefois se retrenue, ainsi que veut Celse, de petites pieces dure, & languettes semblables à des esquilles d'os.

Definition
du goite.

La louppe est deriué du nom de *Lupa* ou *Lupulus*, qui signifie vn petit loup, les Grecs l'ont nommee *Licæna* ou *Lycænis*, à cause que comme dit Guidon, elle est faicte comme vne petite loupe: c'est vne tumeur molle, ronde, laquelle arriue pour le plus souuent aux lieux durs & secs, comme aux paupieres, joinctures & aux lieux nerveux.

Deriuatue
du nom &
definition
de la louppe.

Le corps qui aura' quelqu'vne de ces maladies sera de temperament flegmatique de couleur blanche & assez charneux.

Pronostique.

Quand le sang surabonde & de-
vient plus chaud & plus humide, il
fait cette aposteme qui se nomme
flegmon simple, & non simple, & au-
tres apostemes chaudes.

Definition
du flegmon

*Le flegmon est vne tumeur engendree de
sang loüable en qualité, qui sortant tout
à coup hors des veines en plus grande quã-
tité qu'il n'est besoin à la partie pour sa
nourriture y induit chaleur, rougeur, ten-
tion, renitence, pulsation, & grand dou-
leur, comme l'on voit en l'opthalmie, à la
parotide, à lesquinance, & autres especes
de flegmon, qui tous prennent leurs noms
des parties où ils sont assis: & est le fleg-
mon, d'autant plus exquis que le sang
dont il est fait est bien temperé.*

Les anciens
ont pris le
nom de
flegmes en
trois ma-
nieres.

Je n'ignore pas que les anciens ont
pris le nom de flegmon en trois ma-
nieres: premierement pour vne in-
flammation, fièvre ou intemperie
chaude & seche sans matiere de quel-
que partie, fondee sur l'ethimologie

de son nom, lequel est tiré du verbe Grec *phlegmanein*, qui descend du primitif *phlegein*, qui signifie enflâmer, ardre, ou brulser: Secondemēt il est pris pour toute tumeur causée d'humeur chaude: En troisiēme lieu depuis le temps d'Erasistrate, il a commencé à estre dit proprement vne tumeur contre nature faicte de sang pur & loüable, sortant hors des veines accompagnée de chaleur, rougeur, pulsation, douleurs, & renitence.

Phlegmar
rein deriuāt
du nom de
flegmon.

Il y a deux sortes de flegmon, l'vn est vray & legitime, & l'autre non vray & bastard, le vray est causé d'vn sang bon & loüable, Benin et naturel ne pechant qu'en quantité, le non vray & bastard s'engendre en deux façons, soit par admixtion ou par trāsmutation partialle & non totale; par admixtion, comme quand avec le sang la bile se mesle, ou la pituite, ou la melancholie excrementitielle,

Il y a deux
sortes de
flegmon.

d'où viennent ces appellations, le phlegmon erisipelateux, phlegmon œdemateux, phlegmon fchirreux; par transmutation, comme quand le sang pur espanché en la partie par corruption vient à degenerer en partie en bile ou en pituite, ou en melancholie, ce qui arriue suiuant la dispositiō du sang pur decoulé des veines sur les parties tumefices :

Et l'homme qui sera acueilly de ces maladies fera de téperament sanguin, de couleur rouge & mediocrement charneux, & l'aposteme sera rouge & douloureuse; & si bié i'ay dit que de la colere naissent des vlceres, erisipele, & autres tels accidés: le même fait en no⁹ la melancholie, le flegme & le sang.

Et deuez sçauoir, que comme dit Auicēne, bien rarement naissent maladies d'une seule humeur, si bien le vray flegmon s'engendre de sang pur & benin, neantmoins pechant
en sa

en sa quantité, ainsi qu'auons dit, & que nous enseigne Iean de Vigo au Chapitre du Flegmon, parlant Theoriquement : donques ne s'engendre ce Flegmon, de pur sang, mais d'une matiere mixte, si bien il prend sa denomination de l'humeur predominante, tellement qu'on n'appelle pas vne vlcere bilieuse, à cause qu'elle est causee de sa seule Bile; mais parce que parmy ces humeurs qui sont vnies à faire cette Vlcere, il y a plus de Bile que des autres humeurs, ainsi du reste.

Raison
pourquoy
le Flegmon
ne s'engend-
re de sang
pur.

Nous auons iusques à present parlé assez succintement des maladies qui sont causees des humeurs distinctes les vnes des autres, à sçauoir des Vlceres & des Apostemes, & descript comme quoy elles s'engendrent: maintenant nous dirons briuelement comme se font les Playes, Fractiōs, & Dislocations : & par apres nous viendrons à la Curation, laquelle pour

plus grande commodité du Lecteur, nous reduirons en cinq parties ainsi que nous auons promis.

Les playes
sont de plu-
sieurs for-
tes.

Je dis d'ôcques que les playes, côme dit Iean de Vigo au discours general qu'il fait des playes, par l'autorité de Galien parlant d'une absoluë solution de continuité, sont de plusieurs sortes, selon la partie ou elles se font; veu que les vnes se font aux parties similiaires, les autres aux parties organiques ou instrumentaires celles qui se fôt aux parties similiaires, les vnes se fôt aux nerfs, les autres aux ligamés, les autres aux Arteres & aux Veines; celles qui viennent aux parties organiques, les vnes sont aux parties principales, côme au Cœur, au Cerueau, & au Foye, les autres aux parties ministrâtes, côme à la Trachee Artere, à l'Vterus, à la vessie & séblables: aucune fois arriue à des parties indifféretes, côme à l'œil, à l'oreille, ou au nez.

La cause de cette fresche solution

de continuité, comme dit Aliabbas au quatriesme sermon de la reelle disposition, procede de cause animee, & inanimee: de cause inanimee, comme des espees, arquebuses, fleches: coup de pierres, & semblables instrumens qui peuuent separer la chair, animee comme poinctures ou morsures de bestes, coup de pieds & de tout autres moyes qu'il y a pour pouuoir bleffer.

La cause des playes procede des instrumens animez ou inanimez.

Or la playe que les Grecs ont nommée *Helcos* ou *Trauma*: Hipocrates la prend pour toute maladie, mais Galien veut qu'elle soit *une solution de continuité faicte en la chair par incision*: Et nous disons que c'est *une solution de continuité, recente & sans pourriture, faicte en partie molle, par coup, cheute, morsure, et autres causes externes*.

Derivation du nom, & definition de la playe.

La playe prend diuers noms, selon la diuersité de la cause qui la produit, ou selon la partie qu'elle occupe: car si elle est faicte par chose poignante,

La playe prend le nom ou de la partie ou de la cause qui la produit.

elle est appelée en Grec *Nigma*, en Latin *Punctio*, en François, *Poincture* : Si elle est faite par contusion, meurtrisseure ou diuision aux parties molles, faite au dedans, & le cuir demeurant entier à cause que la solution est occulte & non manifeste à la veüe, elle se nomme en Grec *Thlasma*, & de Latins *Collisio* : Si elle est faite par froisseure, & qu'il y aye concauité qui procede du coup, elle se nomme en Grec *Entlassis*, & en Latin *Illisio* : Si elle est faite par dechirement ou arachement aux fibres des muscles, elle est nommee en Grec *Tilma*, & en Latin *Vulsio* : Si elle est faite par morsure d'animaux, elle est appelée en Grec *Theriodecta*, en Latin *Morsus* : Si elle est faite par morsure de chien, elle est appelée en Grec *Cynodecta*, en Latin *Canum morsus*, & s'il est enragé, la playe se nommera en Grec *Lissodecta*, en Latin *Canis rabidi*

Noms des
playes.

morsus. Si elle est faicte par ruption & diuision aux parties musculieuses, sans qu'il y aye playe, elle se nommera en Grec *Regma*, en Latin *Ruptio*: Si elle est faicte par distention aux nerfs, & qu'il y aye diuision aux parties nerveuses sans playe, les Fibres des nerfs estant meurtris, elle se nommera en Grec *Spasma*, en Latin *Conuulsio* ou *neruorum partium solutio*; Si les parties qui vnissent les autres parties, comme les ligamens, sont arrachez, les Grecs les appellent *Apospasma*, les Latins *Eaulsio*, les François *Diuulsion* ou *arrachement des ligamens*: Si le sang sort des veines, & qu'il se respande sous le cuir, prenant couleur liuide, les Grecs l'appellent *Enchymosis*, les François *Echymose*, les Latins *Sanguinis effusio*: S'il se fait apertion de la bouche ou orifice, & bout des veines, & que le sang en coule, elle se nommera en Grec *Anastomosis*, en La-

tin *Venarum apertio*, en François, *apertion de la bouche*, & *anastomose des veines*: Si le sâg fort des arteres en fau-
telant, & coulle par les tuniques d'i-
celles, ou transpire à trauers en forme
de sueur, ou comme si on exprimoit
les tuniques se trouuant trop rares ou
le sang trop clair ou subtil, elle se
nommera *Diapedesis*, *transsudatio*,
transcolatio, aut *exilitio*: Si le sang coule
de la veine par erosion & rongemēt
de la veine procedant de cause inter-
ne, comme de quelque humeur cor-
rosifue, alors la playe ou plustost l'vl-
cere se nommera en Grec *Diabrosis*,
Anabrosis, *Rexis*, *Erosio*, *corrosio*, c'est
à dire corrosiō de la veine, & si la peau
est arrachee par cheute ou violente
concussion, alors elle se nommera en
Grec *Apoeirma*, en Latin *cutis Euul-*
sio, en François *Escarcheure*.

La playe
& simple
composee
ou compli-
quee.

Ores, des playes, les vnes sont sim-
ples, les autres composees, & les au-
tres compliquees.

La playe est dite simple, lors qu'il La playe simple.
 ni a aucune cause ny symptome qui
 la suiue & accompagne.

Elle est dite composee lors qu'il y Playe composee.
 a adjonction d'accidens.

En troisieme lieu elle est dite comp- Playe compliquee.
 pliquee, alors qu'il y a plusieurs indis-
 positions meslees & jointes ensem-
 ble.

La playe est superficielle ou pro- La playe est profonde ou superficielle.
 fonde ; superficielle, quand il n'y a
 que les parties exterieures & apparen-
 tes entamees ; profonde quand elle
 penetre iusques aux parties interieu-
 res & cachees, comme au Cerueau, en
 la moëlle de l'Espine, aux Poulmôs,
 au Cœur, au Diafragme, à l'Esopha-
 gue, à l'Estomach, aux Intestins, au
 Foye, en la Ratte, aux Rains, en la
 Vessie, ou en la Matrice.

La playe superficielle d'elle-mes- La playe superficielle.
 me est cogneuë par les sens, & n'a
 que faire d'autres indices que soy-

mesme, attendu qu'elle se voit & iuge à l'œil.

La playe.
penetrante.

Mais les playes penetrantes, ont besoin d'auoir des signes demonstratifs, pour cognoistre & descouurir quelle partie est offencee & navree, car d'elle depend la vie.

Signes
quand le
cerueau est
blecé.

Cômençât donc par la partie la plus noble nous dirons que si le Cerueau ou ses meninges sont offencees, ou navrees; le sang soit par le nez, quelquefois par les oreilles, le vomissement se presente tout aussi tost, & par interualle, la douleur est fort violente, laquelle s'augmente au remuement des machouïeres, & quand on halaine à gros sourspirs; quelques-vns ont les sens endormis & hebetez avec vne furdité, à la pluspart aussi desdits blefsez arriuent des conuultions, & vne heure apres la fièvre les saisit, presque tous le troisieme ou quatrieme jour ils tombent en reuerie, d'autres

mêmes meurent, deschirant les bandes, & linges desquels on leur a bandé leur teste, presentant au froid leur playe toutenuë & descouuerte.

Quand au prognostic, si le coup penetre iusques au ventricule du cerueau, il s'en ensuit vne mort soudaine, à cause que l'esprit animal sort tout à coup; s'il n'entre pas si auât, on n'en meurt pas si tost.

*Prognostic
des playes
du cerueau.*

Si le cœur est blessé il sort vne grande quantité de sang, le poux est debile & petit, la couleur de la face du malade est fort palle, & soudain, les extremittez deuiennent froides, & le corps se resoult en sueurs froides & puantes, messageres de la mort, laquelle arriue en bref.

*Signe quand
le cœur est
blessé.*

Pour le pronostic, toute playe qui arriue dans la region du cœur, la faut iuger necessairement mortelle, parce qu'il est productif de l'esprit vital, qui est la cause qu'il se doit mouuoir con-

*Pronostic
des playes
du cœur.*

tinuellement , & donner aux arteres vn mouuement infatigable & perpetuel pour maintenir la chaleur naturelle des parties : or la playe luy empesche la fonction, & interrompât son action fait cesser son mouuement , & par consequent celuy des arteres, d'où s'ensuit par necessité, l'extinction de la chaleur naturelle qui conseruoit les parties, d'où vient que la mort frappe la porte, & vient trancher le filet de la vie : si le coup entre iusques aux ventriculles du cœur, d'autant qu'il se fait grande effusion de sang, & perte d'esprit vital, qui abbat les forces, & empesche que la vie ne se peut plus repandre par la voye des esprits par tout le corps , alors le malade meurt subitement à la reception du coup.

Quand la playe arriue au foye, il fort grande abondance de sang, les hypocondres sont comme retirez vers l'espine, le patient a des picqueures

Signes des
playes du
foye.

au costé, & des douleurs iusques aux espaulles du mesme costé, il luy suruiuent des grands vomissemens violens, iusques à tomber à cœur failly, difficulté de respirer, & vne petite tous.

Pour le pronostique des playes du foye, à cause de la grande effusion de sang qui se fait, elles sont dites mortelles, & encores que la playe ne soit que superficielle, si ne laisse-elle pas de consumer le corps à la longue, à faute de n'estre nourry comme il faut, le sang s'estant perdu, & par consequent les esprits, qui est la cause que fort peu en peuuent eschaper.

Pronostic
des playes
du foye.

Si les poulmons sont blessez, le patient crache du sang escumeux, & ne peut reprendre son halaine qu'avec peine, ou bien avec vn sifflement; & à mesure que les poulmons font leurs mouuemens l'on voit sortir vn grand vent hors de la playe, voire mesme si

Signes de
playes du
poulmon.

on y approche vne chandelle allumee, le vent qui en sort viendra à l'estaindre.

Pronostic
des playes
du poulmō.

Pour le pronostic des playes des poulmōs : ie dis que pour la pluspart elles sont incurrables, à cause que leur mouuement continuel empesche la reünion, & par le moyen de la toux que cause ladite playe deschire & escarte continuellement les bords d'icelle, ce qui empesche sa reünion tout à fait, & si le blessé ne meurt subitement, à la fin il se deseiche & consume peu à peu de fièvre & de langueur.

Signes des
playes de la
poiétrine.

Quand la playe arriue au fonds de la poiétrine, en halenant le vent se iette hors par la playe, & pour la bien cognoistre il faut vser de la poudre d'Aloës, de Mirrhe, & d'Aristoloche dans ladite playe, ou tout aussi tost le patient sent l'amertume à la bouche.

Si le coup penetre dans la poiétrine

il apporte grand danger, & principalement s'il y a quelque partie intérieure offencée, & si la playe penetre profondément en quelque partie que ce soit, elle est dangereuse, d'autant que l'air externe qui entre par icelle sans estre préparé offence les parties intérieures: ioint aussi que l'esprit intérieur s'exhale par icelle, d'où la vertu est debilitée: ioint encore qu'elle ne peut estre bien modifiée, de là vient qu'à la fin elle degénere en fistule, d'où s'ensuit la mort, ou difficulté pour toute la vie.

Pronostic
des playes
de la poi-
trine.

Si la ratte est blessée, le sang sort du costé gauche, noir & melancholique du mesme costé les hipocondres deviennent durs, la douleur s'estend iusques à la Clavicule, & le malade est fort alteré.

Signes des
playes de la
Ratte.

Pour le pronostic, les playes de la Ratte encores qu'elles ne soient si dangereuses que celles du foye, bien

Pronostic
des playes
de la Ratte.

qu'il y aye grande effusion de sang grossier & melancholique, ne laissent pourtant d'estre mortelles, pour estre ladite Ratelle composee d'une chair spongieuse, molasse, & quasi incapable de pouuoir faire vne reünion, ou cicatrice, d'où s'ensuit que le sang se perdant continuellement, le malade meurt avec le temps.

Signes des
playes du
Diafragme.

Si le Diafragme est transpercé, il retire les hipocondres contremont, le malade perd les sens & l'entendement, la playe empesche grandement la respiration, quelquefois elle apporte la toux avec vn crachemēt de sang.

Pronostic
des playes
du Dia-
fragme.

Quand au pronostique si la playe est faicte au milieu ou à trauers du Diafragme, lequel est partie nerueuse, sans sang, & qui se meut continuellement à cause de la respiration, cause à la fin la mort, car à faute de sang & de repos, elle ne se peut consolider.

Quand l'œsophage est blessé, le passage du boire & du manger est fermé, & si le patient avale par artifice quelque chose, il le vomit tout aussi tost, & est par intervalle persecuté du hocquet, de défaillance, & de convulsion.

Signes de
playes de
l'œsophage.

Pour le pronostique, l'œsophage percé tout outre ne peut recevoir vne parfaite réunion, pour'estre partie cartilagineuse: ioint que le boire & le manger qui doit passer par là ordinairement, empesche la réunion, d'où s'ensuit la mort, ou fort peu en peuvent eschaper.

Pronostic
des playes
de l'œsophage.

Si la playe pénètre dans l'estomac la viande & le breuvage sort par la playe, le vomissement est ordinaire, semblablement le hocquet & les défaillances de cœur.

Signes des
playes de
l'Estomac.

Le pronostique est, que l'estomac ne peut recevoir réunion, d'autant que le boire & le manger par leur pesanteur

Pronostic
des playes
de l'Estomac.

font dilater les levres, & empescher la reünion : joint que les medicamés n'y peuuent estre appliquez commodement, toutes lesquelles raisons nous font pronostiquer telle playe estre mortelle.

Signes des
playes de
l'espine du
dos.

Quand à la moëlle de l'Espine du dos s'il y a playe, & qu'elle ait esté incisée, les parties inferieures perdent le mouuement & sentiment, toutes fonctions leur deffaillent, de sorte qu'elles se vuident contre leur volonté, tantost de la matiere fecale, tantost de l'vrine, & tantost de la semence.

Pronostic
des playes
de l'espine
du dos.

Quand au pronostique touchant les playes de l'Espine du dos, pour la grande communicatió qu'elle a avec le Cerueau à cause de sa moëlle, apporte pour le plus souuent des accidens dangereux & mortels, & sur tout s'il y arriue quelque conuulsion.

Si les

Si les Reins sont navrez, la douleur descend aux aînes & testicules, le malade a difficulté d'vriner, il pisse le sang clair, ou fait son vrine sanguinolente.

Signes des
playes des
reins.

Touchant le pronostique par tels signes on peut iuger facilement le danger du malade, & sur tout par les accidens qui surviendront, lesquels sont tous mortels.

Pronostics
des playes
des reins.

Quand les intestins sont offencez & trenchez, la matiere fecale ne descend plus en bas, ains sort par la playe, ou pour le moins son odeur.

Signes des
playes des
reins.

Pour le Pronostique, si l'intestin ne fait en bref sa réunion, ou bien que la matiere fecale ne se vuide par la playe (là où l'on aura tiré le bout du dit intestin taillé) est chose mortelle, mais si elle se vuide par ladite playe, reste fistule.

Pronostic
des playes
des inte-
stins.

Si la vessie est percee, outre que le malade pisse le sang, il a des vomisse-

Signes des
playes de la
vessie.

mens, hocquets, alienation d'esprit, avec rétention d'urine, voire même l'urine sort par la bouche de la playe.

Pronostic
des playes
reins.

Et pour le pronostique, la vessie pour estre partie denuée de chair, & pour la corrosion & mordacité de l'urine: joint qu'on ne peut appliquer à propos les remèdes, elle ne peut recevoir réunion qui est la cause que nous l'appellons mortelle.

Signes
quand la
Matrice est
blessee.

Si la Matrice est blessée, la douleur se communique aux aînes, aux hanches, & aux cuisses, le sang soit en partie par la playe, partie par la nature, en apres il s'ensuit vn vomissement de bile, quelques-vnes ne parlent point: autres perdent les sens, autres disent estre tourmentées de douleurs des nerfs & des yeux.

Pronostic
des playes
de la Ma-
trice.

Pour le pronostique, la Matrice quand elle est blessée à cause de la grande communication qu'elle a avec le cerueau, le cœur, foye & au-

tres parties principales, elle apporte de grieux accidens, & parce que c'est vne partie nerueuse, priuee de sang, & que par elle passe forces humiditez, & qu'on n'y peut appliquer libremēt & à propos les medicamens, elle est fort dangereuse d'apporter la mort, ou laisser quelque fistule, si la diligence du Chirurgien n'est grande.

Faut noter que si aux grādes playes il y suruient tumeur, c'est vn bon signe, pource que nature tache de secourir la partie offensee, & fait iuger par là qu'elle ne manque de forces, mais quād on n'y voit enfleure quelconque, c'est vn mauuais presage, car il est à craindre que les humeurs qui doiuent concourir à la blessure ne se soient retirees vers les parties nobles, ou bien que nature n'aye plus de puissance, & qu'elle soit du tout abbatue.

Observatiō
aux grand s.
playes.

Nottez encores que s'il y a quelque grande veine ou artere tranchee, il y a

grand peril de vie, pour la grande Hemorrhagie qui s'en ensuit, ce qui abbat grandement les forces, & enuoye le patient chercher vne autre vie, pendant que nous passerons de ce discours à celuy des fractures.

Definition
de la fracture.

La Fracture que les Grecs ont nommée *Agma* ou *Catagma*, sont de plusieurs sortes, ainsi que dit fort bien Paul Eginete, au 6. liu. chap. 89. où il veut que la fracture ne soit autre chose, qu'une diuision d'os, ou bien une ruption, ou fracture faicte de quelque accident violent.

Les Grecs
font cinq
sortes de
fracture.

Les Grecs pour mieux exprimer la nature de la Fracture ont fait les differences suiuantcs, & ont trié le nom de la forme de leur ruption, les nommant *Cauledon*, *Raphanidon*, *Siciedon*, *Chidacidon*, *Alphidon*, *Chalamedon eis oncia*.

.I La Fracture appelée *Cauledon*, c'est à dire choux est faicte avec des petites

éguilles poinctuës, lesquelles ressemblent à la tige de la coste d'un chou quand on le rompt, ou l'on voit certains filamens, on l'appelle Fracture, pource qu'elle se fait à trauers de l'os.

La *Raphanidon* que nous appellôs 2.
refort, est quand l'os se rompt à trauers tout net, & est poly sans aucune éguille de mesme qu'un refort.

La *Siciedon* ou *Concombre*, laquelle 3.
se fait avec quelque inegalité de la fracture se retreuant à trauers de l'os.

La *Chidactilon*, qui signifie fente 4.
est faicte de la maniere que l'on fait ou scie vn ais, l'os n'estant tout a fait separé, mais seulement fendu, laquelle espece de fracture est tres-difficile à cognoistre, excepté que l'os soit à descouuert au droit de la fente, & qu'on mette de l'ancre sur l'os, puis qu'on le seche, alors on verra la fente noircie.

5.

La fracture dite *Alphidon*, *Carie-*
don, est ainsi appelée à cause qu'elle
 est faicte en forme d'ongle qui est vne
 escaille en droicte ligne de sa partie,
 laquelle sur la fin se courbe en forme
 de croissant & pour cette considera-
 tion quelques-vns l'ont appelée *Lu-*
naris.

Toutes lesquelles sortes de fractu-
 res peuuent arriuer à quelque os que
 ce soit.

La fracture
 est parfaite
 ou impar-
 faicte.

La fracture peut estre parfaite ou
 imparfaicte, elle est parfaite, quand
 l'os est tout a fait rompu; & impar-
 faicte, quand quelque partie de l'os
 reste entiere.

La fracture
 est simple
 ou compo-
 sée.

Galien au quatriesme de la Thera-
 peutique, veut qu'aucunes soient
 simples, autres composees.

La simple.

La compo-
 sée.

Les simples sont celles qui n'ont ny
 apostemes, ny autres accidens: les
 composees sont celles qui ont aposte-
 mes & autres accidens, comme playes,

ulceres & semblables.

Quand au pronostic touchant le danger ou la longueur de la fracture, nous la prendrons tant des os rompus que de la fracture & des symptômes Pronostic pour les fractures. qui l'accompagnent, car si l'os rompu est grand, ou qu'il soit brisé en plusieurs pieces, ou bien que la fracture soit proche des ioinctures, ou qu'elle soit avec playe, inflammation des parties voisines, distention des nerfs, piqueures & conuulsion, fièvre aiguë, syncope, ou si la fracture est suruenue à vn corps vieux, ou mal composé, le malade sera en danger de mort, c'est pourquoy l'on pronostiquera plustost *ad periculum, quam ad securitatem*, voylà quant aux fractures.

Pour les dislocations que les Grecs ont appellé *Exarthrema*, Hipocrates *Olisthima*, & les Latins *Luxatio*, elle n'est autre, ainsi que dit Aliabbas au neuuesime sermon de sa Pratique, au

Definition
de la luxa-
tion.

mesme chapitre, qu'un os demis & osté de son propre lieu & joincture: Et Paul Eginete au 6. liure, chap. 113. dit que *Luxatio, est articuli à propria sede, in alienam exitus, quo voluntaria motio impeditur.*

Trois especes de luxation outre la parfaicte.

Outre la parfaicte luxation nous en auons encores trois autres especes, à sçauoir la *Diacinema* que les Latins appellent *Subluxatio*, ou *Imperfecta luxatio*, & les Grecs *Pararthrema*, la seconde est appelée des Grecs *Chalasis*, & des Latins *Prolongata Luxatio*. La troisieme sorte est l'entre-ouuerture de l'os, elle est appelée des Latins *nodorum seu articulorum relaxatio*

La Diacinema.

La *Diacinema* est celle qui se fait lors que la luxation est imparfaicte, l'os n'estant du tout hors de sa bouëte.

La Chalasis.

La *Chalasis* n'est autre chose qu'une elongation, relaxation, où esslargissement des ligamens qui lient les joinctures, laquelle dislocation se fait

par vne grande extention, comme à la hanche, par la violence de la gehéne extraordinaire qu'on donne aux criminels, aux espaules par l'estrapade, & aux pieds par vn faux pas ou destorce du pied.

L'entrou-
uerture.

Celle que nous appellons l'entrouuerture, c'est celle ou nous voyons que les os s'entrebaillent, sans toute-fois estre desplacez, cette dislocation arriue principalement au petit focille du bras & de la jâbe par la dilatatiô, dilaceration ou ruption des ligamens.

Quelques-vns outre les quatres es-
peces de dislocation que nous auons
dit, ont voulu mettre la cinquiesme,
laquelle arriue, disent-ils aux petits
enfans à la separation des Epiphises,
comme de l'os de la teste, de l'os adiu-
toire, du fœmoris, & autres joinctu-
res, & cecy se recognoist par la sepa-
ration des os avec crepitation & im-
puissance de la partie.

Quelques
auteurs
adioustant
la cinquies-
me luxa-
tion.

La nature
conioine
les os en
quatre ma-
niere.

C'est pourquoy voulant reduire toutes ces sortes de dislocations, il en faut sçauoir la maniere. Iean de Vigo grand Praticien à la Chirurgie, dit par l'autorité d'Auicēne que la sage nature conioint les os ensemble en quatre maniere.

La premie-
re conion-
ction.

Premierement, en les enchassant les vns dans les autres, ainsi qu'on voit aux Comissures des os de la teste.

La seconde.

Secondement en les enclouant les vns dans les autres, ainsi que les dents qui sont comme enclouēes dans la maschoüere.

La troisiē-
me.

Troisiēsmement en les faisant soustenir, & comme appuyer les vns sur les autres; ainsi qu'on voit aux os de la poictrine qui se soustiennent mutuellement, comme les pierres d'une voûte sans aucune trauerse.

La qua-
triēme.

Quatriēsmement, en les liant ainsi qu'on voit aux os du coude & autres ioinctures semblables, lesquels sont

conjoint ensemble par le moyen des ligaments & muscles; & en celle-cy, comme affirme le mesme Iean de Vigo, de l'autorité de Lanfranc, se fait la vraye dislocation, lisez son sixiesme liure où il traite de la nature des os, au dix-septiesme chapitre parlant vniuersellement de la dislocation des os.

Quand aux causes de la dislocation, Les causes de la dislocation sont extrinseques. aucunes sont extrinseques ou externes; comme sont sauter, courir, tomber, estre poussé & semblables; les autres sont intrinseques ou internes comme les humeurs grossieres & visqueuses, que quelques-vns nomment mucilagineuses & grossieres ventositez, lesquelles entourant les ioinctures, les debouëtent & chassent hors de leurs places.

Mais Auicenne veut qu'il y aye vne Vne troisieme espece de dislocation. autre cause interne causee du deffaut & manquement de la nature, comme il recite luy-mesme au chapitre vni-

uerfel de la dislocation, à ſçauoir qu'il y a des hommes, leſquels ont la ſommité des os fort peu profonde ou concaue, ſi nous les voulons ainſi appeller, & les ligamens foible, qui eſt cauſe que pour peu d'effort qu'ils faſſent la ioincture ſe demet & ſe fait dislocation par meſme moyen.

La ioincture ſe peut demetre en quatre maniere.

La ioincture ſe peut deſmettre en quatre fortes, comme preuue fort bié Iean de Vigo, à ſçauoir au dedans & au dehors, pardeuant & par derriere, la dislocation peut eſtre parfaicte & imparfaicte : la parfaicte eſt quand la boſſe de l'os ſort tout a fait hors de la bouëte, ou enchaſſeure de l'autre os : Mais ſi la boſſe n'eſt du tout hors de ladite bouëte de l'autre os, on ne la nomme que dislocation imparfaicte.

Signes de la dislocation.

Les ſignes de la dislocation ſont, l'eminence d'une part, & la concauité de l'autre ioincture, la peine de

mouuoir le membre & la joincture, & par la difference qu'il se voit entre la ioincture disloquee & la compagne, qui est la saine, & encores par la douleur qui nous cause.

Quand au pronostic, Hipocrates Pronostic de la dislocation. vtut que toute dislocation avec douleur, ou avec aposteme, ou avec playe, ou bien avec fracture d'os, soit dangereuse, & avec grande difficulté & danger retourne en sa place. Galien tient la mesme opinion, & la plus grand part des bons auteurs le suiuent en cela.

Il seroit icy besoin de diuiser par le menu & en particulier toutes les dislocations, comme aussi toutes les vlcères, apostemes, & en vn mot tous les maux qui peuvent suruenir aux cinq parties de nostre Chirurgie: mais parce que Maistre Iean Tagaud les a toutes distinguees & diuisees avec tant de soin & curiosité qu'il nous est com-

me impossible de rien adiouster, n'y redire de plus; ceux qui voudront voir ceste diuision pourront auoir recours à luy : outre que mon intention n'est pas de traiter particulièrement de tous les maux , mais seulement de traiter generally des vlceres, Apostemes, playes, fractures, & dislocations, ayant iusques à present dit comme elles s'engendrent, comme elles se cognoissent, leurs definitions, & les iugemens qu'on peut faire de chacune d'icelles. Nous dirons encore avec briueeté la curation de chacune en particulier, & pour vne methode plus facile, & commodité au Lecteur, nous diuiserons lescdites maladies en cinq parties ou chapitres, priant le Tout-puissant vouloir fauoriser nostre dessein.



DE LA CURATION des vlcères.

PARTIE PREMIERE.

POur suiure tousiours nostre intention, nous traiterons de la curation vniuerselle des vlcères; Mais auparauant il est En quoy
different
les vlcères. necessaire de dire qu'il se trouue plusieurs & diuerses sortes d'vlcères, desquelles les vnes se nomment venimeuses, les autres malignes, & les autres corrosiues, lesquelles sont engendrées d'humeurs subtiles & corrodantes, & celles-cy ne sont différentes entr'elles que du plus & du moins.

Il y a des vlcères pourries & foides, & celles-cy ne sont pas pareillement différentes, excepté que du plus & du moins. Diverses
sortes d'ulcères.

Il y a des vlcères cauerneufes, vlcères fistuleufes, vlcères humides, vlcères feiches, vlcères vermineufes, vlcères pourries, vlcères foidides, vlcères virulentes, vlcères douloureufes, vlcères avec excroiffance de chair, vlcères variqueufes, vlcères avec carie d'os, vlcères avec propriété occulte, vlcères compliquées avec fluxions, vlcères corrofiues & ambulatiues, & de plusieurs autres fortes.

L'ulcere
profonde
ou cauer-
neufe que
c'est.

L'ulcere profonde ou cauerneufe, que les Grecs appellent *Elcoscolpodes*, & les Latins *Sinuofum*, ou *Cauernofum*, ne fignifie autre chofe qu'une ulcere, lequel a l'orifice & la bouche eftroite, le fonds large & vaste, ayant fouuent diuerfes voyes & conduits, tantost droits, tantost obliques, fans aucune calofité.

Ulceres fi-
stuleufe.
L'ulcere
humide.
L'ulcere
feche.

L'ulcere fistuleufe est appellée des Grecs *Elcos Suriggeudes*, & des Latins *Fistula*, laquelle a pris son nom d'un instrument pastoral qui refsemble à

vne fleur, estant estroit en son entrée & en son fonds : C'est vne *ulcere* Vlcere fistuleux. *concaue, profonde, antique, et caleuse, priuée de sentiment, estroite à l'entrée & en son fonds, d'où il sort vne infection venimeuse.*

L'*ulcere* humide laquelle est appelée des Grecs *Elcos ygron*, & des Latins *Vulcus humidum*, est celle qui a la chair blanchastre, & molasse, avec un sentiment de l'*ulcere* obscur, surabondante en humidité & excrement, & quelquefois ell'est, selon Faloppe, avec vne excroissance de chair mole & fangeuse.

L'*ulcere* seiche que les Grecs ont nommé *Elcos Xiron*, & les Latins *Vulcus aridum*, est celle laquelle est avec vne grande aridité, & seicheresse de l'*ulcere*, ayant ses bords ensemble, le cuir fort sec & aride, d'où il en tombe forces esquammes.

L'*ulcere* vermineuse que les Grecs

L'ulcere
vermi-
neuse.

appellent *Elcos Scolocodes*, & les Latins *Verminosum*, c'est une ulcere plaine de petits vers, causez par la pourriture & putrefaction d'un flegme douceastre, où d'une humidité grande & surabondante, arriuant principalement en une saison chaude, comme l'Esté, & à une ulcere impure, sale, bourbeuse, et negligée, où bien elle est profonde, sinucuse, & cauerneuse, ou en partie, que la matiere ne se peut avec facilité vuidier, comme aux oreilles, nez, siege, ou matrice.

L'ulcere
putride.

L'ulcere pourrie, appelée des Grecs *Elcos Sepedorodes*, & des Latins *Vlcus putridum*, c'est celle qui corrompt & putrifie la partie où elle arriue, rend la chair mole, visqueuse, crousteuse & puante.

L'ulcere
fordide.

L'ulcere fordide, appelée des Grecs *Elcos Kiphor*, & des Latins *Sordidum*, est celle-là de laquelle sort un excrement espais, grossier, inegal, & d'une couleur cendrée.

L'ulcere venimeux est celuy que les Grecs nomment *Elcos Ichorofon*, & les Latins *Ulcus Virulentum*, elle n'est autre qu'une ulcere de laquelle sort une humidité ou excrement plus subtil.

L'ulcere
virulent.

Quand à l'ulcere douloureuse que les Grecs appellent *Elcos Odineron*, & les Latins *Ulcus crucians*, seu *dolorosum*, nous entendons estre celle-là qui est accompagnée de douleur, qui est une passion et sentiment triste de l'atouchement, causée par l'action violente & soudaine de la chose sensible, accompagnée d'intemperature & solution de continuité, troublant l'action de la partie.

L'ulcere
doulou-
reux.

L'ulcere avec excroissance de chair est une maladie ou magnitude & grandeur accrue outre mesure; empeschant la consolidation de l'ulcere, elle est appelée des Grecs *Elcos Hypersarcodes*, & des Latins *Ulcus super excedens*.

L'ulcere
avec ex-
croissance
de chair.

L'ulcere variqueuse est une solution de continuité avec pourriture & dilata-

L'ulcere
variqueux.

tion d'une ou de deux, ou de plusieurs veines, & quelquefois d'un simple rameau, ou de plusieurs, remplis d'un sang aduste & melancholique, entortillees à l'entour de l'ulcere l'abreuuant continuellement, pour ceste raison Albucràsis les appelle *Vignes*, les Grecs l'ont nommée (*iro-des id est varix*, & les Latins *Varicosum*.

L'ulcere
avec carie.

L'ulcere avec carie d'os, est une solution de continuité en l'os faite par erosion, où bien une corruption & mortification de la propre substance de l'os; Car ce qui est dit gangrene ou esfacelle aux autres parties, est dit carie aux os. C'est pourquoy les Grecs ont appelé ceste ulcere *Elcos Teredon*, & les Latins *Vlcus coriosũ, vel rosiosum*, à cause que telle indisposition vient à trouer & per-tuiser l'os, comme font les vers dans le bois.

L'ulcere
avec pro-
priété oc-
culte.

L'ulcere avec propriété occulte, est appelée des Grecs *Elcos cacóthymon*, & des Latins *Vlcus malignum*, selon Celse

est une vlcere grande, complice avec deux grands bors durs, calques, enflés, faits en tumeur, iettant une lente, subtile, fluide et liquide, accompagnée d'une propriété occulte et malice lente et cachée, causée d'une humeur atrabilaire.

L'vlcere avec fluxion est celle laquelle reçoit iournellement plus d'humour qu'elle n'en peut digerer, d'où s'ensuit à la partie une humidité superabondante, douleurs, inflammations, et autres semblables accidents, les Grecs l'ont appelée *Elcos dysepuloton*, & les Latins *Vlcus fluxione vexatum*.

L'vlcere corrosif ou ambulatif est celui lequel par sa malignité corrode et mine la partie où il se trouue, & penetre quelquefois si auant par sa malignité, qu'il fait escarre, bien que la profondeur ne soit pas trop grande, car elle travaille plustost à s'elargir qu'à se ressermer, c'est pourquoy il est appelé des Grecs *Elcos Phagaidenicon*, & des Latins *Ambulatinum Vlcus*.

quand elle se rend profonde & maligne, elle est appelée des Grecs *Nomé*, & des Latins *Depascens*.

Je n'entends pas que ce discours soit pour faire diuision ou distinction absoluë de toutes les vlcères ; Mais seulement pour aduertir le Chirurgien qui a le soin de les penser, afin qu'il soit bien prudent & auisé d'y pouruoir, & sçauoir leurs différences pour mieux arriuer à la cure.

Pourquoy
s'engend-
re l'apo-
stème à
l'ulcère.

Or la cause pourquoy s'engendre l'apostème à l'ulcère, n'est autre, comme dit Auicenne, que la debilité du membre vlcéré, parce que la nature enuoyant la nourriture au membre, & le membre ne la pouuant cuire ou digerer, se pourrit & se deseiche : Et de cecy faut tirer vne raison, qu'il est tres-vtile de renforcer le membre vlcéré, & dit le mesme Auicenne que toutes les vlcères ont besoin d'estre deseichées, excepté les vlcères faites

par contusion ou dessication des muscles, parce que celles-cy, comme dit Galien, veulent estre humectées & molifiées.

Des vlcères qui ne demandent dessication.

Toutesfois il faut aduertir que les vlcères deuant estre tout guaris par dessication seront plus ou moins desséchés, & ce suiuant leur exigence naturelle, d'autant que la perfection de la curation gît particulièrement à reduire chaque partie en son temperament naturel.

Les vlcères veulent diuers degrez d'essication.

Les matieres qui sourdent des vlcères sont de trois sortes,

La premiere se nomme *Icore*, la seconde *Sanie*, & la troisieme *pus*.

Il y a trois sortes d'apostemes. Que c'est qu'Icore.

L'icore est vne certaine sorte de matiere un peu rougeastre & subtile, laquelle ressemble au sang, & ceste matiere montre que l'humeur est grandement colerique.

La Sanie, est vne humeur subtile, noirastre, ou iaunaistre, & cela nous signi-

Que c'est que Saue.

fié que la matiere n'est pas encore cuitte.

Que c'est
que Pus.

Le *Pus* est vne matiere loüable, quand toutesfois elle a ces conditions ; sçauoir qu'elle soit blanche, sans puanteur, & qu'elle ne soit subtile, mais grosse & espaisse ; C'est pourquoy nous disons, *Pus bonum album, laue & equale*, & cecy tesmoigne que l'humeur est parfaitement cuite, & la partie veut bien tost guarir.

Six choses
faut obser-
ner à la cu-
ration des
vlcères.

Et parce que nous auons dit que les vlcères se veulent guarir par exsiccation, il faut à la curation vniuerselle des vlcères, obseruer les regles que nous a laissé le grand praticien Iean de Vigo, au Liure des vlcères, chap. 3. où il deffend six choses.

1. Premièrement la desication des vlcères faites de contusion.

2. Secondement des vlcères alterées par l'air.

3. Troisiësimement de celles où il y a grande douleur.

Quatriesimement selon la partie 4.
où l'vlcere se rencontre.

Cinquiesimement, qu'elle ne soit 5.
pas venuë nouuellement de quelque
humeur chaude.

Sixiesimement, qu'elle ne soit mal 6.
qualifiée de matiere chaude & sei-
che.

Parce qu'à toutes ces sortes d'vlce-
res il faut, comme le mesme Autheur
veut, premierement proceder avec la
molification & remedes digestifs, &
non desseichans.

Et parce que nous auons dit qu'aux
vlcères il faut vser de remedes dessei-
chans selon les degrez, l'on me pour-
roit icy demander comme se pourra
cognoistre si la playe a besoin d'estre
desseichée, au premier, second, troi-
siesme, ou quatriesme degre; Le res-
pons que facilement on le cognoistra
par l'estrange chaleur qui se voit à
l'vlcere, par la rougeur de la partie,

Comme
l'on peut
cognoistre
le degre
auquel il
faut dessei-
cher l'vl-
cere.

par l'inflammation du lieu , ou par le contraire ; ſçauoir par la froideur , ou par la couleur blanchaſtre ou paſſe de l'vlcere , ou bien par la multitude & grande abondance d'humidité.

A cecy ſert le iugement & l'experience du docte Chirurgien , c'eſt pourquoy ſ'il voit grande froideur , il faut eſchauffer la partie , ſi elle a trop de chaleur , la faut refroidir ; ſi ell'eſt grandement ſeiche , la faut humecter ; ſi trop humide , il la faut deſſeicher ; Et tout cecy ſera conforme au dire du diuin Hipocrates , *Contraria contrarijs curantur.*

Et non ſeulement doit ſeruir le iugement au Chirurgien pour cognoiſtre ſi l'vlcere ſera humide ou ſeiche , ou chaude ou froide ; mais en toutes les choſes , parce qu'il ſuruiét aucune-fois qu'un médicament a un corps ſera incarnatif , & à un autre corroſif , comme dit noſtre grand praticien

Raison
pourquoy
le medea-
ment peut
retarder la
cure de
l'ulcere.

Jean de Vigo, au Chapitre troisieme
du quatriesme Livre de sa pratique.
C'est pourquoy il faut rendre les me-
dicamens plus forts, & quelque-
fois plus foibles ; Et c'est la cause
que les Chirurgiens peu experts de-
meurent long-temps à guarir leurs
malades, à cause qu'ils manquent à ce
iugement : car comme ils commen-
cent à panser vne vlcere avec vn on-
guent d'Etutie ou d'Apostolorum,
ou de Plomb, ou de Minio, ou de
Chaux, ou de Resine, ou avec le Ci-
trin, ou Egyptiac, ou autres, il vont
avec cét ynguent depuis le commen-
cement iusques à la fin, n'ayant l'in-
vention n'y l'experience (Je ne veux
pas dire le iugement) de sçauoir faire
dauantage ; sçauoir de faire plus ou
moins, dessechans, humectans, ou
mondifiens, selon que leur enseigne
l'Art ou Science de Chirurgie, pour
n'en respondre vn iour deuant le

Tribunal Diuin. Je n'entreprends pas icy de blasmer les erreurs que quelques Chirurgiens font, ou par leur ignorance, ou par malice, cõmme i'ay veu en diuerses Prouinces & Pays estrangers, où ils se soucient fort peu d'appliquer sur le mal le premier emplastre ou vnguent qu'ils rencontrent en desfechant la bourse du patient. Mais puis qu'un chacun y est pour sa conscience, ie me contente seulement que mon discours puisse seruir à ceux qui se peneront de le lire & le conceuoir comme il faut.

Voulans doncques guarir les vlcères, il est expedient premierement de cognoistre dequoy elles sont engendrées, parce que diuerses vlcères veulent diuerses curations, & faut oster les empeschemens lesquels peuuent estre plusieurs. Mais ie feray mention seulement de sept principaux.

La premiere chose qui empesche

L'vlcere
peut estre
empesché
en sept
manieres.

la cure de l'ulcere c'est la douleur ou inflammation.

La seconde l'os gasté ou carié. 2.

La troisieme le calus ou bords trop durs, qui empeschent la reünion. 3.

La quatrieme, le pus trop-abondant. 4.

La Cinquiesme, la surcroissance de la chair. 5.

La Sixiesme, l'intemperie de la partie. 6.

Et la septiesme, l'humeur peccante. 7.

Or toutes ces choses sont des empeschemens lesquels ne laissent fermer ny cicatrifer l'ulcere, & lesquels il faut de necessité oster, afin que la curation s'en fasse mieux à propos.

Pour l'humeur peccante elle se peut oster facilement avec la digestion, ou bien purgation reiterée, selon que le temps & la necessité le requiert.

Comment
on peut
oster l'humeur
peccante.

L'intemperie se doit oster avec le

Pour ôster
l'intempe-
rie.

regime de viure , avec medicamens
vniuersels & particuliers.

Pour ôster
l'excrois-
sance de la
chair.

L'excroissance de la chair se con-
sommenera avec poudres, ou caux cor-
rosiues , avec Cauteres actuels ou po-
tentiels , ou avec rasoërs.

Pour ôster
le calus.

Le Calus s'oste avec les mesmes
moyens que l'excroissance de la
chair.

Pour ôster
l'os gasté.

L'os gasté ou carié se peut ôster par
diuers moyens, mais pour le plus sou-
uent avec le Cautere actuel , lequel a
vne merueilleuse puissance d'exfolier
& corroborer l'os , separant propre-
ment & promptement la carie, & pre-
seruant le sain.

Pour ôster
la douleur.

Et finalement la douleur se peut
ôster avec mitigatifs, tellement qu'il
faut estre bien aduertý à ces empes-
chemens , quand on panse quelque
vlcere , comme aussi à tous autres
maux.

Bié qu'outre ce que dessus il faut les

panfer en leur temps, parce que com-
dit Iean de Vigo, autres medicamens
veulent au commencement, autres à
l'augment, autres à l'estat, autres sur
le declin.

Faut obser-
uer les qua-
tre temps
de l'vlcere,

Et d'icy nait qu'on se sert des
Digestifs, Mondificatifs, Incarnatifs,
& Sicatrisatifs: car il faut que le Chi-
rurgien soit bien aduertie que quand
il pansera vne vlcere voisine des
nerfs, ou autres lieux sensibles, de
procurer d'oster sur tout la douleur,
puis que comme tesmoigne Auicen-
ne, les vlceres qui sont proches des
nerfs, des veines, ou bien des arteres,
peuvent facilement engendrer l'apo-
steme, & par fois des douleurs into-
lerables.

Observation
pour les
vlceres en
lieux sen-
sibles.

Outre tout cecy il ne faut vser de
digestif sinon quand on voit la ne-
cessité, parce que le trop long vsage
apporte plustost putrefaction que di-
gestion, encores moins est-il propre

Observa-
tion pour
les digestifs
& abster-
tifs.

d'vser des absterssifs hors de ce qu'il conuient , parce qu'ils refoudroient la chair en humeur, Iean de Vigo le vous dit, enseigne & commande, de la part d'Auicenne au Chapitre troisieme des vlceres.

Faut l'evacuation de l'humeur peccante.

Or apres tout ce qu'il dit de la curation des vlceres touchant ce qui concerne la digestion de la matiere peccante , pour l'euacuation de laquelle la flebotomie , les ventouses , les sangsues , sont tres-propres , principalement si l'humeur melancolique predomine.

Faut diuers medicamens locaux. Et panser l'vlcere selon l'humeur qui predomine.

Il est encores necessaire de diuers medicamens locaux , comme vnguens, lotions, poudres, deffensifs, & autres choses necessaires ; & en pansant les vlceres causees d'humeur colerique, les faut panser pour coleriques , les melancoliques pour melancoliques, les simples pour simples, les composees pour composees, les pouries

pourries pour pourries, les fistules pour fistules, les vieilles pour vieilles, les nouvelles pour nouvelles; & par ainsi passer chacune selon que sa qualité le requiert.

Il faut encores estre aduerty d'vser du bandage, lequel se fera avec quatre bandes, en bandant tousiours l'une sur l'autre & au contraire l'une de l'autre; lequel bandage quand il est fait à propos & avec iugement, aide autant à la curation de l'ulcere que les vnguens mesme, parce qu'il empesche grandement les humeurs de courir à l'ulcere: aduertissant toutefois qu'il ne soit trop estroit, parce qu'il empescheroit que les esprits ne pourroient aisément reluire à la partie, & causeroit douleur, & autres accidens que nous taschons d'esuiter.

Le malade doit demeurer au liest pendant ladite cure: mais sur tout si l'ulcere est à la jambe, à cause que le

Le bandage
est necessai-
re à la cure
des vlcères.

Le repos
est necessaire
pour la cura-
tion de l'ul-
cere.

cheminer fait concourir les humeurs à ladite partie.

*Vnguens
qu'on vse
ordinaire-
ment pour
panser les
vlcères.*

Les vnguens qu'on se sert ordinairement pour panser les vlcères, sont l'vnguent de tutie, l'vnguent de plomb, l'vnguent apostolorum, l'vnguent aureum, l'vnguent basilicum, l'vnguent egiptiac, l'vnguent de minio, l'vnguent de chaux, l'vnguent de resine, l'vnguent citrin, & particulièrement si l'vlcere est maligne. Ican de Vigo écrit que son vnguent basilic est excellent, & l'est en effet; il assigne pareillement l'vnguent blanc composé, tous lesquels sont très-bons.

*Des trois
vnguens
que ie me
fers pour
les vlcères.*

Mais j'vse pour mon ordinaire de trois diuers vnguens pour toutes vlcères, lesquels j'ay eu de très-excellens Chirurgiens, & par longue pratique & experience que i'en ay fait, m'en suis très-bien treuvé. Le premier des trois sera de feu mon pere, le

quel par vn nombre de cures tres-rarres qu'il a fait en Prouence, a acquis la conseruation de sa memoire dans la posterité.

Prenez mirrhe & minium de cha-
cun trois onces, cire jaune deux onces,
therebentine vne once, huile violat
huiet onces. Le premier
vnguent

Faut pulueriser fort subtilement la mirrhe & le minium, & le passer par le tamis, & apres que vostre cire sera fonduë avec la therebentine (j'entends à feu lent) dans l'huile, l'osterez d'un feu, & quand il commencera vn peu à se refroidir, vous y adiousterez vos poudres. C'est vn vnguent lequel a la proprieté de faire cesser la douleur, mondifier l'ulcere, incarner & cicatrifer.

Pour faire le second vnguent faut prendre suif ou graisse de bœuf six onces, huile rosat complet trois onces, litarge d'or demy once, tutie preparée demy once. Second vnguent.

L'huile rosat estant chaud, faut dis-
soudre vostre suif, puis l'oster hors du
feu, & estant vn peu froid y adiouster
vos poudres, apres les auoir meslées
& puluerisées subtilement, & puis
former vostre vnguent selon l'Art.

Troisieme
vnguent.

Et pour le troisieme vnguet il se
fait en ceste maniere; Prenez huile
rosat complet vne liure, cire blanche
& neuue huiet onces, suc de plantain,
folano, lapatum acuto, centaurea mi-
neure, de chacune quatre onces, j'en-
tens du suc desdites herbes.

Il faut mesler le tout ensemble, & le
faire boüillir iusques à la consumma-
tion desdits sucs, mais qui voudra fai-
re boüillir demy manipule de chacu-
ne desdites herbes dans l'huile, puis le
couler, & y adiouster vostre cire, ce-
la sera quasi à ceste perfection, en ad-
ioustant sur la fin demy once de cam-
fre puluerisé subtilemēt dans vn mor-
tier avec vn peu de sucre candy, re-

muant tousiours avec l'espatulle iusques à ce que le tout soit refroidy.

Mais outre tous ces trois vnguens, ie me fers le plus souuent de cettuy-cy, qui est de mon inuention, lequel est singulier à toutes sortes d'vlcères, en quelque temps que ce soit apres la digestion du pus, & se fait en ceste sorte.

Prenez suc de feüille d'oliuiier sau-
uagedeux onces, suc de solane & de
plantain, de chacun quatre onces,
huile rosat complet dix onces.

Vne autre
sorte d'vn-
guent dont
ie me fers
fort sou-
uent.

Faites boüillir le tout par ense-
mble iusques à la consommation des-
dits sucz, puis adioustez cire blanche
neuue quatre onces, litarge d'or deux
onces, ceruse preparée deux onces,
tutie preparée demy once, & en for-
mez vn vnguent admirable pour
toutes vlcères.

Pour les poudres qu'on se sert or-
dinairement pour les vlcères c'est du

Des pou-
dres qu'on
se sert or-

dinaire-
ment aux
vlcères.

86

La quint-essence

papier brulé, ou bien d'aloës pul-
uerisé, la tutie preparée, c'est vn re-
mede delicat pour les vlcères humi-
des, & tous ceux-cy sont remedes qui
desechent legerement : Mais plus
gaillards font la cadmia lauée, l'escail-
le de la rame ou cuire, & le vert de
rame, lesquels desechét avec douleur.

Ie mesers bien souuent pour desecher les vlcères de la poudre de plomb, laquelle ie fais à la façon sui-
uante;

Prepara-
tion de la
poudre de
plomb pour
les vlcères.

Prenez vn mortier de bois de ceux
dont les païsans vsent ordinairement
pour leurs sauces, avec son pilon de
mesme, lequel ferez chauffer le plus
qu'il se pourra pendant que vostre
plomb se fondra, & estant fondu en
jetterez vn peu dans vostre mortier
chaud, & tout aussi tost le remuerez
& broyerez bien fort, ainsi se rendra
en poudre subtile vne partie du
plomb que vous aurez ietté dans ledit

mortier, ce qui fera le plus grös, le retournerez fondre avec l'autre, & reitererez tousiours de la mēme façon en separant vostre poudre, iusques à ce qu'ayez fait la quantité telle que voudrez de poudre laquelle garderez pour vostre vsage. Ceste poudre est admirable, car elle n'a pas l'acrimonie qu'à l'autre que nous faisons ordinairement en faisant nostre plomb brulé avec le souffre.

L'adiouste quelquefois à ladite poudre vn peu de coral rouge preparé, poudre d'escreuisse de riuere, du liege brulé & pain brulé, de chaque partie esgale avec vn peu de mirrhe.

Add'ino
la poudre
de plomb.

Or entre toutes les poudres, le precipité tient le premier rang, & fort recommandé du grand praticien, de Vigo; Et bien que tous les Chimistes fassent profession d'escrire la maniere comme il se fait, ie ne lairay

Du precipité propre
pour les
vicerres.

pour cela de t'en donner quelque methode.

Maniere
de faire le
precipité.

Prenez eau forte de la meilleure, demy liure, laquelle mettrez dans vn matras de verre avec trois onces de mercure bié purifié, le mettrez sur les cédres chaudes, & quád vostre mercure sera dissoutl' augmenterez peu à peu vostre feu, faisant par ce moyen euaporer vostre eau forte, ainsi vostre mercure se sublimera tout, puis rompez vostre matras, & prendrez vostre precipité qui sera parfait; que garderez à vostre besoin. Faut que ledit matras soit bien luté au fonds pour pouuoir resister au feu, & se faut garder de la fumée pendant que ladite eau forte s'euapore.

Que si vous voulez faire vn precipité lequel aye la vertu en rongant la chair pourrie de resister à toute pourriture, voire mesme pour resister à la gangrene, faites-le en ceste maniere.

Prenez sublimé & mercure partie
esgale, lesquels pilerez dans vn mor-
tier avec vn pilon de bois, iusques à
ce que le tout vienne blanc, apres
faut mettre sur chaque liure de ladite
mixtiõ deux liures de sel decrepité, le
tout mettez dans vn matras de verre
luté sur cendres chaudes, celui qui
montera le plus haut au col dudit ma-
tras sera le plus doux & le plus parfait
precipité; rompez vostre matras, re-
tirez vostre matiere pour vous en ser-
uir au besoin.

Precipité
lequel a la
vertu de
resister à la
gangrene
& toute
pourriture
ou putre-
faction.

Si vous voulez auoir le mercure ou
precipité blanc en voicy la methode.
Prenez demy liure de mercure, lequel
mettréz dans vne fiole laquelle soit
platte au fonds, où bien prenez vn
petit pot vernissé, & mettez par des-
sus huile de souffre ordinaire qui cou-
ure ledit mercure deux ou trois doigts
par dessus, mettez ledit vase sur les
cendres chaudes & la faites bouillir

Pour faire
le mercure
ou precipi-
té blanc.

quelque temps, & verrez que vostre mercure restera congelé & blanc, lequel garderez pour les vlceres comme dessus.

Diuers
huiles
qu'on vse
pour les
vlceres.

L'on vse encores pour les vlceres de plusieurs sortes d'huile, comme de vitriol, de souffre, d'antimoine, eau forte, eau alumineuse, & plusieurs autres sortes de medicamens, tant simples que composez, mais le tout se doit vser selon que le mal le requiert, & que le docte & bien experimenté Chirurgien iugera estre à propos & necessaire. L'huile de vitriol se fait en ceste sorte.

Pour faire
l'huile de
Vitriol.

Prenez vitriol Romain bien calsiné & puluerisé, six liures, lequel vous mettez dans vn lut de verre pourueu qu'il soit bien fort luté, apres le mettez dans vn fourneau de reuerbere, y adioustant vn recipiant bien grand afin que la force des esprits ne le rompe, donnez y au commencement le

feu de grade, augmentant tousiours le feu, ainsi verrez sortir l'eau comme rouge, & quand vous verrez que les fumées commenceront à entrer dans le recipiant soyez prompt à changer le recipiant, aduertissant qu'il ne prene air que le moins qu'il sera possible; faites vostre que recipiât trépe à moitié dans vn bassin d'eau froide, en partie pour rafraischir les esprits, & en partie que vostre recipiant ne se casse: Tout aussi-tost que vous aurez changé vostre recipiant augmentez le feu, & continuez tousiours l'augment par l'espace de six à sept heures, & vous aurez vne huile noire & puissante, de laquelle pour recognoistre sa perfection lors que vous y mettrez vne plume de geline, & la retirant à l'instant vous verrez qu'elle se plumera & bruslera toute, ceste eau, la faut garder dans vne fiole de verre bien double & forte & la tenir bien fer-

mée, afin que les esprits ne s'exhalent. Si le Chirurgien qui se seruira de ceste huile s'en sçait seruir avec iugement, il en fera des merueilles, particulièrement aux vlceres chancreuses, fistuleuses, & semblables, & sur tout pour arrester la gangrene, voire mesme l'esfacelle; l'en parle avec experience grande que j'en ay fait & faits tous les iours aux occasions.

Je tire l'huile de vitriol d'autre maniere laquelle me sert en diuers effets, ainsi que s'ensuit.

Autre maniere pour faire l'huile de Vitriol.

Prenez Vitriol Romain calsiné, & bien puluerisé, deux liures, sucre fin vne liure, eau de vie sans flegme, vne liure, faut mettre le tout dans vne retorte de verre bien lutee, y adioustant son recipiant, mettez sur vn fourneau à distiller; au commencement faut le feu de grade l'allant augmentant de degré en degré, & quand vous iugerez que la quantité de vostre eau de

vie sera distillée, alors faut changer de recipient, & croistre vn peu le feu, & verrez que vostre huile sortira de couleur de maluoisie, lequel est bon pour les mesmes effets que dessus: outre ce, ie m'en fers pour toutes fievres malignes, & pour vn admirable preseruatif en temps de peste.

L'huile de souffre se fait en cette sorte. Prenez vne quantité de souffre, en canon du plus verdastre, lequel vous pulueriserez, & en remplirez vn pot de terre, y faisant au milieu vne fosse avec le doigt, adioustez par dessus vne cloche de verre, mettez le feu audit souffre avec vne allumete, & au bec de vostre cloche appropriez vne fiole pour receuoir l'huile, que garderez au besoin, faut aduertir qu'il faut faire ledit huile en quelque lieu humide comme caue, ou autres lieux semblables, & faut choisir vn temps pluuieux pour en tirer dauantage d'huile.

Pour faire
l'huile de
souffre.

Autre maniere de faire l'huile de soufre.

Si vous voulez faire vostre huile avec plus de perfection, le faut faire en cette maniere. Prenez soufre en canon que pulueriserez subtilement, vne liure, lequel enroserez avec eau de vie tres fine, apres metrez vostre soufre dans vne retorte, ou cornue de verre bien lutee, avec demy liure de sucre fin, mettez à distiller par feu de grade, & aurez vn huile de couleur d'or, lequel huile sert pour le mal que dessus est mentionné, outre ce il est admirable au tēps de peste en en beuant vne goutte incorporée avec sirop de bourache, ledit huile resiste grandement contre toute putrefaction & difficulté de poitrine.

Proprietez de l'huile de soufre.

Pour faire l'huile d'antimoine.

Pour l'huile d'Antimoine se fait en cette sorte. Prenez Antimoine puluerisé deux liures, vinaigre rouge du plus fort, autant qu'il en faut pour imbibber ledit antimoine, & le metez à infuser par l'espace de vingt-quatre

heures, coulez ledit vinaigre de la mesme façon sur ledit antimoine, reïterant le mesme par trois ou quatre fois, imbibant, infusant & separant : apres prenez tous les vinaigres lesquels auront esté sur ledit antimoine, & le mettez dans vne retorte de verre de grandeur suffisante, y adioustant vn recipient ayant bien luté ladite retorte, la metrez sur vn fourneau bien approprié, donnerez le feu de grade, & au second grade de feu commencera à venir vostre huile de couleur chargée comme du sang, que garderez pour le besoin, cest huile est admirable pour toutes vlceres où il y a calositez.

Usage de
l'huile d'an-
timoine.

Ledit huile se fait encore en cette maniere, lequel n'a pas moins d'effet que le precedent. Prenez Antimoine crud bien puluerisé & sucre candy, autant de l'un que de l'autre quatre onces, allum caliné vne once, faut le tout mesler par ensemble, & le mettre dans

Autre ma-
niere de
faire ledit
huile d'an-
timoine.

vne retorte que ferez distiller au sable à feu de grade, vous en aurez vn huile rubiconde qui a toute perfectió pour les vlceres.

Pour faire l'eau forte, laquelle vous doit seruir aux operations susdites, on en fait de plusieurs manieres, toutes-fois en voicy des deux sortes que ie me fers ordinairement, dont la premiere sera celle avec laquelle ie fais mon precipité.

Pout faire
l'eau forte.

Prenez sel nitre trois liures, allumeroche deux liures, vitriol romain vne liure, mettez le tout dans vne retorte assez ample, avec son recipiant de mesme, le tout bien luté : faiçtes ladite, distilation aux cédres, avec vostre feu de grade par espace de douze heures, & quand vous verrez que viendront les esprits, augmentez vostre feu, afin que les esprits sortent tous, ainsi aurez vne eau forte tres-bonne pour faire vostre precipité tant celebre

bre pour les vlceres: l'autre sorte d'eau forte se fait en cette sorte.

Autre maniere pour faire l'eau forte.

Prenez Vitriol Romain deux liures, salpêtre, & allum de roche, vne liure de chacun, sublimé deux liures, faut pulueriser le tout, & mettre dans vne retorte bien lutée avec son recipient & procéder à ladite distillation comme dessus, ou bien fais ta distillation au fourneau de reuerbere deuant le feu selon l'art.

Pour les eaux allumineuses, l'on en fait aussi de diuerfes façons, selon que le Chirurgien iuge à propos, & que le mal le requiert, en voicy la methode & maniere de deux.

Prenez allum de roche vne liure, Suc de Solauum, ou morelle, Tutie preparée & ceruse, deux once de chacun, Suc de feuille de plantin demy liure, glaire d'œufs au nombre de douze, camfre puluerisé avec sucre candy de chacun deux onces, battez le tout par ensemble.

Pour faire eau alluminee.

ble, & mettez dans vn allambic de verre à distiller au bain marie, gardez ladite eau dans vne fiole bien bouchée, laquelle est admirable pour les vlcères.

Et pour vne eau allumineuse ordinaire, laquelle est facile à faire.

Autre eau
allumineuse.

Prenez de l'eau qui surnage par dessus la chaux, qu'on a esteint, trois liures, dans laquelle vous adiousterez allum de roche bien puluerisé, trois onces, sublimé deux dragmes, camfre demy dragme, puluerisez le tout, & meslez par ensemble dans vne fiole, & vous en seruez au besoin pour les vlcères.

Voilà en bref ce que ie te puis dire en general touchant la curation des vlcères, en ceste seconde partie nous traitterons de la cure des Apostemes.



DE LA CURATION
des Apostemes.

SECONDE PARTIE.



Yant iusques à present traité de la curation des vlcères, quoy que succinctement, selon nostre premiere intention, pour suiure l'ordre nous traicterons des Aposteines, lesquelles sont de plusieurs & diuerses especes, selon les humeurs dont elles sont engendrees, parce quelques vnes sont engendrees d'une seule humeur: Mais cette-cy est seulement comme veut Iean de Vigo, le flegmon pur, à sçauoir, cette Aposteme, qui est engendree de pur sang, mais plus abundant & copieux qu'il n'est besoin, pour l'entretene-

Diuerſes
ſortes d'A-
poſtemes.

ment de la nature, les autres sont engendrees de plusieurs & diuerſes humeurs, comme veut le meſme Iean de Vigo, lesquelles prennent leurs noms de ladite humeur qui predomine, à ſçauoir quant le ſang ſe meſlera avec la cholere, & en ce meſlange le ſang ſera plus puiſſant, alors ſe nommera *Flegmon erisipelateux*: Que ſi la cholere eſt la plus puiſſante en ce meſlange; ſe nommera *Eriſipelle flegmoneux*: Et ſi avec le ſang ſe meſle la flegme, & la flegme ſoit ſur-abondante: Alors ſe nommera, *Vndimia flegmoneux*; Et ſ'il ſe meſle avec la melancholie, & la melancholie ſoit ſur-abondante, alors ſe nommera *Schirro flegmoneux*, en fin touſiours l'on prendra la denomination de l'humeur qui ſurpaſſe en quantité les autres.

Le flegmon prend ſon nom ſelon l'humeur qui predomine.

D'où eſt diriué le nom d'aposteme.

Le nom d'Apoſtème vient du verbe *Aphistaſtai*, lequel veut dire en Latin *Abscedere*, & en François ſe de-

partir d'un lieu, & se plasser en un autre, de maniere que *Aposteme* en Grec, & *Abscessus*, en Latin signifie un amas d'humeurs retirees à l'escart, hors de leur propre lieu naturel: & de là on a pris le nom d'*Apostat*, ainsi qu'à tres-bien remarqué un docte Escrivain de nostre temps.

D'où est
derivé le
nom d'a-
postat.

Et si bien en la definition de l'aposteme, nous avons dit qu'elle est une humeur peccante, en qualité ou en quantité, par l'entremise de la nature à la superficie du corps, Galien dit que l'aposteme est une maladie laquelle change la partie de sa naturelle figure, à une autre contre nature: & cōme dit Ica de Vigo, trāsmuē la partie en mauuaise cōplexion de là en solutiō de continuité: Aliabbas dit que l'aposteme est une enfleure qui contient matiere, par laquelle le continu est remply & dilaté.

Definitions
de l'aposteme.

Les apostemes ainsi peuuent naistre de deux causes, l'une desquelles se dit

L'aposteme nait de
deux cau-
ses.

proprement primitive ou anteceden-
te , l'autre concomitante , ou pour
mieux expliquer , l'une est interne , &
l'autre externe.

Primitive.

L'externe que nous appellons, ou
concomitante, est la contusion sim-
ple ou conjointe avec fracture aux
parties charnuës & osseuses , ou la
froisseure & foudre des parties glân-
duleuses comme sont les mammelles
qui par ce moyen abscedent trop sou-
vent.

*Anteceden-
te.*

L'interne ou antecedente & pri-
mitive est la corruption des humeurs
que en santé ou maladie la nature
chasse critiquement à la superficie du
corps.

*Les aposte-
mes ont
quatre tēps.*

Toutes les Apostemes ont quatre
temps , comme nous auons dit des
vlcres, sçauoir commencemēt aug-
ment , consistance & declin ; outre
chacun de ces temps , on en remar-
que encores trois autres , c'est à sça-

voir, le principe d'augment, moitié d'augment, & fin d'augment, & ainsi des autres.

Par tous ces temps, passent les apostemes qui se terminent en santé, parce que les mortelles ne voyent jamais le declin, à cause que le malade meurt avant qu'il y arrive.

Elles est ou en-ores trois autres temps.

Les Apostemes aussi finissent par quatre moyens, ainsi que tres bien Iean de Vigo nous l'enseigne, le premier par resolution, le second par maturation, le troisieme par putrefaction, & le quatriesme par induration.

Les apostemes finissent par quatre temps.

Pour le pronostic, quand vous verrez que l'aposteme sera sans douleur, & l'inflammation & la pulsation, & la tumeur viennent à manquer, tout cela nous signifie la resolution de la dite tumeur : ainsi le veut Galien au quatriesme de la santé.

Pronostic pour la resolution de l'aposteme.

Quand vous verrez que la douleur

Pronostic
quand l'a-
posteme
veut arriuer
à la gan-
grene.

cessera, & que la tumeur se diminuera & changera sa couleur, & qu'elle deuendra, ou verde, ou liuide, ou noire, Iugez que ladite Aposteme veut se terminer, & tourner à la gangrene: ce qui arriue souuent, comme enseigne Iean de Vigo, ou parce que la matiere est copieuse ou surabondante, laquelle la nature ne peut digerer, ou parce qu'elle est veneneuse, quoy qu'en petite quantité, ayant au commencement vsé, par trop de repercussifs ou refrigeratifs ou narcotiques.

Pronostic
quand l'a-
posteme
s'endurcit
& ^{se}deuiet
petrifiée.

Mais quand d'abord on applique trop des repercussifs non refrigeratifs, ny narcotiques, ou plustost forces resolutifs, lesquels euaporat le plus subtil & tenu des humeurs contenues, laissent & endureissent les plus grossieres & plus terrestres, arriue la troisieme sorte de determination d'abscez, sçauoir Scirrhosité & induration de la tumeur.

La quatriefme forte de terminacion est la vraye supuration, quand apres la fievre la douleur & la pulsation, l'humeur contenu estant vaincu par la force & vigueur de la chaleur naturelle, se conuertit en pus loüable qui demande sortie par ouverture naturelle ou artificielle.

L'on medicamente doncques les apostemes, ou par repercuti^{on} ou par resolution, ou par maturation, c'est pourquoy il sera necessaire mettre la forme & maniere des medicaments repercutifs, des resolutifs & des maturatifs, sçauoir des digestifs, des mondificatifs, incarnatifs & cicatrisatifs : lesquels medicamens doiuent estre employez deuant la cure vniuerselle, sçauoir la digestion & euacuation del'humeur peccante.

Mais il faut au prealable que le gentil Chirurgien, soit aduert^y d'observer exactement la doctrine de Iean

L'on medicamente
l'apostem
par trois
voies.

Observati^o
pour rap
pliquer le
resolutif.

I.

de Vigo, lequel deffend de n'appliquer aucun repercusif, quand la matiere qui vient à faire l'aposteme est venimeuse.

2. Il faut en second lieu qu'il prenne diligemment garde quand l'aposteme est aux Emunctoires, car il feroit vn grand manquemēt de la renvoyer au dedans, à cause des parties nobles, lesquelles pourroient estre offencees, & en suruiendroit grands accidens.

3. Troisiēsmement, quand ladite aposteme est en voye de resolution, où la nature montre assez de puissance.

4. Quatriēsmement, quand la matiere fait son euacuation, heureux augure de la bonne descharge de la nature.

5. Quand la matiere est grossiere, car elle se pourroit endurcir dauantage, & par consequent elle seroit plus difficile à traicter.

6. Sixiēsmement, quand la matiere

c'est endurcie & empieree, où l'on esteint dauantage la chaleur naturelle.

Septiesmement, quand l'aposteme est en vn corps perilleux & cacochimie.

7.

Huictiesmement, quand ladite tumeur suruient apres vne grande contusion où l'usage desdits repercusifs causeroit plus grande l'aposteme, à cause du sang extrauassé.

8.

Or pour cognoistre si c'est d'une matiere chaude ou froide, il faut observer la couleur & le temperament du malade, la douleur, l'extenuation & plusieurs autres signes que ie vous pourrois dire: mais ceux-cy sont les plus ordinaires & necessaires de sçauoir.

Pour ce
cognoistre si
l'aposteme
est cause de
matiere,

Quand à la couleur, si l'aposteme est engendree de sang, elle sera rouge & douloureuse, le malade aussi sera de temperament sanguin.

Signe si l'a-
posteme est
sanguine.

Signe si l'aposteme est bilieuse.

Si l'aposteme est engendree de colere, elle sera de couleur iaunastre, ou bien entre le iaune & le vert, mais avec grande douleur, & le malade sera de temperament bilieux.

Signe si elle est engendree de flegme.

Si l'aposteme est engendree de flegme, elle sera de couleur blanche, avec peu de douleur, & le malade sera de temperament flegmatique.

Si l'aposteme est mixte.

Mais si l'aposteme se retreuve mixte, elle participera de toutes les humeurs qu'elle sera composee, tant en couleur, comme en douleur, & encores en temperament du malade,

De ces signes l'on pourra ordonner les medicamens repercusifs, tant pour les apostemes simples, que pour les composees refroidissant ou plus ou moins, selon qu'on verra la necessite & besoin du mal le requerir,

Or à l'aposteme chaude prouenuë de cause externe, l'on pourra vser de ce repercusif ordonné par Iean de Vi-

go en ces termes.

Prenez deux glaires d'œuf, huile ro-
fat, & vnguent rofat, de chacun vne
once & demie, fuc de solanum, ou de
plantin, dix dragmes, puis faut mes-
ler & battre tout ensemble en forme
de liniment, duquel en vserez, & le
faut faire froid, sec ou humide, plus
ou moins, selon la necessité que la
maladie le requierera.

Repercussif
pour l'apo-
stème chan-
de proce-
dant de cau-
se anteece-
dante.

Ou bien pouuez vser du suiuant
liniment.

Prenez farine d'orge demy liure,
fuc de solanum, *semper vna*, & de
plantin, de chacun trois onces & de-
mie, poudre de roses rouges & de ba-
lauste, de chacun vne once, huile ro-
fat, autant qu'il en faut pour former
vostre liniment selon la consistance
queluy voudrez donner, y adioustant
vn peu de vinaigre.

Autre re-
percussif.

Ou bien prenez fuc de solanum,
plantin, & *semper vna*, de chacun

Autre re-
percussif.

trois onces, poudre de sandaux rouge & blanc, de chacun quatre dragmes, terre sigillee & bol armene, de chacun trois dragmes, camfre vne dragme, le blanc de deux œufs, & du tout en fait vn liniment.

Observa-
tions sur
l'applica-
tion des
repereussif.

Vous oindrez la partie avec tels linimens, mais faut aduertir de les renouveler souuent afin qu'estant eschauffez ils ne viennent à augmenter l'inflammation, la douleur, & la fluxion.

Que si l'inflammation est grande l'on cuitera l'usage des huiles seuls, & pareillement des graisses le plus qu'on pourra, parce que venant par le moyen de son onctuosité crasse à fermer les pores, empeschent que la chaleur ne s'exalle, ils sont cause de plus grande chaleur.

Mais afin de ne paroistre trop long à composer dauantage de medemens, ie me contenteray de vous

donner icy la description de quelques repercutifs, desquels l'on pourra composer les medicamens, selon la qualité du mal, quand il en aura besoin.

C'est pourquoy pour repercuter la matiere chaude, la *semper viva*, la verge de pasteur, la *vermicularia*, le *psillium*, la laiçtuë, la seméce de coing, toutes les especes de solanum, le nenufar, le pourpier, l'oifeille, la grenade douce, les fantaux, la pome aigre, les sommitez tendres des brâches des muriers sauvages, & de la vigne, encores la terre sigillee, le sang de dragon, le bol d'armenie, l'eau de plantin, de solanum, de rose, de nenufar, l'huile de mandragore, de pauot, l'eau de nimphea, de iusquame, de ciguë, sont toutes propres à repercuter simplement.

Les choses
qui reper-
cutent l'hu-
meur chau-
de.

Mais repercutent dauantage l'vnguent rosat de Galien, l'vnguent de tutie, l'vnguent blanc camforé, de

Repercutifs
plus gail-
lards.

plomb, le *nutritum cum succis*, & plusieurs autres semblables.

Les Repercutifs simples de matiere chaude sont la squenante, l'absynthe, la marjolaine, l'aloës epatique, la mirrhe, la noix muscade, les cloux de girofle, la sauge, le sel, le cinamome, le cipres, le rosmarin, la calamenthe, la menthe, l'huile de lezards, l'huile fait de crapaux, la camomille, le melilot, la mauue, la parietere, l'anet, lestecas, l'origan, les choux, le sambuc, l'hieble, l'ache, les semences de la coriandre, d'anis, de fenouil, finu grec, de lin, de mauue, de choux, & de persil, la farine de froment, de lantille, & autres semblables.

Mais il faut sçauoir que de ceux icy il y en a qui resoluent la matiere sanguine, comme la camomille & le melilot, autres l'humeur colerique, comme la mauue & la violette, les au-

tres

Remede
pour les
matieres
froides.

Simples
resolutifs
pour ma-
tiere froi-
de.

Observatiō
touchāt les-
dits resolu-
tifs.

tres la matiere mixte, ſçauoir chaude & froide, comme l'althea, la racine de lis, la farine de froment & le fenu grec; les autres reſoluent la matiere froide, comme la camomille, l'abſynthe, le fenu grec, la ſemence de lin, & pluſieurs autres.

L'on vſe encores de ſeüilles de choux, raifors, graiſſes nouuelles, & des gommés, comme la therebentine, le lodane, l'hiſope humide, le galbane, l'armoniac, le bedelion, l'encens, & le colofonia, deſquels il ſe pourra compoſer medicaments reſolutifs à voſtre plaifir.

L'on a accouſtumé auſſi de ſe ſeruir fort ſouuent des medicamens qui peuuent diſſoudre la groſſiere ventofité & le ſang mort ſoubs la peau, qui ſont principalement ceux-cy, ſçauoir l'anet, la ruë, le ſtecas, le cumin, le came, le fenouil & autres ſemblables.

Remèdes
generaux
pour diſſou-
dre le ſang
coagulé &
confus.

Les composees sont l'huile d'aspic, de carui, de marjolaine, de camomille & autres semblables que nous voulons icy obmettre tout expres, pour ne manquer à nostre intention qui est la brieueté.

Medicamens
generaux
pour la ma-
turation.

Et quand vn medicament ne peut ny refoudre, ny repercuter, il faut venir à la maturation, c'est pourquoy nous dirons icy ceux qui sont bons pour la maturation, à sçauoir les racines de lis blancs, la racine & feüille de mauue blanche, la mauue ordinaire, les figues seches, les refins secs, la branche vrsine, les pomes rosties, la mie de pain, la farine d'orge, le froment, le leuain, les feuilles de langue de bœuf, l'ail rosti, les racines de pain porchin, & tout autres simples qui ont semblables vertus, lesquels adioustez avec quelques huiles, graisses & farines, l'on pourra composer des medicamens maturatifs tant foibles,

que puiffans, le tout avec iugement, pour s'en feruir selon la vertu & puissance que le mal le requerra, & pour soulager le lecteur ie luy descri-ray icy la forme de quelque matura-tif, commençant par l'aposteme fleg-moneuse lesquels seront les sui-uants.

Prenez racines de lis & d'althea vn quarteron de chacune, feuille de mau-ue, de violettes, branche vrsine, parie-taire, mercuriale, vn manipule de cha-cune, figues seches & resins, purgés de ses os ou arilles de chacun demy once, le tout soit cuit dans l'eau miellee, a-pres faut passer le tout par le tamis comme l'on passe la casse, apres il y faut adiouster farine volatile, & de fenu grec de chacun deux onces, huile de lis trois onces, deux iaunes d'œuf, faut le tout faire boüillir & cuire en consistance de cataplasme.

Matricatif
pour le
flegme.

Ou bien prenez farine de lin, fenu grec, de chacun deux onces, lesquels

Autre ma-
triatif.

ferez cuire dans l'hydromel y adioustant huile de lis deux onces, deux iaunes d'œuf, & du tout en formerez vn cataplasme selon l'art.

En quoy se
termine le
risipele.

L'risipele pour estre engendré d'un saug subtil, bouillant & bilieux se termine ordinairement, par la voye de resolution, excepté que parmy la bile il y aye quelque matiere crasse, car alors elle vient à supuration.

En quoy se
termine le
œdeme.

L'œdeme se termine, le plus souuēt par resolution, ou induration, & rarement par supuration, à cause de la petite quantité de chaleur qui y demeure.

De le chir-
re.

Le schirre confirmé est incurable, mais celuy auquel il y a encores sentiment, combien qu'il soit obscur, n'est pas bien aisé à guerir, & quand il vient à supuration il faut craindre qu'il ne se change en chancre ou fistule.

Or parce que nous auons décrit les maturatifs des Apostemes flegmo-

Maturatif
pour les tu-
meurs fl. g-
matiques ou
melancoli-
ques.

neufes, nous en descrirons quelques-
vns pour celles qui sont froides, fleg-
matiques ou melancoliques, lesquelles
avec difficulté peuuent arriuer à vne
parfaicte maturation, commençant
par le degré des moins difficiles, &
finirons par les plus obstinees.

Prenez huile de lis, huile de semence
de lin, & huile vulpin de chacun de-
my once.

Meslez lesdits huiles par ensemble
desquels chaudement en oindrez l'a-
posteme, apres appliquez dessus vn
oignon blanc & cuit dans la braise.

Ou bien prenez racine dalthea,
brionia, cucumeris agreftis, oignons
de lis blanc, vn quarteron de chacun,
feuille de branche vrsine, mauue,
violette, & mercuriale, vn manipule
de chacune, figues & rasins mondéz,
de chacun demy once, semence de lin
& fenu grec de chacune trois drag-
mes.

Antic ma-
turatif.

Faiçtes cuire le tout à perfection & passez par le tamis, à quoy vous adiousterez farine volatile quatre once, graisse d'oye, de pourceau, & vnguent basilic, de chacun deux onces, huile de lis, autant qu'il en faut pour reduire le tout en forme de cataplasme, lequel ferez cuire le tout selon l'art.

Autre plus
puissant.

Ou bien prenez sagapeno, ammoniac & bdelli, de chacune trois dragmes, euforbe, semence de moustarde, poiure, piretre, de chacun vne dragme & demy, saumon noir, vne once.

Faiçtes dissoudre vos gommes avec le vinaigre, adioustant de pois & de cire jaune autant qu'il en faut pour former vn liniment que vous appliquerez sur la partie offensee.

Autre puissant.

Ou bien prenez leuain demy once, jus de prunes cuites deux onces, fiente de pigeon, semence de chairure & de moustarde, de chacune vne dragme, limaces hors de leurs coquil-

les, trois onces, saumon noir, & graisse de porc, autant qu'il en faut pour en former vn emplastre, lequel appliquerez de la largeur d'un teston, sur la partie ou vous desirez qu'il se fasse l'ouuerture.

La maturation faicte & l'aposteme estant ouuerte, il faut vser de digestif pour adoucir le bord de l'ouuerture, qui se fait de iaune d'œuf, d'huile rosat & de therebentine, quand il n'y a pas grande douleur, mais si la douleur est si grande, il suffira avec le iaune d'œuf, & l'huile rosat seulement.

Que si l'aposteme n'est bien suppuree, soit que l'on aye trop tost fait l'ouuerture, ou que la matiere de foy soit cruë & indigeste, l'on appliquera vn cataplasme qui occupe toute la tumeur, lequel sera fait en cette sorte.

Prenez deux racines de lis, feuille de mauue & de violette, de chacun vn manipule, lesquelles ferez cuire à suf-

Digestif apres l'ouuerture.

Cataplasme pour aider la digestion.

fance apres les pillerez dans vn mortier de marbre & passerez par le tamis, y adioustant par apres farine de poisiches, & d'orge de chacune vne once, graise de porceau, & beure frais de chacun vne once, deux iaunes d'œuf, safran vn scrupule, huile de lis trois onces.

Fciētes le tout boüillir & reduire en cataplasme selon l'art, lequel appliquerez sur la partie.

Or la digestion estant parfaicte-ment faicte, il ne faut vser du digestif cy-dessus mentionné, que durāt trois ou quatre iours, passez lesquels il faut venir tout aussi à la mondification comme dit tres-bien Rasis.

Les mondificatifs doncques doiuent estre appliquez apres que la digestion est faicte.

Or les simples mondificatifs, sont le miel, le sucre, le itecados, abrotanum, farine d'orge, farine de l'antille, therebentine, irios, le suc & racine d'a-

che, farine de lupin, farine volatile
& autres semblables.

Outre tout cela il y a le miel rosat,
le sirop rosat, la poudre de Iean de
Vigo & plusieurs autres desquels on
pourra composer les mondificatifs
simples, de biles, ou forts selon le téps
& la nécessité; mais ie remets le tout
à la discretion & iugement de celuy
qui en fera l'operation; & pour les
moins pratiquez en voicy vne forme.

Prenez trois iaunes d'œufs, there-
bentine de Venise vne once, safran
puluerisé vne dragme, huile rosat au-
tant qu'il en faut pour former vostre
digestif.

Après auoir mondifié, l'on vient
à incarner, les incarnatifs se font avec
vnguents, poudres ou lauemens.

L'vnguent incarnatif, se fait avec
la therebentine de Venise, l'huile de
mastic, huile rosat omphasin, de
chacun deux onces, suif de veau, de

Mondifi-
catif.

Vnguent
incarnatif.

mouton, de vache & de bouc de chacun demie once, centauree majeure, consolide majeure & mineure, millefeuille, sommitez de rosiers, du plantin & centinodia, de chacun vn manipule.

Toutes les herbes se doiuent piler apres en tirer le suc, & avec les huiles & graisses les ferez boüillir selon l'art, y adioustât mirrhe, sarcocolle & aloës, le tout subtilement puluerisé, de chacun demie once, mastic trois dragmes, de resine deux dragmes & demie.

Faut faire boüillir le tout iusques à la consommation desdits sucz, puis avec cire blanche, faiçtes en vn vnguent, & c'est vnguent se peut faire plus ou moins incarnatif selon qu'on desire & que le mal le requiert.

L'on se sert encores pour incerner des poudres, lesquelles se font en cette maniere.

Prenez aloës hepaticque & myrrhe

de chacun vne dragme, 'de sarcocole
vne dragme & demie, encens & fari- Poudre in-
carnatiue.
ne volatile, deux dragmes de chacun,
sang de dragõ & terre figillee de cha-
cun, deux dragmes, tutie & litarge
d'argent de chacun vne dragme &
demie.

Meslez le tout par ensemble, & e-
stant le tout bien puluerisé en vserez
pour incarner, de laquelle en verrez
vn effet admirable.

Pour la lotion ou iniection, laquel-
len'est pas moins efficace, particulie- Lauement
incarnatif.
rement s'il y a de la concauité où vos
vnguens & poudres ne peuuent arri-
uer, ce fait en cete sorte.

Prenez vin blanc odoriferant sept
onces, eau de vie puissante & bonne,
trois onces, mirrhe aloës hepatic, &
sarcocole, de chacun deux dragmes,
encens trois dragmes, eau de plan-
tin trois onces, miel rosat demie
once.

Faiçtes vn peu le tout boüillir, les iniections se peuuét faire plus foibles, ou plus fortes, selon que voudrez, & suiuant l'exigence du mal.

L'application se doit faire chaude par mediocrité, en l'appliquant avec esponges, ou bien par iniection, selon quele Chirurgien iugera à propos.

Medica-
mens fici-
trifants.
mples.

Et puis ayant finy d'incarner il faut venir à la cicatrisation, qui est la dernière intention du Chirurgien, & les cicatrisans sont tels, l'allum brulé, la chaux lauee six fois, la terre sigillée, le bol armene, la litarge, le plomb brulé, les balauſtez, les roses, le plantin, la tutie, les mirabolans, la galle des teincturiets, le corail, l'hypocistis & autres semblables.

Les cicatrisans qui sont composez sont ceux-cy, ſçauoir l'vnguent blâc camforé, l'vnguent de minio, la ceruſe, l'eau roſe, l'eau de plantin, l'allum,

l'eau de vie ferree est fort excellente pour cicatrifer, si bien que tous ceux-cy, l'on s'en peut seruir seuls, ou les composer ensemblement.

Et pour les plus forts, prenez l'herbe appelee verge de pasteur demie once, antimoine bruslé six onces, du calcitis bruslé & laué en l'otion trois dragmes, l'huile de l'antiscle, ou de mirrhe, vne once, cire autant qu'il en faut pour faire vn liniment, lequel appliquerez sur le mal.

Cicatrifans
composez.

Si vous voulez faire vne poudre, laquelle aura les mesmes effectz, & fera admirable.

Prenez allum de roche bruslé, corail rouge puluerisé de chacun demie once, terre sigillée, bol armene, de chacun deux dragmes & demie, tutie vne dragme, puis puluerisez subtilement le tout par ensemble, & vous seruez de ladite poudre, laquelle est admirable, pour cicatrifer en tous

poudre ad-
mirable ci-
c. tri. c.

lieux, & ceux-cy sont remedes de grands praticiens.


I'en pourrois reciter plusieurs autres, mais ceux-cy nous doiuent suffire pour le present, nous pourrions encores en ce mesme lieu rapporter tous les medicamens, comme tels que pourroient estre les medicaments incarnatifs, ensemble celuy qui a la vertu de coaguler le sang vif à la chair; mais les medicamens qui sont desiccatifs au premier degré, ou bien au commencement de second degré font le mesme effet, comme nous l'enseigne tres-bien Auicenne en son quatriesme chapitre du medicament qui fait naistre la chair.

Il est desormais temps de finir cette matiere pour dōner entree à celle des playes, sur laquelle nous discourrons, & ce sera le troisieme sujet de nostre discours.



DE LA CVRATION
des Playes.

TROISESME PARTIE.

 R le troisieme moyen de la solution de continuité est celuy des playes, desquelles nous auons donné la definition au commencement de ce Traité, ou avec l'autorité d'Auicenne & d'Aliabbàs, nous auons montré qu'est-ce que playe, & combien de playes peuuent suruenir, il me suffira maintenât de dire en peu de mots leurs cures vniuerselles.

Vous pouuez doncques sçauoir que toute playe peut estre simple ou composée, quand elle est simple, c'est à dire qu'il n'y a perte de substance,

Les playes
sont sim-
ples ou
composées.

Playes simples.

ny veine, ny nerfs taillez, ny mesme os taillé, ny rompu, ny douleur grande, ny inflammation, ny aposteme, facilement se guerira, particulièrement si ladite playe se rencontre à vn corps sain: Mais quand la playe arriuera auec vn des accidens susdits, sçauoir qu'à la playe il y a quelque veine, nerf, ou artere, on osrópu, alors s'appellera composee, & cette composition se fait desdits accidens: outre ce que quelquefois elle est composee, de quelque fleche, fer, bois & autres choses fichees dans la chair, ou bien ladite playe est alteree de l'air, & ces playes la ne se peuuent guerir si premiere-ment l'on n'oste c'est accident, lequel vient à faire la composition de ladite playe, d'où s'ensuit que s'il y a quelque fer, bois ou autre chose, il faut tacher de les oster, puis guerir la playe, car quand on oste la cause l'ef-
fet de la playe cesse.

Tant oster des playes les choses estranges.

Il faut

Il faut doncques panser la playe deuant la cure vniuerselle d'icelle avec deffensif, digestif, mondificatif, incarnatif, & par apres sigilatif, ou cicatrisant.

Quand la playe sera simple, vne seule intention nous suffira pour arriuer à la totale curation de la playe, sçauoir reünir les parties des-vnies, & ne fait autre chose, car le sang mesme de la partie seruira de baume.

La playe simple d'elle mesme se guerit.

Mais la composee veut qu'on oste premierement la cause qui la peut rendre telle, & par apres la reünir.

Pour venir à cette cognoissance, si à la playe il y a des os rompus, piece de fer, sagette, ou autre choses fichees, bien que des accidents on le cognoist assez, le docte & bien experimenté Chirurgien ne se doit iamais fier, ny aux signes, encores moins à la capacité & experience : Mais avec ses propres doigts, sonder ou manier, &

Le Chirurgien doit faire diligence à sonder sa playe & la bien observer.

tant qu'il luy est possible voir avec ses propres yeux pour ne faire erreur, sur quoy ie vous veux apporter vn exemple fort considerable, & qui est digne d'admiration pour s'en pouuoir seruir à l'aduenir, afin de ne faire deormais tel manquement, & eiter par consequent les fautes que nostre peu de soin, & diligence nous peut causer.

*Exemple
digne de re-
marque.*

Il est arriué à vne des principales villes d'Italie, de laquelle ie tairay le nom pour certain bon respect, que le fils d'un Gentil-homme fut par malheur blessé d'une estocade au frôt, sur l'os coronal, lequel fut aussi tost pansé par un tres-docte & experimenté Chirurgien, lequel ayant interrogé le malade, comme est la coustume, si apres auoir receu ladite blessure, ne luy estoit point suruenue quelque vertiges, ou biẽ s'il auoit veu quelque lumieres en forme de bluettes de feu de-

uant les yeux, ou bien si du coup il estoit tombé par terre, ou s'il auoit perdu quelque sang par le nez, ou par la bouche, & autres semblables signes, à tous lesquels points il luy fut respondu que non, sur ce le Chirurgien pansa la playe, & bien qu'il eut tousiours l'œil à la cure vniuerselle, qui fut faicte avec toute sorte de diligence, neantmoins le malade mourut dans le septiesme iour, où ie fus appelé pour consoler le pere, lequel estoit de mes plus affectionnez amis, où apres plusieurs discours, i'obtins pour contenter ma curiosité de pouoir ouurir la playe à la compagnie du mesme Chirurgien qui l'auoit passé, en presence de deux autres Chirurgiens & vn Medecin, tous lesquels estoient estónez que pour vne si simple playe, la mort du blessé s'en fut si promptement ensuiuite, ou la science dudit Chirurgien l'auoit tousiours

mesprisée & estimée pour rien: or d'oc
ie commence mon incision cruciale,
& apres auoir ruginé le pericrane,
ie trouuay que dans l'os il y auoit de la
noirceur, laquelle apres auoir ruginé,
i'apperceuz que c'estoit la pointe de
l'espee qui l'auoit blessé, laquelle e-
stoit rompuë, à l'esgal de l'os, en telle
maniere, qu'elle ne se pouuoit co-
gnoistre avec la sonde, pour estre cō-
me i'ay dit à l'esgal de l'os, ie tiray la-
dite pointe d'espee, & la fis voir à
toute l'affistâce, & sur tout au Chirur-
gié qui l'auoit pansé, lequel ie vous
laissé à penser cōme il fut estonné de
voir son erreur, pour auoir negligé
la playe: Ie pourrois rapporter icy vne
infinité d'autres exemples semblables
que i'ay veu, lesquels ie veux obmet-
tre pour ne paroistre trop prolix en
mon discours, celuy-cy seul suffira
pour nous donner à entendre qu'il ne
faut iamais negliger les playes, au cō-

traire qu'il est expedient de rechercher avec toute sorte de diligence s'il y a quelque chose d'estranger ou fiché dedans la chair, ou bien dedans l'os, laquelle avec promptitude & d'exterité faut oster.

Que si en l'adite playe il y a grande effusion de sang, il faut procurer avec tous les moyens possible de l'arrester, parce que le sãg est le thresor de la vie, comme nous l'enseigne Pierre Argeleta.

Faut esuier le m̃orragie trop grande des playes.

Quoy qu'Auicenne die que la sortie du sang aide à la playe, ne laissant suruenir l'aposteme, mon opinion est qu'il entend que l'euacuation du dit sang soit en petite quantité, ce qui est encore fort approuué de tous les bons patriciens, & confirmé par ceste grande lumiere de la Medecine Hipocrates, quand il dit que si le sang sort moderément, il y aura moins de danger d'aposteme, & Iean

al
156
Il est bon laisser vn peu suer le sang au commencement des playes.

de Vigo par les raisons fufdites de Galien & d'Auicenne, nous commande de n'estancher pas le fang, pourueu qu'il forte en petite quantité de la playe.

Faut tenir
la playe
nette.

Il faut bien prendre garde auffi de ne laisser entrer dans la playe, ny poil, ny charpie, ny autre chose semblable, parce qu'il empescheroit la reünion de ladite playe.

Faut aduertir
que la
partie blef-
see ne feroit
de languide.

Faut auffi prendre garde que la partie ne s'afoblisse & ne se rende languide & debile, parce que le Chirurgien ne pourra pas auoir son intention qui est la curation.

Le Chirurgien
pour
arriuer à la
curation
d'une playe
faut qu'il
aye cinq
intention.

C'est pourquoy ce grande cori-
phee des Chirurgiens est d'accord a-
uec tous les antiës de la Chirurgie que
le Chirurgien pour arriuer à la cura-
tion d'une playe se propose cinq cho-
ses.

Premiere.

La premiere, oster les causes estran-
geres qui sont dans la playe, ainsi cõ-

ne nous auons dit, ſçauoir, balle, bois, bourre, ſang coagulé, chair dilaceree & morte, piece d'eſpees, eſquilles d'os ſeparez & ſemblables.

La ſeconde eſt, ioindre le ſeparé & Seconde. approcher les levres de la playe enſemble, ou par ce moyen elle ſe puiſſe vnir & conglutiner.

La troiſieſme intention conſeruer Troieſme les levres jointes enſembles, afin que la ſeparation, outre le retardement de la curation n'apporte vne cicatrice trop groſſe, & par conſequent diformité à la partie.

La quatrieſme, garder le tempe- Quatrieſme, ramment à la partie, car ſi elle eſt intemperee, l'vnion ne ſe pourra iamais faire.

Et la cinquieme, faut corriger les Cinquieme. accidens, car quelquefois ſont ſi vrgents & ſi dangereux qu'ils nous forcent à quitter la propre cure pour y remedier.

Le moyen
qu'il faut
tenir pour
sonder vne
playe.

Quand vous voulez sonder vostre playe, ou oster ce qui est estranger, il faut faire mettre vostre malade à la posture comme il estoit quand il a receu le coup, afin que quelque muscle, nerfs, tendon, veine ou artere ne vous donne de l'empeschement.

Comme il
faut oster
les choses
estranges.

Les choses estrangeres seront ostées avec moins de douleur que faire se pourra, & au plustost, & sur tout si elles piquent ou compriment quelque nerf, tendon, membrane, ou autre semblable partie, & c'est pour euitier qu'en ladite playe n'y suruienne quelque inflammation, gangrene ou conuulsion, & cette operation se doit faire en tenant le malade ioyeux, & avec dextérité du Chirurgien, ainsi le veut & commande Galien.

Ce qu'il
faut obser-
uer en o-
stant les
choses e-
stranges.

Que si pour vouloir faire telle operation vous iugez qu'il y suruienne grande hemorrhagie, conuulsion, incope, & autres grief accidens plus

dangereux que la playe, en tel cas ie conseille le Chirurgien de laisser faire à la sage & prudente nature, laquelle ne manquera de les chasser dehors avec le pus ou fauie.

Si vostre playe est faicte au long des muscles, & sur tout au long du bras, cuisses ou jambes, le seul bandage incarnatif est capable de faire faire la reünion, lequel bandage se peut faire en ceste sorte.

Quand la playe est faicte au long d'un muscle.

Prenez deux bades desquelles vous commencerez à bander à l'opposite de la partie blessée, lesquelles metrez faisant tousiours vostre bádage en croix, & par ce moyen reduirez les bords de vostre playe l'un proche de l'autre, aduertissant toutesfois que ledit bandage ne soit ny trop serré ny trop lasche; car le trop serré apporteroit douleur & inflammation, & le trop lasche, outre qu'il ne feroit la reünion de la playe n'empescheroit aussi la fluxion

Bandage incarnatif.

de concourir à la partie.

Deux autres
fortes de bandages.

Ie sçay bié qu'outre ce bandage il y en a de deux autres especes, ou moyes pour cet effet, l'un desquels se nomme expulsif, & l'autre contentif.

Bandage
expulsif.

L'expulsif conuiét proprement aux vlceres & fistules, & se fait d'une seule bande en roulant de bas en haut, afin d'empescher que ladite vlcere ou fistule ne fasse quelque sac, & que la matiere s'expulse hors sans faire sejour à la partie.

Bandage
contentif.

Le contentif ne sert que pour maintenir les emplastres & compressees qu'on applique sur la playe laquelle est en quelque partie qui ne peut estre serree, telle qu'est le col, le ventre, ou quelque partie où il y a inflammation.

Faut laisser
au bas de la
playe un
tron pour
la voidan-
ge de la
matiere.

Mais le bandage ne suffisant pour la reünion de la playe à cause de la grandeur, on fera deux ou trois points de cousture, & en ce cas il conuient lais-

fer au bas de ladite playe vn espace pour y introduire vne tente à celle fin que la matiere se puisse vuidier & ne faire residence dans ladite playe.

Et puis au quatriefme ou cinquiefme iour pour le plus, il faut oster tous les points avec d'exterité & moins de douleur que faire se pourra, que s'il est de besoin de tenir la playe vnée, sçauoir les levres ou bords, faut faire vne colle ordonnance pour cet effet, laquelle se peut faire en cette maniere.

Téps qu'il faut oster les points à la playe.

Prenez mastice, sang de dragon, encens, de chacun vne dragme, gomme adragant, trois dragmes, farine volatile, farine de febve, vne dragme de chacune, bol armene trois dragmes, eau rose demy once, avec vne glaie d'œuf, & du tout en faut former vne paste de laquelle en couvrirez vostre playe en forme d'un emplastre, ou bien si vous voulez en pouuez faire vne cousture seche laquelle se fait en cette sorte.

Pour faire vne paste à coller la playe.

Pour faire
la cousture.

Faut coller de ladite colle deux bandes de linge de la lógueur de la playe, vne dessus, l'autre dessous, que ferez refter vn peu court au milieu, puis la colle estant seche, vous coudrez vos toilles, & en tirant vos points pour ioindre vostre dite toille, & ferez par cemoyen vnir les bords de vostre dite playe, mais pour n'auoir la peine de coudre à chaque fois qu'il vous faut panser vostre dite playe, metrez des cordons distans l'vn de l'autre enuiron vn trauers dedoigt, tant en la toille d'enhaut qu'en celle d'enbas, que nouërez seulement avec vn neud & vne gance, afin qu'il tienne & facilement se puisse defaire, & par ainsi sera moins facheux à panser la playe: Mais il faut tousiours qu'elle aye sa tente en bas, afin que la matiere se vuide & ne puisse estre en aucune façon retenuë.

Vous deuez sçauoir qu'il y a diuer-

ses façons de cousture, mais nous nous contenterons d'en specifier de cinq sortes.

La premiere cousture sera lors que la playe est faicte à trauers des muscles, parce qu'alors la chair se retire vers les parties saines, & par consequent la playe est grande, laquelle cousture se fera en cette sorte. Commencez vostre premier point au milieu de vostre playe, en prenant vne levre apres l'autre, & ne faut espargner de profiler vostre point, parce que s'il est superficiel, le pus, ou le mouuement de la partie le vous fera rompre, ioint que le pus ou sanie trouuant de la concavité au dedans, laquelle concavité aura esté faite par le point trop superficiel, ce qui est cause qu'il se fait vn sac, & par consequent se reduit la dite playe en vlcere; doncques faut que vostre point profonde le plus qu'il se peut, & apres ce premier point

Cinq sortes
de coustu-
re.

Premiere
cousture.

continuer les autres de la mesme façon, & en metrez tant que vous iugerez necessaire ; Soyez aduertý que vos points soient bien droicts afin que les levres de vostre playe soient égales, pour ne laisser diformité à la partie, apres que vous aurez fait vostre point & le neud, faut couper vostre foye ou filet bien proche du neud afin qu'il ne s'attache au medicamēt, faut prendre garde de ne ferrer pas tāt vos points, afin que les bords de la playe ne soient si pressez l'un contre l'autre, & qu'ils n'empeschent par consequēt la sortie de la matiere.

Seconde
cousture.

La seconde cousture sera celle qui se nomme cousture de peletier, laquelle se fait toute d'une suite sans tailler le fillet, & telle cousture se fait ordinairement aux intestins pour empescher que les excremens n'en sortent.

La troisieme c'est celle que nous

appelions bec de lievre, les Latins la Troisième
 nomment *Curtorum*, & les Grecs *Co-*
loboma, laquelle est faicte en passant
 vne ou plusieurs esguilles à trauers des
 bords de la playe, puis l'on tourne vn
 fillet à trauers comme font ordinaire-
 ment les païsans quand ils veulent
 empescher de perdre leurs esguilles,
 telle espece de cousture se fait ordi-
 nairement à la levre, faut tailler les
 pointes des esguilles ou espingles afin
 qu'elles n'offencent le malade.

La quatriesme cousture est appel- Quatriesme
 lee *Gastrophie* de laquelle nous cousture.
 nous seruons ordinairement aux
 grandes playes des muscles de l'epiga-
 stre, où il y a incision du peritoine.

Et la cinquiesme espece c'est la cou- cinquiesme
 sture seche de laquelle nous auons ja cousture.
 assez amplement parlé comme elle se
 doit faire.

Or notez qu'en toutes playes où il Le vin ne
 n'ya point d'accident de fièvre, apo- doit estre
deffendu aux
 bleffez.

ftemes, & autres choses semblables, est vtile au malade de boire du vin, & particulièrement pour incarner la playe, iedis cecy par l'experience que i'en ay, & avec l'autorité d'Auicenne & de Galien.

Moyens
pour em-
pescher le
pus aux
playes.

Les moyens pour esuiter qu'il ne suruienne aposteme en la playe, sont la digestion, & purgation des humeurs, tirer du sang, les frictions, les ligatures, & sur tout les defensifs sont tres-propres, lesquels se peuuent ainsi ordonner.

Defautif
playes.

Prenez huile de mortelle ou meurte & huile rosat de chacun trois onces, cire blanche, vne once & demie, farine d'orge & de febves, de chacune six dragmes, bol armene & terre sigillee de chacun demie once, sandaux des trois sortes, & sang de dragon de chacun deux dragmes.

Faut dissoudre la cire dans l'huile, & incorporer toutes les poudres ensemble,

semble, & puis les mesler avec vostre cire fondue, quand elle sera hors du feu & vn peu froide: & estant cela fait, le faut estendre sur vn linge en forme d'emplastre, que metrez sur le membre vn peu distant de la playe.

Iean de Vigor raconte avec vne tres belle methode la maniere qu'il faut tenir pour panser les playes, & par ce qu'il est digne d'estre suiuy; & estre fort estimé, Je veux icy rapporter ses propres paroles que ie vous prie de bien noter.

Quand vous entrez (dit ce grand homme) au lieu de vostre blessé, apres auoir remarqué les documens cy-dessus mentionnez, si la playe est longue; la faut coudre promptement, avec vn filet enciré, ou soye rouge, approchant avec dexterité, vne levre de la playe contre l'autre, & ne faut pas que les points soient distans, que d'vn trauers dedoigt l'vn de l'autre, puis faut lauer

Observatiō
pour panser
vn malade.

la playe, avec du vin où il y ay boüilly des roses, la playe estant laüee, faut metre dessus la poudre astringente, afin que la cousture soit maintenüe par icelle, & qu'elle incarne les levres, laquelle poudre i'ordonne en cette maniere.

Poudre in
carnatiue.

Prenez terre figillee, & bol armene de chacun dix dragmes, encens, mastic, & sarcocole, de chacun deux dragmes & demie, mirrhe & aloës hepatic vne dragme, & puis puluerisez le tout fort subtilement, de laquelle poudre l'on s'en pourra seruir au besoin.

Vsage de la
therebentine.

La therebentine est tres-bonne aux premiers iours incorporee avec ladite poudre, mais ne faut passer le quatriesme iour, parce qu'elle tient vnies les levres de la playe & maintient les coustures.

Ainsi faut lauer tous les iours vostre playe, puis y metre dessus la poudre suiuant,

Prenez mirrhe trois dragmes, aloës hepatic, quatre dragmes, encens deux dragmes, le tout puluerisé subtilement & meslé par ensemble, en vserez comme dit est.

Après venant le temps de la digestion de la matiere elle se pourra faire en cette sorte.

Poudre incarnative.

Prenez iaune d'œuf, therebentine, & huile rolat, & en faictes vostre digestif que vous vserez selon l'art & la pratique iournaliere.

Il faut après venir à mondifier vostre playe laquelle vous mondifierez comme s'en suit.

Digestif.

Prenez miel rolat deux onces, therebentine de Venise quatre onces, suc d'ache & suc de plantin, de chacun demie once.

Mondificatif.

Faictes bouillir le tout ensemble fort peu, puis y adioustez farine d'orge & de febve de chacune demie once, safran vn scrupule, sarcocole vng

Incarnatif.

dragme, & sera fait vostre mondificatif.

Incarnatif.

Que si vous voulez faire l'incarnatif, faut adiouster de la susdite poudre, vne once & demie, & par ainsi ferez vn tres bon incarnatif.

Et pour la cicatrisation ne faut faire autre remede, que ceux que nous auôs descrit à la cure de l'aposteme.

Je mettray icy pour contenter le curieux la descriptiõ de quelques remedes, pour oster & effacer les cicatrices grosses & difformes, & particuliere-ment quand elles arriuent à la face, où elles apportent vne grande difformité tant aux hommes qu'aux femmes.

Prenez des fraises meures, trois liures, lesquelles metez dans vn alambic de verre à digestion avec quatre onces de sucre fin, deux onces d'eau de vie, qu'elle soit de la meilleure, vne once de storac liquide, trois onces de talc bien puluerilé, & le tout laisserez dans

*En pourra
oster les ci-
catrices des
playes.*

ledit alambic bien bouché par l'espace de huit iours, apres metrez à distiller à feu de fable, d'où vous aurez vne eau tres parfaite, laquelle peut aussi seruir pour embelir la face.

Ou bié si vous voulez prenez l'herbe appellee serpentaria, fucille de fuzcau, ou fucille de pechir de chacune partie égale, pillez le tout par ensemble, & en tirez le suc, lequel metrez à distiller par alambic de verre en bain marie, vous en aurez vne eau admirable pour oster lescdites taches, voire même la rougeur de la face.

Pour le
même ef-
fet & pour
oster la
rougeur de
la face.

Voicy vn huile de blanc d'œuf, lequel ne cede en rien aux deux precedens.

Prenez cinq blanc d'œufs endurcis au feu que ferez desecher, & estans secs, les ferez dissoudre avec du vinaigre distillé, sur les cendres chaudes, & par ce moyen aurez vostre huile de blanc d'œuf, lequel quand le voudrez

Huile de
blanc d'œuf
pour mes-
me effect,

mettre en œuvre, faut lauer premièrement vostre cicatrice avec eau cômune, puis appliquerez vostre dit huile par dessus avec pieces de linge, & ces trois vous suffiront pour le present.

Que si à la playe naist quelque chair superflüe, vous aurez recours aux remedes que nous auons prescrit à la cure que nous auons dictée des vlceres, ce qui suffira au Lecteur pour la cure vniuerselle des playes, nous viendrons maintenant aux medicamens composez.

*Medicamens
composez
pour les
playes.*

Les medicamens composez pour les playes, sont particulièrement le cerat capital de Iean de Vigo, le cerat de minio, l'emplastre de betonica, l'emplastre de Elim, du Conciliateur & autres semblables.

Pour moy ie me fers souuent des baumes & remedes suiuians avec heureux succez.

Prenez therebentiu de Venise

huiet onces, gomme Elemÿ quatre onces, huile d'hipericon demie once, bolarmene vne once, sang de dragon, vne once, eau de vie deux onces, iris de Florence, aloës, mastic, storax, mirrhe, de chacun deux onces.

Baumes
pourplayes.

Faiçtes fondre premierement vostre gomme Elemÿ avec la therebentine & huile, puis detrempez, le sang de dragon, & bolarmene, avec l'eau de vie, & cuisez le tout à feu lent, & quand vous en voulez seruir, le faut appliquer le plus chaud qu'il se pourra.

Si celuy-là ne vous contente, en voicy vn autre, lequel ne cede à celuy qui vient des Indes.

Prenez eau de vie rafinee le plus qu'il se pourra, trois liures, dans laquelle metrez sauge, rosmarin, cannelles, girofle, nois muscade, galanga, belzoin, storax & sandal rouge, de chacun deux dragmes.

Autre baume.

Pillez le tout grossierement, & mettez le tout dās vne retorte de verre avec l'eau de vie en infusion au bain marie par espace de ving-quatre heures, auertissez que vostre retorte soit bien sigilee & distilez au sable, & tirez toute l'eau que vous pourrez tirer de vostre distillation, apres que la distillation sera finie ostez de vostre retorte les feces ou marc qui y est demeuré au fonds lequel est de nul valeur, & en son lieu vous y metrez bingoin, storax, laudane, mirrhe, de chacun vne once, musc de leuant & ambre gris, de chacun vn scrupule, pilez les & les metez dans ladite retorte, avec l'eau de vie susdite, & distillez de nouueau, & apres auoir tiré toute vostre eau de vie, au fonds de vostre retorte vous restera vn baume admirable, & d'vne tres-suaue odeur, que garderez dans vne fiolle bié bouchée pour vous en seruir au besoin.

Que si pour varier vous voulez quelques eaux, qu'ayent le mesme effect du baume, en voicy la maniere.

Prenez mastic, aloës, sarcocole, bol armene, sang de dragon, agaric, Eau qui sert de baume. turbit, corail rouge, racine d'irios, de chacun deux onces & demie, eau de vie de la plus fine deux liures, tout ce qu'il faut piller le faut pister, puis metez le tout dans vn alambic de verre bien bouché avec son recipiant, & ferez distiller à feu de sable, & aurez vne eau fort excelléte pour les playes, en baignant les tentes de ladite eau, ou bien en baignant les pieces que metrez sur vostre playe, si elle n'est profonde.

Ou bien vsez de celly-cy, laquelle vous donnera grande satisfaction.

Prenez therebentine de Venise demi liure, huile dabeze deux onces, eau de vie fine vne liure. Autre eau balsamique

Faites distiller par alambic de verre

& aurez vne eau tres-bonne pour lesdites playes.

Ou bien prenez therebentine de Venise six onces, gomme elemy, deux onces, bol armene, sang de dragon, mirrhe, mastic, aloës, de chacun vne dragme & demie.

Faut le tout incorporer avec vn peu d'eau de vie de quoy vous en ferez vn liniment pour vous en seruir au mesme effet.

Method
que ie tiens
pour panser
vne playe.

Amy Lecteur, ie t'ay voulu metre icy vne quantité de remedes aglutinatifs, & te descrire en deux mots la methode que ie tiens à panser vne playe qui est que i'oste mon premier appareil dans douze heures, si par hazard ie ne preuois que quelque emorragie, m'en empesche & i'en remets vn autre de la mesme façon pour autant de temps, apres si ma playe est simple, i'applique quelqu'vn des susdits baumes, sans tente, faisant distiller de ladi-

te liqueur, iusques au profond de ladite playe, puis ie mets les pieces mouillées dudit baume dessus, Je bande selon l'art que iet'ay dit cy-dessus, & ne touche à ladite playe que de vingt en vingt & quatre heures, sans tourmenter dauantage mon malade, n'y sans y appliquer des remedes qui puissent engendrer pus à la playe selon le vieux axiome du Philosophe, *frustra sunt per plura quæ fieri possunt per pauciora.*

Les simples desquels nous nous seruons pour les playes sont plusieurs desquels nous parlerons cy-apres, quand nous traiterons de tous les principaux, simples propres à toutes les infirmittez appartenantes à la Chirurgie. Concluons d'ocques ce discours, & traitons des Fractures pour suiure la quatrième partie de nostre intention.



DE LA CVRATION des Fractures.

QVATRIESME PARTIE.

La fracture
peut estre
parfaite. ou
imparfaite.



A Fracture se fait doncques quelquesfois de tout l'os, & quelquefois d'une partie d'iceluy, c'est pourquoy nous dirons que la Fracture peut estre parfaite ou imparfaite, les signes pour cognoistre si la Fracture est parfaite ou non parfaicte, se cognoist en parangonnant la partie saine avec la malade, à sçauoir si vne iambe est offencee, la faut mesurer avec la saine, pour voir l'esgalité ou deformité qu'il y a, & ainsi des autres parties, elle peut encores estre cogneuë, par l'attouchement, car la touchant avec les doigts,

Signes
pour co-
gnoistre la
fracture.

l'on trouue tout aussi tost les parties des-vnies, & cecy suruient aux Fractures qui sont faiçtes, ou en trauers, ou obliquement, mais quand l'os est fédu par le lóg, l'on ne sèt autre chose qu'une certaine grosseur furnaturelle, comme dit Iean de Vigo, par l'autorité de l'Anfranc au premier chapitre du sixiesme liure, & Galien au quatrième de la Therapeutique dit, qu'aucunes Fractures sont simples, les autres sont composees, les simples sont celles qui n'ont autre que la simple fracture, la composee est celle qui a aposteme, ou playe, ou bien quelque grande douleur, ou pour auoir esté mal pansées ont fait le calus, ou bien sont suiuiues de quelques grâdes contusions.

Il est aussi tres-vtile & necessaire de sçauoir que quelques-vnes facilement se guerissent, les autres ne sont du tout si faciles, & les autres tres difficiles, &

auec danger de la vie.

Fracture de
facile cura-
tion.

Celles qui se guerissent facilement, sont les Fractures qui se font le long de l'os, & qui sont sans esquilles, sans aposteme, sans douleur & autres semblables empeschemens.

Fracture qui
n'est ni faci-
le a guerir.

Celles-là qui ne sont si faciles à guerir, sont celles qui ont ou l'aposteme, ou la playe, ou la douleur, ou choses semblables.

Fracture
de diffi-
cile a guerir.

Mais celles qui se guerissent avec difficulté & peril sont celles qui ont plusieurs esquilles, ou pieces d'os, lesquelles poignent les muscles & nerfs, & dont les nerfs & muscles sont extenués, & quand lesdites Fractures sont faictes voisines des ioinctures.

L'on doit sçauoir pareillement que quelques fractures, se guerissent en peu de temps, les autres durent long-temps, car tant plus sera grande la Fracture, tant plus faudra-il du temps pour la reünion d'icelle, aussi tant plus

fera l'os dur & sec, tant plus la fracture
fera-elle lógue à reünir, & tât plus se-
ra-il mol & humide (i'entens d'humidi-
té radicale) plus prompte en fera la
guerison, ainsi nous disons qu'aux
enfans la guerison en est plus prom-
pte, à cause que la reünion se peut fai-
re selon la premiere intentiõ, si nous
deuons croire l'autorité de Galien,
au contraire nous disons qu'aux per-
sonnes d'aagé, ausquels faut que la
nature trauaille à faire & engendrer
quelque substance pour supleer à leur
defauts, la nature ira plus lentement,
car ne pouuant faire vn os, tel qu'il a
esté engendré dans la matrice, il en-
gendre & forme vne chair caleuse
qu'ordinairement nous appellons
(calus &) *porus dur*, lequel calus est
d'vne substance bien approchante de
l'os, laquelle est faiçte de l'aliment
qui est surabondant de la nourriture
de l'os qui se coagule & se rend si fort

Comme la
fracture
peut estre
longue ou
bref à gué-
rir.

avec le téps qu'il est plus fort que l'os
 meſme: le doct^e Falope ſur ce meſme
 ſujet, dit auoir obſerue tant aux hom-
 mes, qu'aux animaux que le calus ſe
 fait, tant en la partie interne qu'à
 l'externe, & la raiſon qu'il en appor-
 te, c'eſt que puis que le Calus eſt en-
 gédre de la propre nourriture de l'os,
 il faut par conſequent quant le Calus
 ſe fait exterieurement, qu'il ſe forme
 encores interieurement, ie diray bien
 dauantage pour preuue de cette opi-
 nion que ſi le Calus n'eſtoit qu'exte-
 rieurement lors qu'à la Fracture, il y
 a diuerſes pieces d'os, la reünion ne
 ſeroit iamais ferme & ſolide; & leſdi-
 tes pieces d'os trouuant du vuide, au
 moindre effort cauſeroient à tout
 coup nouuelle Fracture, mais l'exe-
 rience nous fait voir le contraire, car
 apres que les iours prefix par nos au-
 theurs ſont expirez, le lieu de la Fra-
 cture ſe trouue plus fort que la partie
 ſaine;

Le Calus
 ſe fait de-
 dans & de-
 hors de l'os
 fracturé.

saine, & qui nous fait conclure & assurer, que le calus se fait esgalement au dedans & au dehors de l'os.

Les os sont plus subiects à se rompre & fracturer, s'il faut ainsi parler, avec le froid, que non pas en temps humide, la raison est, parce que le froid les desseiche, & par consequent sont plus fragiles, au contraire; en temps humide sont plus souples & obeissent plus facilement, & par consequent ne sont pas si subiects à se rompre.

Pourquoy
l'os se
ôpt plu-
tost avec
le froid.

Sçachez que les fractures qui se font seulement d'un des os du bras, ou des jâbes, sont plus faciles à guerir qu'aux cuisses ou au dessus du bras, ou bien quand les deux os sont rompus, à cause que restant un de deux os entier, il sert de soustien & de pilier pour la reünion de la fracture au contraire, lors que l'os est tout à fait rompu, & qu'il n'a aucun soustien, le moindre

mouuement de la partie empesche la reünion & formation du calus.

Pourquoy
la fracture
proche de
la jointu-
re est mor-
telle.

Si la fracture se trouue au dessus, & proche de la jointure, elle est mortelle, à cause des fascheux accidens qui l'accompagnent, que s'il en eschappe, la fracture laisse au moins vne diformité perpetuelle à la partie.

Les acci-
dens qui
arriuent
l'os n'est
biē remis.

Faut sçauoir que si les deux bouts ou extremitiez des os rompus ne sont bien vnies esgalemēt, le membre se trouuera plus court que le sain, & les muscles seront plus enflez, à cause qu'ils se retirent vers leurs principes, & la partie reste pour l'ordinaire endormie & engourdie, à cause que les veines & arteres estant forcez de leurs lieux naturels, & n'estant libres, ains oppressez, par consequent les esprits & le sang qui sont portez par iceux, ne peuuent passer librement, & en telle quantité, qu'il est necessaire pour la nourriture d'icelle, la rend plus foible & debile.

Nous tenons la fracture des vertebres estre, ou mortelles, ou tres-perilleuses, à cause de la proximité de la moëlle de l'espine du dos, & continuité d'icelle avec le ceruelet, estant comme son appādice, ou son Lieutenant, pour porter les esprits sensitifs & motifs aux parties esloignées.

La fracture des vertebres mortelle & pourquoy.

Hipocrates nous defend de toucher aux fractures pendant le troisieme, ou quatrieme iour, mais ie crois qu'il entend s'il y a grande inflammation, & c'est pour réforer les nerfs & les tendons, & pour esuiter que la douleur n'apportast quelque grande inflammation, gangrene, ou mortification à la partie: mais ie conseille de le faire apres que les humeurs seront reposez, les inflammations abatuës, & tous autres accidens appeaisez.

Temps defendus pour toucher à la fracture.

La partie fracturée n'est iamais si bien formée, ny si forte, ny si adroite

La partie fracturée telle qu'elle estoit.

ours plus
foible.

qu'elle estoit auparavant, quoy qu'elle aye esté remise avec toute perfection.

Le temps
destiné
pour la
guérison
des fractu-
res.

Nostre grand coriphée Ieá de Vigo, parlant du temps qu'il faut pour la réunion des os, dit & veut quel la fracture de l'os de la teste, se guerisse en trente-cinq iours, l'os du nez en dix-neuf iours, les costes en vingt-huict iours, la clavicule en quarante, l'humérus en vingt-quatre, le femur en soixante, le tibia & fibula en cinquante.

Mais ces termes ne sont prefix & determinez en tout corps, parce qu'un corps ieune guerira plustost qu'un corps vieux; un corps flegmatique guerira plustost qu'un corps colérique: Ainsi le nous enseigne Auienne, & l'experience le nous faict toucher au doigt.

Et parce que nous auons parlé de la fracture de l'os du crane, il me sem-

ble qu'il ne fera hors de propos d'en dire quatre paroles. Cornelius Celsus veut & ordonne, qu'en toute diligence l'on aille recherchant la cause comme a esté rompu l'os, parce que de ceste coniecture l'on vient à la cognoissance, & à sçauoir si l'os peut estre rompu ou fendu.

Nous auons diuerses especes de fracture en l'os de la teste, dont la premiere est celle que nous appellons fissure ou fente, les Grecs l'ont appellée *Rogme*, & les Latins *Rima*, laquelle fracture n'est autre chose qu'une separation ou ouuerture de l'os, sans que ledit os change de place.

Dix-sept fractures en l'os de la teste.

Premiere fracture.

La seconde fracture est celle que nous appellons en grec, *Eccope*, en Latin *Excisio*, c'est à dire, excision, qui est vne diuision del'os, avec esteuuation, ou entameure de l'os blessé.

Seconde fracture.

La troisieme espece se nomme, en grec *Apofcepe*, en Latin, *Dedolatio*,

Troisieme
fracture.

mesme en François *Dedoleure*, & est lors que l'os est separé du fain & emporté tout à faict.

Quatries-
me fractu-
re.

La quatriesme est celle que les Grecs appellent *Ecpiesma*, les Latins *Expressio*, laquelle n'est autre que la brisure enfoncée, & c'est lors que l'os est brisé en diuerfes pieces avec enfonceure des petites esquilles sur la membrane.

Cinquies-
me fractu-
re.

La cinquiesme est dite en Grec *Engisoma*, en Latin *Defessio*, & en François enfonceure, laquelle est lors que l'os laisse sa propre place, & descend en bas sur la membrane.

Sixiesme
fracture.

La sixiesme est appellee des Grecs *Camar sis*, des Latins *Camoratio*, & des François Vouteure, & est à lors que l'os se retire, & enfonce au dedans, ou bien se releue en haut.

Septiesme
fracture.

La septiesme est dite en Grec *Trichisnos*, en Latin *Capilatio*, en François Capilaire, laquelle est vne fente

si subtile, qu'on ne la peut presque appercevoir, c'est pourquoy elle prend la denomination du poil.

La huitiesme est dite en Grec *Thlasís*, en Latin *Contusio*, qui est vne enfonceure ou contusion de l'os, sans estre rompu, ou bien quand l'une des tables de l'os est seulement rompuë.

Huitiesme fracture.

La neuuesme est appellée en Grec *Apochima*, en Latin, *Resonatio*, qui est la contrefente, laquelle arriue à lors que l'os est rompu à l'opposite de celui qui a esté frappé, ce qui arriue rarement à ceux qui n'ont point de futures.

Neuuesme fracture.

La dixiesme est dite en Grec *Dialysis*, des Latins *Dissolutio*, laquelle arriue à lors que les futures sont séparées les vnes des autres, par le moyen de quelque grand coup, ou cheute.

Dixiesme fracture.

Ambroise Paré, pour n'ofusquer la memoire des ieunes Chirargiens, a reduit toutes ces especes de fractures

Les suffisantes fractures sont reduites en cinq.

en cinq ; La premiere , la nomme fente ; la seconde contusion, la troisieme embarreure, ou enforceure ; la quatrieme incision, ou marque , & la cinquiesme contrefente.

Il faut sçauoir que de ces fractures, les vnes sont grandes, moyènes, petites, & tres-petites, les autres sont longues, larges, & courtes, les vnes superficielles, les autres penetrantes au diploë, & par fois passent les deux tables de l'os, les vnes sont de figure droite, les autres de figure ronde, ou oblique, les vnes simples, les autres composees entr'elles, comme contusion avec fissure, &c. les vnes sont compliquées avec flux de sang, douleur, & autres symptomes, & les autres avec esquilles, & fragmens d'os, toutes lesquelles differences, il est necessaire que le Chirurgien tache, à fin de diuersifier la cure, & apporter les remedes appropriéz.

*La figure
diuersé des
fractures.*

*Quelques
sont compliquées.*

Or les signes pour ſçauoir ſi l'oſ rompu, ſont de deux eſpeces, ſçauoir, cōiecturatifs, & les autres certains; les coniecturatifs ſont ceux leſquelz quād puis le coup ſuruient au patient vn vomiffemēt lors qu'il reçoit le coup, ce qui arriue à cauſe de la ſimpatie qu'a l'eſtomac avec le cerueau, par le moyen du fixieſme paire des nerfs duquel l'eſtomac eſt tiſſu, il voit beaucoup de lumieres deuant les yeux, luy ſuruient des vertiges, & tornoiyement de teſte, le patient tombe par terre du coup, il perd tout auſſi toſt la parole, lors qu'il reçoit le coup, deuiant ſourd, & perd la veüe, & porte ſouuent la main au lieu bleſſé, eſtant dans cet aſſoupiffement il reſtent de la douleur, & lors qu'il eſt remis, & reuenu vn peu à ſoy, il jette du ſang quelque fois du nez & de la bouche, ſi on luy fait macher quelque choſe entre les dents, ſoit paille, linge, ou

Deux ſignes pour
cognoître
ſi l'on eſt
rompu.

Signes cō-
iectaratifs.

chose sēblable, la douleur luy respōd tout aussitost au lieu où l'os est offecé, & ce signe icy est particulieremēt bon pour sçauoir quand l'os est rompu à l'opposite du coup qu'il a receu, il y a plusieurs autres signes coniecturatifs, descripts de diuers auteurs ; mais ceux-cy sont les principaux & les plus asseurez.

Signes certains.

Les signes certains sont ceux qui se voyent à l'œil, & sont lors que l'os se trouue descouuert du coup, ou qu'à l'attouchement du doigt, ou de la sonde, on trouue l'os fracturé, & que mēme la fracture est accompagnée de quelques accidents & symptomes cy-dessus mentionnez, ou bien si l'on trouue le poil coupé par la violence du coup, & que ledit poil se tiennedroict dans la playe, car il est bien difficile que le coup taille le poil, lequel est vne chose qui obeit & se plie facilement, sans que l'os qui est

vne chose qui refiste, ne soit rompu.

Iean de Vigo passe plus outre, & dit que si la fracture est faite avec offense des membranes, ou de la substance du cerueau, à lors outre les signes susdits, il suruiendra de necessité la scotomie, l'apoplexie, la fièvre continuë, les rigueurs avec vne perte de sâg par le nez, ou par les oreilles, & cela procede, ainsi que veut Celse de la ruption des veines, & arteres qui passent au trauers des meninges & du cerueau, le vomissement de colere s'en ensuit, témoin Hippocrates, à cause de la cômunication qu'a le cerueau avec l'estomac, par la raison cy-dessus alleguée, sçauoir, par le moyen de la communication des nerfs de la sixiesme coniugaison qui descendent du cerueau, & se vont aboutir à l'orifice supérieur de l'estomac, & de là à toute la substance, d'où vient que venant à se comprimer, outre qu'il cause

Signes
quand la
membrane
est offen-
cée,

le vomissement, il attire du cistis la bile & la vomit semblablement.

Signes
quand les
membres
ont
offences.

Il survient grandes douleurs, lors que les membranes sont offensées, à cause qu'elles sont fort sensibles, laquelle s'augmente quand on remue les mâchoires, ou qu'on fait quelque grande respiration, à cause que telle action fait commotion & elbranlement du cerueau & de ses meninges.

Des con-
vulsions.

Il survient par fois des convulsions, à cause de la trop grande repletion, à cause des esprits contenuz dans les nerfs, d'où procede que les sens se retrouvent estourdis & hebetez, pour l'obstruction qui se trouve dans les conduits du nerf, & par consequent, les esprits animaux ne peuvent re-
luire.

fièvre &
refuerie, &
alienation
desprit,
pourquoy.

La fièvre survient bien tost apres, avec refuerie & alienation d'esprit, à cause de l'inflammation qui survient aux membranes & au cerueau, laquelle

le est communiquée au cœur, & de là à toutes les parties du corps.

Cornelius Celsus dit, que quelque fois avec le coup il se rompt quelque veine, & s'espanche & distende du sang sur le cerueau, lequel sang corrompu cause par apres au malade les accidents cy-dessus descrits, sans que l'os soit rompu, mais cet accident suruiet fort rarement, & tous ceux auxquels ledit accident arriue, difficilement en peuuent-ils eschapper.

Grand le
sang s'es-
panche sur
le cerueau.

Les accidens qui signifient la fracture de l'os viennent d'ordinaire aux premiers iours, c'est pourquoy ayant bien consideré lescits accidens qui signifient la fracture, il faut aussi tost venir à la curation, par laquelle il faut bien separer le crane du pericrane, en faisant vostre incision croisale, large à suffisance pour pouuoir appliquer au besoin vostre trepan, & aussi pour pouuoir bien decouurir vostre fra-

Comme
faut faire
l'incision;

ecture, car si elle est petite il vous suffira faire vostre incision en forme de T, observant les futures, les veines & arteres, autant que faire se peut, & sur tout les muscles temporaux.

Temps
qu'il faut
faire diete
operation.

Si la fracture est grande & l'os rompu en diuerses pieces, faut avec d'exterité & avec moins de douleur du patient que faire se pourra en oster quelques-vnes afin de donner issue au sang qui c'est respandu sur la dure mere, & c'est au plütoft afin de n'attendre les accidens qui suruiennent en peu de temps par l'inflammation de la dure mere.

Lieu où il
faut appli-
quer le
strapau.

Si les os sont adhérens les vns aux autres, & qu'on ne peut arracher lesdits os pour n'auoir prise avec les instrumens, faut venir au trepan, lequel vous appliquerez sur l'os sain, au plus proche de la piece que vous voulez oster, ou au lieu commode pour donner issue à vostre sang extraualé, éui-

tant toutefois les futures & lieux prohibez des auteurs, & bien que André de laCrucé auteur celebre en son chapitre sur le mesme suieſt, dit auoir trepané sur les futures avec heureux succez, toutefois ie ne le conseille qu'à vne grande necessité, tant pour n'estre blasné des autres Chirurgiens qui ſçauroient ceste presumption, que pour le peril auquel vous metez vostre malade, car s'il arriue bien à vn, il succedera mal à dix autres; c'est pourquoy Hipocrates en son premier Aphorisme, dit avec bonne raison, *experimentum periculosum*.

Faut que le malade soit dans vne chambre bien fermée, où il n'y aye point de iour ny de clarté, que d'une chandelle, quand on panse la playe, qu'on aye tousiours vn bon rechaud de braise proche, que le malade n'entende point de bruit, & qu'on ne le face que rarement parler.

Disposition
du
lieu du
malade.

A l'appli-
cation du
trapau, il
faut obier-
uer le lieu
plus bas.

L'on ne doit appliquer le trepan aux parties pendantes de la teste, à cause que le cerueau pourroit par sa pesanteur sortir par l'ouuerture, ou bien si l'on y est forcé, faut faire l'ouuerture fort petite, & donner vne situation fauorable au patient.

Faut esuiter
l'os Corro-
ual.

Il ne faut aussi appliquer le trepan sur l'os coronal à cause de sa mollesse, ou par la pesanteur dudit trepan l'on pourroit enfoncer l'os sur la dure mere.

Obserua-
tion.

Doncques si la fracture est au temple, faut trepaner par dessus le muscle temporal, si la fracture est au sourcil, faut appliquer le trepan au front, j'entens tousiours au plus proche qu'il se pourra appliquer de la fracture, que si les os sont embarrez ou enfoncez, les faut rehausser dextrement, s'ils sont separez tout à fait, faut talher comme j'ay dit de les oster, le mesme vous pouuez obseruer aux sutures.

Il faut que le trepan soit appliqué aux premiers iours, & au plutoſt, deuant que les forces du malade ſoient amoindries, & que les accidens ſoient ſuruenus, touteſois en cas de neceſſité que vous euſſiez eſté appelé tard à viſiter voſtre malade, encores qu'on aye paſſé le neufieſme, voire le quatorzieſme, ſi vous iugez les forces de voſtre bleſſé eſtre ſuffiſantes, vous les pouuez librement trepaner, parce que *neceſſitas non habet legem*.

Pourquoy
le trepan
doit eſtre
appliqué
aux pre-
miers iours.

Après auoir fait voſtre incifion faut demeurer vingt-quatre heures pour d'appliquer voſtre trepan, tant pour arreſter le ſang, lequel vous donneroit empeschemēt, comme auſſi pour laiſſer reprendre vn peu de force à voſtre malade, que ſ'il y auoit quelque veine ou artere que vos medicamens aſtringens n'euffent peu arreſter, ne faut eſpargner le cautere actuel pour ne vous tant amuſer à perdre le tēps.

Tēps qu'il
faut dema-
der d'ap-
pliquer le
trepan après
l'incifion.

lequel en tels maux est grandement cher.

Comme il
faut penser
la playe,
ap' es auoir
fait l'inci-
sion.

Or pour panser la playe apres auoir fait vostre incision vous la remplirez avec de charpie seiche, afin de desseicher l'os, & tenir vostre playe bien dilatée, que si vous craignez que vostre charpie ne s'attache contre la chair, & en l'ostant par apres, ne vous donne de la fascherie, faut tremper vos plumasseaux dans du vin tiede, puis les exprimer bien fort, & mettre sur l'os en dilatant tousiours fort; & le reste de la playe la remplir avec des plumasseaux d'estoupes, trempées dans la glaire d'œuf & poudre astringente, comme sçauuez, afin que quand vous voudrez racler, ou faire autre operation sur l'os, la chair des bords ne soit touchée des instrumens pour ne causer douleur, laquelle nous deuons éuiter le plus que faire se peut, outre que ladite chair empescheroit les

operations manuelles qu'on doit faire, & que le mal requiert.

Que si le sang sortoit en abondance, vierez à vostre premier appareil des poudres suiuanes.

Prenez Aloés, terre sigillée, bol ar- ^{Poudre}
mene, sang de dragon, poil de lievre ^{ustingée.}
taillé menu, toille d'araignee, ~~faite~~ ^{faite}
volatile, le tout avec glaïre d'œuf battu ensemble, & faites comme dessus.

Les iours suiuan, apres les vingt- ^{Ce qu'il}
quatre heures passées du coup, ayant ^{faut obser-}
osté ledit appareil, faut obseruer si l'os ^{uer apres}
est offensé, & s'il y a fracture de la ^{24. heures}
premiere & seconde table dudit os, ^{passées du}
lequel faut raclez avec vos rugines, ^{coup.}
vsant premierement la grande, puis
la moyenne, & à la fin la plus petite:
ainsi le nous commande Iean de Vi-
go, aduertissant comme i'ay dit, de ne
iamais toucher les commissures, car
en ractant, l'on se mettroit en danger
de faire tomber la dure mere sur le

cerueau , outre les douleurs & accidens qui en suruiendroient , ayant raclé l'os iusqu'à la vitrée, il faut oster toutes choses qui pourroient piquer, poindre, ou oppresser, ou la dure mere , ou le cerueau, puis faut prendre vne petite piece de linge bien net & subtil, laquelle vous baignerez dans l'huile rosat omphacin , ou dans le miel rosat, lequel sera vn peu chaud, & l'appliquerez entre l'os & la dure mere, puis en prendrez vne autre baignée de la mesme façon, de laquelle vous couurirez tout l'os descouvert, apres faut remplir toute vostre playe de plumaceaux oingts du digestif, fait avec jaune d'œuf , huile rosat omphacin , & vn peu de safran , & au dessus faut appliquer vn emplastre fait du mesme digestif.

Passé le second iour , apres qu'on aura osté l'os, au lieu du digestif, faut mettre l'onguent basilicum capital de

Iean de Vigo, lequel il compose en ceste maniere.

Prens huile rofat cinq onces, huile de mastic deux onces, suif de pourceau & suif de veau, de chacun quatre onces, fueille de plantin, matrisylua de bethorine, pinpinelle, piloselle, & fueille de rosmain, de chacun demy manipule.

Vnguet bar
silec capital
de Iean de
Vigo.

Meslez le tout par ensemble, avec quatre onces de bon vin rouge, iusqu'à la consommation dudit vin, puis coulez, & adioustez y mastic, gomme elemy, & resine, de chacun vne once, miniam dix dragmes.

Faut faire bouillir le tout par ensemble, iusqu'à ce qu'il demeure noir, meslant tousiours bien le tout avec vne spatule de bois, puis y adioustez therebentine de Venise quatre onces, cire blanche, tant qu'il en faut pour former vn cerat mol, duquel vserez pour penser vostre playe, met-

Defensif
pour
playes.

tant à l'entour de ladite playe vn defensif, fait avec huile rosat, bol armenne, & cire blanche, le tout selon l'art, & en vserez iusqu'à ce que le temps soit passé pour arriuer à l'aposteme, qui sera au quatriesme iour, puis faudra venir à la mondification, laquelle ferez avec miel rosat clarifié, mais meilleur sera le sirop rosat fait d'infusion de roses rouges, au poids de dix dragmes, fueille & fleur d'hipericon, fueille de rose, de chacun deux pugilles, therebentine, deux dragmes, vin rouge & puissant, deux onces, faut faire bouillir iusqu'à la consommation du vin, puis couler le tout à trauers d'un linge, & vous en seruir comme d'un tres-bon mondificatif.

Miel rosat,
Sirop ro-
sat propre
pour modi-
fier les
playes.

Modifica-
tif.

Passé le quatorzieme iour, & que la playe sera modifiée, vserez du suiuant incarnatif, lequel fait des merueilles.

Incarnatif
pour
playes.

Prenez therebentine de Venise trois onces, miel rosat, vne once, vin tres-

bon quatre onces, hipericon, bethoine, pinpinelle, centaure majeure, & mineuer, de chacune demy manipule.

Se pileront les choses qui se doiuent piler, puis le feront boüillir par ensemble, iusqu'à la consommation du vin, apres coulez & exprimez, & par apres adioustez therebentine, vne once, miel rosat demy once, mirrhe deux dragmes, sarcocole, & aloes hepatic, de chacun vne dragme, safran, vne scrupule, farine d'orge tamisee bien subtilement trois dragmes, & formerez vn vnguent avec lequel vous incarnerez vos playes avec toute perfection & diligence.

Pour la cicatrification elle se faict avec remedes simples & composez, ainsi que vous auez ja leu cy dessus, comme aussi pour la chair superflüe, si par fortune elle y suruiuent, que si lesdits ne vous contentent, vous aurez vostre intétion avec les vnguens

Pour la cicatrification
& chair superflüe.

mixtionnez, sçauoir avec l'onguent Ægyptiac, l'vnguent Apostolorum, ou avec l'alun brulé, ce qui doit suffire pour le present, parlant generalement des playes de teste.

Aduertisse-
ment aux
playes dan-
gereuses
des la te-
ste.

Mais aux cas graues & dangereux, i'aduertis ceux qui verront le present discours, de bien lire & relire ce qu'en escriuent sur ce sujet Hipocrates, Galien, & autres Docteurs graues de la Medecine, & non seulement se doiuent contenter de lire les anciens, mais encores ils doiuent lire les modernes, comme Guid on de Cauliat, Largeleta, Iean de Vigo, Iean André de la Crucé, Ambroise Paré, Ioubert, & autres semblables Docteurs, dans lesquels l'on trouuera de tres-doctes documens, pour esuiter mille erreurs qui se peuuent commettre à la cure desdites playes, pour nous guarentir, desquelles il nous faut auoir recours au Souuerain Medecin de nos corps

& de nos ames, afin qu'il nous donne les moyens necessaires pour pouuoir mieux subuenir à nos manquemens.

Mais c'est assez discouru sur ce sujet, il faut venir à la cure generale des fractures, d'où il semble nous estre par trop esloignés, & suiure l'opinion de Iean de Vigo, souz l'adueu d'Auicenne, au premier & quatriesme des fractures, qui dit qu'elles sepeuent guerir en quatre manieres, pourueu que cela soit auant la cure vniuerselle d'icelles.

Les fractures se peuuent guerir en 4. manieres.

La premiere c'est de reünir l'os, & 1.
le placer en son propre lieu.

La seconde, c'est de maintenir l'os 2.
en son propre lieu, lors qu'il est remis.

La troisieme, est le lier suffisam- 3.
ment & moderément, tenant tousjours l'os en son droit fil.

La derniere est, de corriger & pre- 4.
voir aux accidents, tant presens que futurs.

Comment
il faut pre-
parer les
atelles.

Pour la premiere façon, l'on prepare cinq ou six hatelles, plus ou moins, selò le mèbre rompu, lesquelles faut enuelopper d'estoupes; & faut tenir lescdites hatelles de la longueur de cinq ou six pouces de chaque costé par delà la fracture, prenant garde que lescdites hatelles n'empechent la joincture, & les faire larges de deux doigts, ou enuiron.

Des bādes,
& de la
largeur
qu'il faut
observer.

Les bandes aussi seront longues à proportion de la ligature qu'il conuiendra faire à la partie offensee, & pour la largeur l'on observera deux doigts, pour bander la main ou le pied, pour le bras ou la jambe trois doigts pour la cuisse ou pour le corps quatre doigts.

Des prepa-
ratifs.

Lesdites bandes seront baignées dans l'oxicrat, fait avec eau commune, vinaigre & eau rose, & exprimées bien fort, afin que l'humidité ne refroidisse trop le partie,

Tiendrez encores prestes vostre glaire d'œuf batuë avec huile rofat omphacin, huile de mortelle, sang de dragon, bol armene, & vn peu de therebentine, le tout faiçt, & préparé selon l'art.

Tiendrez encores prestes vos esquilles enfilees, & en fin tout ce qui est necessaire, sans oublier des gens pour vous ayder à tenir vostre malade, qui ayent bon cœur & ne soient point timides.

Ainsi tout préparé, faut faire prendre vne part de la fracture par vn de ces gens là, & l'autre partie à vn autre, lesquels tous deux avec iugement & dextérité tireront le membre, tenant tousiours droict selon la naturelle posture, avec moins de douleur du patient que faire se pourra, faisant alonger le membre tout autant que la partie saine.

Moyen de
reunir l'os.

Alors faut que le Chirurgien avec

la main , & sur tout avec le poulce, presse sur le lieu de ladite fracture arrestant , & vnissant esgalement l'os rompu, & sur tout s'il y a des esquilles.

Si la force
des hōmes
n'est suffi-
sante pour
remettre,
l'en faut
auoir re-
cours aux
instrumēs.

Que si la force des hommes n'est bastante de tirer les os pour les joindre en son lieu, il faut lier le membre offencé avec vne seruiette, ou quelque autre linge long, laquelle ligature se fera en sorte qu'il ne puisse offencer le membre , puis le faire tirer par quelque homme fort , que si ledit linge n'estoit bastant, faut auoir recours aux instrumens de fer, tels que nos auteurs nous les ont marquez, & que l'experience du Chirurgien scait qu'on vse pour tels effects.

Ayant donc remis l'os en sa place, & donné sa vraye situation où il doit demeurer, faut prendre vn linge assez subtil, trempé dans l'huile rosat omfacin, & huile de nertie, chaudement mis sur la partie & dessus ladite piece,

faut mettre vos estoupes trempées, comme cy-deuant nous auons dit, lesquelles faut qu'elles tiennent trois doigts dessus & dessous ladite fracture, puis faites vostre ligature selon que l'art vous oblige, & que nous auons dite cy-dessus, aduertissant tousiours de ne trop serrer, de peur qu'il ne se cause douleur, & n'empesche que les esprits ne reluisent à la partie, ny moins ne faut pas laisser si lasche que l'os se puisse oster de sa place où il est desia situé, par apres faut mettre vos hatelles trois doigts distantes l'une del'autre bien rangees, lesquelles vous lierez avec vne ficelle aux deux extremittez & au milieu, ou bien où bon vous semblera, mais pour l'ordinaire ie les lie avec quatre ligatures, puis on accommode le membre dans le liët, en sorte qu'il ne soit offencé d'aucune chose.

Commo il
bander la
partie.

Il y en a qui se seruent de certaines

quaiſſes faiçtes de main de, quelque bon maïſtre, ſelon la proportion du membre offencé.

*Method
que ie tien-
à changer
les appa-
reils.*

Et bié que quelques autheurs, quoy que fameux, nous commandent qu'il ne faut toucher le membre offencé que de huiçt en huiçt iours, c'eſt à dire n'oſter l'appareil, touteſois ma pratique ordinaire, c'eſt que paſſé les deux fois vingt-quatre heures, ie change tout mon premier appareil, & c'eſt pour deux raiſons.

*Premiere
raiſon.*

La premiere, c'eſt qu'oſtant le bandage lequel tient ferré la partie, fait que les eſprits concourent & reluïſent à la partie.

Seconde.

La ſeconde, c'eſt afin que s'il y a quelque choſe qui n'aye pas eſté du tout remiſe & reduite en ſon lieu ie la puiſſe remettre, pour n'attendre que les humeurs concourent à la partie, & que les accidens n'empêchent qu'on ne puiſſe remettre ledit os.

Et ne faut oublier de mettre le defensif sur la partie superieure , afin d'empescher les humeurs de concourir à ladite partie , lequel sera fait d'huile rosat , omfacin , & huile de nerte de chacun trois onces, liquefiez avec cire blanche, vne once & demie, y adioustant vne once de bol armene, de tous les fantaux vne dragme, farine de febves dix dragmes, farine d'orge, vne once & demie, meslez le tout par ensemble, & faictes vostre defensif, & de tels medicamens faut vser iusques au septiesme iour , parce qu'au huictiesme , la reünion du porre sarcoide commence à se faire selon tous les bons Praticiens.

Defensif sur
la partie
superieure.

Alors faut panser ladite fracture avec pieces mouillees dans lesdits huiles cy-dessus mentionnez , par apres faut appliquer les medicamens suiuan.

Prenez deux onces de therebentine, Cataplasme
me.

quatre glaires d'œuf, deux dragmes, farine volatile, poudre de roses, & de nerthe, de chacun dix dragmes, caprifolium ou cheuurefeuille matrisilua ou mille feuille, de chacun vne poignée, lesquelles pillerez, ou pulueriserez tres-bien, farine de febve, dix dragmes, bol armene, vne once, safran vne dragme, munié & gomme adragant, de chacuns deux dragmes.

Meslez le tout par ensemble, & pilez ce qui est à piller en reduisant le tout en forme de cataplasme, que vous appliquerez sur ladite partie.

Mais auparauant il faut auoir fomenté le membre avec clauemens, auxquels celuy-cy seruira de forme.

Prenez feuilles de roses, mirrhe, graine & feuille de matrisilua, & mille feuille, de chacun vne poignée, six noix de cyprez concassées, racines de mauues blanches, pilées, trois onces, camomille, melilot, & absynthe,
de

de chacun demy manipules, miel quatre onces, lesciue, deux onces, sarcocolle, mirrhe, encens, de chacun demie once.

Faut le tout faire boüillir en vin rouge, du plus couuert, avec moitié d'eau, iusques à la consommation du tiers, & chaudement faut fomentier la partie suiuant la curation d'icelle, avec les susdits medicaments par l'espace de dix iours, en fomentant de quatre en quatre iours, puis faut mettre l'emplastre suiuant.

Prenez huile de nerthe, huile rosat omfacin, de chacun vne demie liure, fueille & racine de frefne, racine & fueille de consolida maior, fueille de nerthe & de sauge, de chacune vne poignée.

Emplastre
de Jean de
Vigò pour
les fractu-
res.

Faut le tout piler grossièrement, & faire boüillir avec eau & vin rouge, autant de l'un que de l'autre, iusqu'à la consommation de la moitié, y ad-

ioustant vne once de nerte & demie once d'encens, puis coulez le tout, faites expression forte, & y adioustant suif de boucliquefié demie liure, terebentine de Venise deux onces, mastice vne dragme.

Et puis faut remettre à bouïllir toutes les choses susdites ensemble, iusqu'à la consommation du vin, puis coulez & mettez y litarge d'or & d'argent, trois onces de chacun, bol armenne & terre sigillee, de chacun deux onces, minio deux dragmes.

Le tout bien puluerisé & passé subtilement, faut retourner à faire bouïllir à feu lent, en remuant tousiours avec espatule de bois, & avec suffisante quantité de cire iauue, faites vostre emplastre en forme de sparadrap, lequel appliquerez sur ladite fracture.

Amy Lecteur, si tu considere bien la maniere de cet emplastre, & des choses avec quoy il est composé, tu

trouueras qu'il est d'une admirable vertu, ainsi l'est le Iean de Vigo, auteur dudit emplastre, les preceptes duquel ie suis d'ordinaire¹, admirant ses escrits, & sur tout sa pratique.

I'aurois peu adiouter icy beaucoup d'autres remedes que i'ay moy-mesme inuentez, pratiquez & experimentez fort souuent, avec une infinité d'autres que i'ay leuz dans des graues & doctes auteurs: mais parce que parmi les bons celuy-cy est autant excellent, que ce grand homme excelle par dessus tous les autres bons praticiens: Voilà pourquoy ie me suis voulu seruir de son remede, & me fers souuent de son autorité, l'ayant tousiours trouué en mes cures d'un heureux succez, & qui bien l'entend & observe de poinct en poinct, rarement fera erreur, & par ceste voye, & avec ce médicament l'on pourra suivre la cure iusqu'à la fin.

Quand il y a
fracture.

Mais si avec ladite fracture il y auoit playe, il faut prendre garde de laisser le lieu de la playe libre du bandage de ladite fracture, afin qu'elle puisse estre pensee deux ou trois fois le iour, selon que la playe le requerrera, obseruant la maniere que nous auons prescrit des playes.

Des esquilles
des os.

Que si avec ladite playe il y auoit quelques esquilles d'os, qu'ils soient separez & desnuez de leur perioste, il les faut avec dextérité oster, s'ils sont adherants, & qu'on ne les puisse oster sans douleur ou effusion de sang, il faut tascher avec dextérité les ajancer dans ladite playe en leur place avec les doigts, ou avec instruments, afin que venant à piquer quelque nerf, veine, artere ou muscle n'apporte douleur, & quelques accidens facheux.

Il y a quelques auteurs lesquels aux fractures avec playes, n'appliquent si tost les hatelles qu'aux fractures sim-

ples, pour ne surcharger par trop la partie, ny la tenir trop subiecte, ordonnent aussi de ne ferrer pas tant les bandes, à fin d'obuier inflammation à la playe, & commandent aussi prendre bien garde que la sanie ou pus ne seiourne dans ladite playe.

Que s'il y a aposteme ou tumeur, faut de mesme laisser ladite partie de la tumeur libre pour la pouuoir penser de la façon qu'auons prescrit les tumeurs; mais i'entens que ny pour la playe, ny pour la tumeur, ny autres accidens, il ne faut negliger d'attendre à la cure de la fraicture autant que faire se pourra, car autrement ferions erreur.

Faut aussi subtilement appliquer sur l'os fracturé quelques poudres desseichantes & incarnatiues, telles qu'auons cy-dessus descrit, mais auparavant faut faire couler sur l'os vn peu de miel rosat pour deterger la playe,

& aussi pour empêcher que lesdites poudres ne desseichent par trop l'os, ce qui empêcheroit la reünion & formation du calus.

Signes
quand le
Calus cõ-
mence.

Vous cognoistrez aux fractures simples que le calus se commencera à former alors que les douleurs & inflammations cõmenceront à cesser, & s'il y a playe, lors que la sanie commencera à diminuer, & ne fluera pas tant qu'elle auoit de coustume, & quand vous verrez sortir par les pores vne certaine ferosité en forme de rosée, laquelle mouïllera les emplâstres ou cuifinets, pour lors nature commence d'agir à la partie, en chassant le plus qu'elle peut les excremens qui se trouuent en icelle, il ne faudra pas aussi tant serrer les bandes ny atelles, afin que la chaleur naturelle puisse mieux agir, ny mesme ne faut pas que les medicamens soient si desseichants, pour ne desseicher par trop

les quatre humeurs secódes qui sont en la partie, lesquelles sont comme de baume pour la reünion de la partie, faisant l'vnion des parties desunies, & remplissant & conglutinant le vuide, ne faut semblablement paner si souvent alors la playe, afin de donner davantage de repos à la fracture, car le mouuement est tout à fait contraire à la formation dudit calus. Sur ce ie concluz ce present discours pour proceder à la cure des dislocations.

Aduertissement sur la formation du Calus.



DE LA CURATION
des Dislocations.

CINQUIESME PARTIE.

Viuant donc nostre premier train, nous pourfuiurons nostre cinquiesme & derniere partie, en laquelle avec la grace du Ciel nous traicterons de la cure vniuerselle des Dislocations, la curation desquelles se faict en remettant les os en leurs joinctures naturelles desquels elles s'estoient desunies, & ainsi les conseruer, prohibant la douleur, aposteme, & tous autres accidens qui peuuent suruenir.

La premiere interieure aux dislocations, est de remettre l'os en sa place.

Comme il faut ruer aux accidens.

Pour preuoir aux accidens qui suruiennent à la Dislocation, faut appaiser l'inflammation & douleur, &

empescher la fluxion de l'humeur en la partie.

L'inflammation s'appaisera par Anodins, tels que nous auons ja descrit au chapitre des fractures, & l'on diuertira la fluxion de concourir à la partie avec remedes astringents & corroboratifs, & sur tout avec le bon regime & sobriété de viure, laquelle faut continuer iusqu'à ce que les accidens sont tous passez.

Comme il faut appaiser l'inflammation.

Si le corps est sanguin & robuste, ne faut oublier la seignee, & s'il est cachochyme, faudra vser de purgation, afin de se precautionner contre les accidens, & sur tout si la dislocation est compliquée avec fracture, playe, ou aposteme, à tous lesquels accidents faut remedier separément, car s'il y a playe, fracture, & dislocation tout ensemble, faut premierement remettre la dislocation, puis la fracture, & par apres faut continuer la cure des trois

Remedes vniuersels.

Comme il faut proceder quand il y a playe, fracture, & dislocation.

ensemble, chacun avec les remedes propres pour cet effet.

Quand la
luxation est
vieille.

Si la luxation est vieille, faut premierement ramolir le calus qui se pourroit estre engendré à la partie, & par apres remettre la partie, car de la vouloir remettre autrement, outre la grande & excessiue douleur qu'on feroit au patient, l'on se mettroit au hazard d'apporter quelques graues accidens, & en peril de ne la pouuoir bien remettre, ce qui tourneroit au grand deshonneur du Chirurgien.

Remedes
Mollifica-
tifs.

Les mollificatifs se pourront faire avec boüillons de tripes, lesquelles tailles en pieces mettez à boüillir avec tous les excremens qui se retrouuent dans lesdits boyaux, & sur tout au Printemps où les vaches mangent toutes sortes d'herbes, les renouvelant souuent, à cause que facilement se peut corrompre & donner mauuaise odeur & degoust au patient, ou

bien prendre les seules tripes bien nettes , les faisant bien bouïllir , & adiousterez dans lesdits bouïllons racine de guimauue, semence de lin, fœnu grec, fleur de melilot, & de camomille, & du tout ensemble en ferez vne fomentation chaudemét sur la partie, deux ou trois fois le iour, & pendant ce temps là, faut faire mouuoir la partie le plus que faire se pourra, afin que la chaleur qui sera en la partie par le moyen dudit mouuement, puisse ramolir & rarefier lesdites duretez.

Si la dislocation procede de l'entrouverture de l'os , le faut joindre par le moyen des ligatures, cuifinets, compressees ou atelles , ferrant les membres , mais avec iugement & à propos, esuitant tousiours les accidens qui peuuent suruenir.

Nous reduirons en trois manieres les membres luxés, ou disloqués. La

La réduction
de l'os se
fait en trois
sortes.
Première.

premiere laquelle se nomme *Palestrique*, se fait avec la main, & c'est lors que la luxation est fresche, le corps ieune, tendre & delicat.

Seconde.

La seconde se nomme *Methodique*, laquelle se pratique par le moyen de quelques instrumens qui se trouuent sur le champ, comme cordes, bâdes, eschelles, pieces de bois, bancs, escabelles, portes, & autres semblables occasions qu'on trouue, desquelles avec dextérité l'on remet le membre luxé, & telle façon se peut pratiquer aux hommes & femmes, & sur tout quand la luxation a commencé de s'enuieillir, ou que la luxation est en vn corps fort musculeux.

Troisième.

La troisieme façon de réduction, est celle qui se fait par la force & violence de quelques engins organiques, comme par l'ambly ou moufle, ou par instrumens appelez tractoires, on les appelle organiques, à cause

qu'ils se font par l'industrie d'un seul, lequel par compas & proportions geometriques conduit cet instrument en touchant certains, cercles, poulies, ou ressorts, ou par la force de plusieurs, comme nous observons à certaines choses, ou par artifice & ressorts on tient le malade ferme qu'il ne se peut bouger, & par d'autres engins dans ladite chaise qui hausse & baisse la partie par la force des hommes de la façon qu'on veut.

Or quand on veut faire les opérations cy-dessus dites, & remettre l'os en son lieu & place, il est tout premierement necessaire d'avoir deux ou trois, ou plusieurs hommes pour prendre & tenir vne partie du membre, & les autres l'autre partie, tirant en mesme façon que nous avons dit de la fracture, avec iugement toutesfois & discretion, & sur la dislocation faite que le Chirurgien pousse tant avec la

Reduction
de la luxa-
tion.

main, & sur tout avec le pouce, au dessus & dessous, ou aux costez, selon le besoin, iusqu'à ce que ledit os sera en son propre lieu & place naturelle, n'oubliant de faire faire les mouuements à ladite partie, tous lesquels seront signes assurez de la reduction du membre en son propre lieu.

Applicatiō
du premier
appareil.

Ce qu'ayant fait, faut mettre vn linge sur la partie, mouillé dans l'huile de nerthe, & huile rosat omfacin, & là dessus appliquer vostre estopade trempée dans l'eau & vin de grenade; moitié d'un, moitié d'autre, glaire d'œuf, farine volatile, le tout fort battu, & meslé avec l'espatule, puis l'appliquer, & bander vostre partie offencée avec ligature conuenable à la dislocation, selon qu'auons dit à la cure des fractures, posant le patient en façon qu'il ne puisse mouuoir la partie offencée, & avec ce médicament continuer iusqu'au septiesme iour, le

quel attendant faut faire la cure vni-
uerfelle par purgations & phleboto-
mie, & si l'on doute d'aposteme faut
appliquer les deffensifs, & oster la ^{Remedes}
douleur avec anodins, & passé le se- ^{generaux.}
ptiesme iour, faut panser avec le sui-
uant médicament, en l'appliquant de
quatre en quatre iour sur la joinctu-
re démise.

Prenez huile de nerthe & huile
rosat complet, de chacun quatre on- ^{Emplastre}
ces, quatre glaires d'œuf, suc de quin-
queneruia ou petit plantin, & conso-
lida maior, de chacun vne once, farine
volatile & farine d'orge, de chacun
vne once, de gros bol deux dragmes,
bol armenne, & terre sigillée, de chacun
vne once & demie, poudre de rose &
de nerthe, de chacun demy once, the-
rebentine de Venise & miel rosat es-
cumé, de chacun cinq dragmes.

Faut messer le tout ensemble, & en
faire vn emplastre, lequel changerez

tous les quatre iours, comme nous auons ja dit.

L'on se pourra encores seruir de l'emplastre escrit cy-dessus, pour la fracture des os, & parce que nous auons enseigné d'appaiser la douleur avec les anodins, l'on pourra vser par mesme moyé le mitigatif, en cas qu'il en fut besoin tel que s'ensuit.

Cataplas-
me auodin.

Prenez de la mie de pain blanc infusé dans du laiët de cheure ou de vache, huile rosat & de camomille, à discretion, vn peu de safran, avec iau-ne d'œuf, en faites vn cataplasme que vous appliquerez sur la partie.

Mais s'il suruient que la dislocation soit accompagnée d'vne playe, faut premierelement remettre la dislocation, puis panser la playe, & si la dislocation paroist avec tumeur, ou chose semblable, faut tousiours recourir à ladite dislocation, que si avec elle il y a fracture, les conuiendra au plustost accommoder

accommoder l'une & l'autre, mais
premierement la dislocation, ainsi
que nous auons ja dit, & par apres
ne negliger pas la fracture, & attendre
comme il faut à la playe ou tumeur,
ou aux autres accidents qu'il y aura,
suiuant tousiours par ce mesme che-
min la cure de l'un & de l'autre acci-
dent.

Il nous ayde encores de beaucoup O. Aion;
d'oindre la partie malade, avec huile
de lumbrics, huile rosat, & de camo-
mille.

Il ne me reste meshuy rien plus à
dire, sinon qu'il doit tousiours auoir
l'œil & attendre à la cure vniuerselle,
ainsi qu'auons dit cy-dessus, sçauoir
est, à la preparation & euacuation des
humeurs par la voye de la phleboto-
mie, avec l'application des ventouses,
ou des sangsues iniections de laue-
mens, ou bien faisant les frictions, ou
mettant les ligatures à propos, & au-

tres remedes semblables , selon que demande le temps , & que l'art lerequiert.

VOILA, amy Lecteur, en quoy consiste la fleur & quintessence de la Chirurgie , que tu peux voir reduite en cinq parties; Voila, dis-je la quintessence de mes estudes, & la fleur de mes trauaux que i'ay pratiquez l'espace de trente cinq années , durant lesquelles le desir & la curiosité d'apprendre quelque chose en ceste profession, m'a fait courir les principales villes, tant de la France, Italie, Allemagne, Flandres, Angleterre , qu'autres pais estrangers , pour conferer avec diuerfes personnes, & communiquer mes experiences avec les leurs, ce que i'ay depuis tousiours pratiqué, & pratique iournellement avec heureux succez : Mais parce que ie vois maintenant qu'il est temps de prédre vne autre route, puis que les iours de la

perégrination de ma vie commence d'aller vers son declin; i'ay voulu donner au public les traux de mes veilles, n'ayant voulu faire comme font iournellement plusieurs, lesquels par crainte des langues satyriques & gens qui ne font profession que de censurer les labeurs d'autrui, meurent avec de grands secrets, lesquels sont iournellement regrettez des plus beaux esprits, & blasmez d'auoir sevré la posterité d'un si grand fruit.





CHAPITRE.

OV IL SE TRAITTE
DES MEDICAMENS, TANT
simples, que composez, pour pre-
parer & purger les quatre hu-
meurs, chacune separément.

*Lesquels le Chirurgien est obligé de sça-
voir, en cas de neceſſité, ſe trouuant
ſans Medecin.*



Le trouue bien ſouuent
que le Chirurgien de-
meure dans quelque vi-
lage où il n'y a point de
Medecin, ou bien qu'il
eſt appellé aux champs pour viſiter
vn malade, ou penſer vn bleſſé, & ce

pendant il voit qu'il est necessaire de traicter son malade des remedes vniuersels, en tel cas il est tres-expedient, voire tres-necessaire que le Chirurgien sçache ordonner les sirops, iulleps, apozemes, & medecines solutiues, ie dis en pareil cas: Car où il y a des Medecins, il y doit deferer ce que de droict & de science leur appartient.

Et parce que des signes qu'auons cy-dessus descrits, l'on pourra facilement cognoistre quelle humeur est peccante au corps: nous mettrons separément les sirops qui doiuent preparer l'humeur, laquelle se trouue causer la maladie, avec la medecine & pillules, correspondantes aux iulleps ou apozemes.

Il faut donc sçauoir, que bien que le sang semble estre homogene & simple, neantmoins est composé de quatre humeurs differents en nature, couleur, saueur, & effets, qui sont le

Comme le
sang est
composé
de 4. hu-
meurs.

sang particulièrement dit, le flegme, la cholere & le suc melancolique.

Le sang, selon Galien, au Commentaire du liure de la nature humaine, est temperé en ses qualitez, le plus chery & fauory de la Nature, pour estre seul destiné à la nourriture de toutes les parties du corps, quand il est pur & net, & pource il n'a besoin d'aucun medicament ainagogne, c'est à dire, qui aye la vertu de purger le sang, mais quand il est corrompu, la seigneurie en oste la pourriture, c'est pourquoy nous parlerons des autres trois humeurs, & commencerons par la bile.

Pourquoy
on ne pur-
ge le sang.



P O V R P V R G E R
l'humour bilieuse.



A colere ou bile, laquelle décrit Galien en diuers endroits, comme au Commentaire, de la façon de viure aux maladies aiguës, & en la sentence 1. sect. troisieme, & ailleurs, est d'une constitution chaude & seiche, tenuë, subtile, iaunastre & amere, recognoissant pour sa cause toute sorte d'aliment, qui est doux & gras, facile à s'enflammer: C'est pourquoy les sirops qui la preparent, sont le sirop de limon, sirop de grenade, sirop d'oseille, sirop de verius, de ribes & d'oxisaccharum, & tous lesdits sirops sont puissant; les minoratifs sont le sirop vio-

Les sirops
qui prepa-
rēt la bile.

lat, le iulep rosat, le cirop d'endiue, de chicoree & nimphea.

Auec ces sirops l'on vse les eaux de chicoree, d'oseille, de violette, de laitue, de plantin, de solanum, de nimphea, & de pourpier, & faut faire en ceste maniere.

Les eaux qui preparent la bilie.

L'on prend d'une desdites eaux, ou de diuerses ensemble, selon qu'en iugela prudence du Chirurgien pour la necessite du malade, le tout au poids de quatre onces, & de mesme sirops susdits au poids de deux onces, & meslez ensemble, les donnerez à boire au patient le matin quatre heures auant le repas.

Come l'on peut composer le sirop.

Que si le Chirurgien veut enuoyer vne recepte chez l'Apotiquaire d'un iulep raffraichissant preparatif, de l'humeur bilieuse, en voicy la forme.

Dans l'eau distillee d'oseille, d'endiue, de chicoree, de chacun trois onces, mes-

Ordonnance de l'ulep.

les trois onces de sirop de chicoree simple pour faire trois prises.

Pour les medicaments qui purgent la colere, sont l'electuaire de suc de rose, le diaprune solutif, l'electuaire de psyllio, le diaphœnicon, le diaturbith, avec la rheubarbe, l'electuaire rosat, le diacartamy, l'electuaire de Episcopo, la confection hamec, & tous ceux-cy sont puissants, les minoratifs sont la casse, le sirop rosat solutif, le sirop violat, la manne avec la rheubarbe, le diaprune simple, le diacatholicon, & l'electuaire lenitif.

Si vous voulez composer vne medecine pour ladite bile, en voicy la forme.

Ordonnan-
ce d'une
medecine
pour la bil-
le.

Dans l'eau de chicoree faites tremper trois dragmes de senné, autant de tamarins, & dans la colature destayez casse demy once, et vne once de sirop de chicoree composé avec la rhubarbe.

Si vous voulez purger ladite hu-

meur bilieuse par pilules, quoy que rarement on la purge ainsi, si ce n'est en Hyuer. Vous trouuerez que les pilules agregatiues, les pilules d'aloës, & les pillules aurees sont tres-propres, & sont les plus puissantes; mais les moins puissantes sont les pillules de rheubarbe, les pillules pestilentiellles, les pillules d'Eupatoire maior, & les pillules de sine quibus.

Et quand vous voudrez ordonner vos pillules, en voicy vne forme ou maniere de recepte.

Prenez masse de pillules sine quibus, une dragme, meslez avec vn peu d'eau de chicoree, faites pillules dorees.

Pillules qui purgent l'humeur bilieuse.

Voila succinctement ce que le Chirurgien peut ordonner, en cas de necessité, ainsi qu'auons dit touchant l'humeur bilieuse; Nous pourfuiurôs les autres humeurs avec la mesme briueté.



POUR PURGER
l'humeur pituiteuse.

Definition
de l'hu-
meur pitui-
teuse.



La pituite est de la nature de l'eau froide & humide, fluxile, blanche, douce, ou plustost fade & insipide, ainsi

qu'ont remarqué Galien, & Auicenne Fen. premier liure premier, doctrine quatriesme, chap. premier; laquelle si vous voulez purger, vous devez sçauoir que les sirops des deux racines, de stecados acetueux composé, sirop de marrube, le sirop bisantin & loximel simple & composé, l'acetueux simple, & le sirop de betoine y sont tous appropriez.

Sirops qui
preparent
l'humeur
pituiteuse.

Les eaux
pour pre-
parer la
pituite.

Avec ces sirops l'on donne l'eau de fenouil, d'ache, d'absinthe, de melisse,

de menthe, de sauge, de persil, de be-
thoine, de capilaire, de bourache, &
de buglose, le tout à la façon cy-des-
sus écrite.

Et pour la facilité & commodité
du Lecteur, voicy la forme telle qu'on
doit ordonner vn iulep.

*Dans l'eau de fenouil, de scabieuse, et de chardon benist, de chacun trois onces, des-
layez, trois onces de sirop de menthe, ou
autant d'oximel pour faire trois prises.*

Iulep pour
la pituite.

Pour les medicaments qui purgent
la pituite sont le catarticum imperial,
l'electuaire d'episcopo, la benedicta
laxatiue, le diacartamy, l'electuaire in-
demaïor, le diaturbith avec la rubar-
be, la hiera pigra, avec lagaric, la colo-
quinthe, & le diaturbith mineur; ceux
cy sont les puissants, les moins puis-
sants sont la poudre du medicament
du diaturbith, le sirop de rose com-
posé avec lagaric, & semblables que
vous iugerez à propos.

Les medi-
camens qui
purgent la
pituite.

Et pour la forme de la medecine en voicy la methode.

Ordonnan-
ce de la
medecine
pour l'hu-
meur pi-
tuiteuse.

Dans l'eau de chardon benist infusez le poids de trois e'cus de senné, quatre scrupules de trochisque d'agarc, & un de turbith gommeux, avec un peu d'anis, dans la collature dissoluez draphænic trois dragmes et une once de sirop de rose composé avec agarc.

Les pillu-
les qui pur-
gent la pi-
tuite.

Que si pour ladite humeur pituiteuse vous voulez vser des pillules, celles qui purgent par violence sont les pillules de hiera composees, ou avec les pillules de hiera, celles de lagarc, les pillules cochees, les pillules indes, avec les foetides, avec les pillules de lucismaior, ou avec les pillules d'hermodattes, ou avec les pillules deuforbe, ou avec les arabiques, avec les pillules de ferapin, de mezereon, de coloquinthe, de sarcocole, & avec les pillules de benedicte; avec moins de force l'on purge la pituite avec les

pillules d'assaieret, les elephantines, les agregatiues, avec les pillules d'aloës lauë avec le suc d'orge, ou d'infusion de rose, &c.

Voicy vne forme comme il les faut ordonner pour vostre malade.

Ordonnā-
ce des pil-
lules.

Apportez vne dragme de pillules d'agarc, ou de coccees malayees avec vn peu d'eau d'absynthe pour en faire des pillules au nombre de cinq, ou sept.

Cela te peut suffire, touchant l'humeur pituiteuse, nous pouruiurons nostre pointe, & concludrons par l'humeur melancholique.



P O V R P V R G E R
l'humeur melancholique.

Definition
 de l'humeur
 melancholique.



N dernier lieu est l'humeur melancholique, laquelle est comparee par Galien, aux lieux sur-alleguez à la lie de vin, estant en la masse sanguinaire, la partie la plus grossiere & terrestre, & pour ce est definie par le mesme d'une substance crasse naturellement froide & seiche, noire, acide, & poignante.

Or les sirops qui purgent ceste humeur, laquelle pour estre la plus mauuaise de toutes, nous la pouuons à bon droict appeller marastre de la nature, puis que d'elle procedent toutes les principales maladies incurables, les plus rebelles aux Medecins, & les plus ennuyeuses aux malades; on

Sirops que
 preparent
 l'humeur
 melancholique.

on la purge, ou prepare avec le sirop d'epitime, de pommes, de calamanthe, de scolopendre, & le bisantin, & ceux-cy sont les plus puissans: les minoratifs sont le miel rosat, le sirop d'houblon, fumeterre, & de buglose.

Avec les sirops l'on vse les eaux d'houblon, de basilic, d'absynthe, de fumeterre, de melisse, de bourache, de buglose, de marjolaine, de fleurs de genets.

D^{rs} canz
qu'on vse.

Que si on ne peut auoir desdites eaux, l'on prendra les herbes & on les fera boüillir dans vn vase de terre plombé ou vernissé, & au defaut de terre au bain marie, taschant de conseruer les esprits tant qu'on pourra, ce qui suffira pour composer les sirops que vous voudrez, & pour faire vostre ordonnance pour l'aposeme, elle se fera en ceste lorte:

Dans l'eau, ou decoction de racines de capriere & tamarins, chicoree, buglose,

Ordonna-
ce de l'apo-
seme pour

l'humeur
melancho-
lique.

*bourache, scolopendre, fleurs de genest, sur
une liure deslayez sirops de pommes sim-
ples, & de fumeterre, de chacun demy on-
ce, pour trois prises.*

Medicamēts
qui purgēt
l'melan-
cholie.

Pour les medicamēts qui purgent
la melancholie, sont le diasenné, la
cōfection hamec mineure, l'electuai-
re d'epitime, le catartic imperial, le
diaturbith, avec la reubarbe, la pou-
dre de senné preparee, & ceux-cy
sont les puissants : l'electuaire lenitif
de manne, sont les moins puissans.

Quand vous voudrez faire vostre
ordonnance voicy la forme de la me-
decine.

Ordonnāce
pour la me-
decine.

*Dans l'eau, ou decoction susdite, infusez
le poids de trois dragmes & demy de sen-
né epitin, le poids d'une demy drag-
me, dans la collature deslayez le poids d'u-
ne demy dragme de confection hamech,
& une once de sirop du Roy de Sabor.*

Parlons maintenant de purger ceste
fascheuse humeur avec des pilulles, &

nous trouuerons qu'elle se purge par-
faitement bien avec les pilulles de hie-
ra, lazuli, avec les pilulles de pierre ar-
mene, avec les pilulles Indes, ou avec
les pilulles de lucis, mais avec moins
de force l'on purge ladite humeur
melancholique avec les pilulles de
fumeterre, avec les pilulles de cinq
sortes de mirabolans, &c.

Pilulles qui
purgent, di-
te humeur.

Et pour la forme de l'ordonnance
en voicy la description.

*Prenez le poids d'une dragme de pi-
lulles lasuli, ou des pillules agregatiues,
malayees dans un peu d'eau de fenouil,
formez en cinq pilulles.*

Ordonnan-
ce des pil-
lules.

De sçauoir maintenant quels me-
dicamens sont appropriiez pour pre-
parer & euacuer toutes sortes d'hu-
meurs, c'est vne chose qui pourra estre
grandement necessaire & profitable
au malade, & de grand honneur au
Chirurgien, en cas de necessité; mais
parce qu'en toutes occurrences on ne

peut auoir les medicamens compo-
sez, nous descrirons icy quelques me-
dicamens simples, tant pour prepa-
rer les humeurs, que pour les esua-
cuer, & mesme pourront seruir pour
medicamens locaux, lesquels seront,
selon l'intention d'Hipocrates, Ga-
lien, Paul Æginete, & autres excellens
Docteurs, qui ont enrichy le monde
de leurs salutaires pratiques.



DES SIMPLES MEDICAMENS pour preparer , & purger les humeurs , desquels le Chirurgien se pourra servir , en cas de nécessité , ne trouuant les susdits composez.

Et premierement de l'humeur bilieuse.

POur donner doncques commencement aux medicaments simples, nous dirons que toutes les especes de chicorees, la laictuë, le chardon, le plantin, le pourpier, l'oseille, la violette, la nimphœa, les quatre semences communes, & la cuscuta, peuuent preparer l'humeur colerique, en donnant au malade de leurs eaux distillees de la façon que j'ay dit cy-dessus au bain marie, au

Simples qui se parent la bile.

poids de six onces , & au defaut de ladite eau, le suc d'icelle purifié, ou bien la decoction faite avec diligence.

Pour pur-
ger la bile

Après que vous aurez ainsi préparé l'humeur bilieuse, vous la resoudrez, & purgerez avec les simples donnez en decoction , ou en pilules , ou en poudre, selon qu'on aura la commodité, & par ainsi nous dirós que pour la colere est tres à propos prendre la gratiola, le latirium, la catapusse, la coloquinthe , le turbith, la reubarbe, la casse, l'aloés & le tithimale.



POUR LA PITVITE.



Es simples qui preparét l'humeur pituiteuse, sont le fenouil, l'ache, le persil, la sauge, la manthe, la bourache, la buglose,

Pour pre-
parer la pi-
uite.

la bethoine, & le capilaire, donnez de la maniere fufdite.

Les refolutifs, ou purgatifs de la Pi-
tuite font tels, l'hieble le latirium, la-
garic, laloës, le ricinus, le gratia Dei,
la coloquinthe, le tithimale, le tur-
bith, le ciclamen, la racine de cannes,
lafmilas, la racine de jalap, & fem-
blables.

Pour pur-
ger la pi-
tuite.



POUR LA MELANCOLIE.

PA Melancolie se prepare
avec la melisse, le basilic,
l'houblon, la fumeterre, l'ab-
synthe, les fleurs de genets,
les fleurs de sureau, la marjolaine, la
scolopendre, & autres semblables, le
tout preparé, distillé, & pris, comme
nous auons dit cy-dessus.

Pour pre-
parer la
Melanco-
lie.

Et pour purger & euacuer ladite

Pour la
purger.

humeur, faut auoir recours à la decoction de fenné, d'epitime, de sagapenum, l'anthimoine préparé, & à semblables.

Prenez garde icy que s'il suruient quelque humeur peccante qui se trouue sanguine, commẽ ordinairement arriue au flegmon, en tel cas l'on pourra vser de chicoree, de laitue, & autres semblables que ie vous ay prescript pour l'humeur bilieuse: Ainsi l'ordonne & commande Denis Fontanus, & autres celebres auteurs.

Entretous les medimamens, pour purger l'humeur peccante, quelle qu'elle soit, il n'y en a point de si excellent que l'anthimoine; & comme apporte Matheole sur le cinquiesme liure de Dioscoride, au cinquante huitiesme chapitre, l'on donne l'anthimoine avec grand soulagement aux fieures longues, aux difficultez de la poictrine & aux asmaticques, il est en-

cor vn excellent remede au mal caduc, aux letargiques, ayde fort aux paralitiques, & aux douleurs de colique, le meſme auteur raconte deux ou trois hiftoires admirables de la vertu de l'anthimoine, diſant qu'aux maladies vieilles & enracinees, aux froides, & à celles qui ſont de difficile curation, l'anthimoine eſt comme la main de Dieu; la meſme opinion eſt ſuiuie de pluſieurs graues auteurs, & particulieremēt de Teophraste & Paracelſe; & comme il ſ'allie avec trois metaux & les fait fondre, ainſi purge le corps de toutes les humeurs, quelles qu'elles ſoient.

Mais puis que ie vous ay parlé de l'anthimoine prepare, ie vous veux dire que c'eſt, & comme ſ'en fait la preparation pour contenter ceux qui prendront la peine de lire ce diſcours.

L'on nomme quelquefois l'anthimoine *ſtimmi*, ou *ſtibilium*, qui eſt

Que c'eſt
Anthimoi-
ne.

vn demy mineral, lequel vient d'Allemagne, on le nous apporte fondu & entouré de linge, le plus parfait est celuy qui est de couleur plombrine, parsemé d'une grande quantité de rayes fort longues, luisantes, argentes, & sur tout en les rompant, lesdites rayes jettent grande lueur, faut qu'il soit plain de croutes ou escorces, & qu'il ne soit meslé avec terre ou autres immondices.

Pour la preparation il n'y a autheur Chimiste qui n'en traicte à cause de son excellence & effets admirables: mais ie ne lairay pour cela d'en mettre deux ou trois preparations que l'experience m'a fait iuger des meilleures. L'antimoine diaphoretic sera le premier, lequel se fait en cette maniere.

Antimoine
diaphoretic.

Prenez deux onces d'antimoine, sel nitre vne once, vitriol, deux dragmes.

Faut reduire le tout en poudre, que metrez dans vn pot de terre vernissé y adjoustant eau de vie quatre onces, metez y le feu, & le laissez consumer en le remuant par fois avec vne broche de fer, iusques à ce qu'il ne reste qu'une masse au fonds du pot, vous gardant tousiours de la fumee. Apres prendrez ladite masse & la pulueriserez subtilement la coagulant par plusieurs fois avec eau de pluye distillée, apres lesquelles coagulations, ou lotions que nous appellons, metez vostre matiere à desecher sur le feu de sable, & vostre matiere vous reste comme vn sel, la dose est de cinq grains pour toutes maladies inueterées.

Pour la sublimation ie me fers pour l'ordinaire de celle-cy, faut prendre antimoine puluerisé, lequel mettez dans vn pot de terre vernissé, le remplissant au quart, prendrez vn au-

Sublimati⁶
d'Anthi-
moine.

tre pot & le ioindrez bouche contre bouche, avec bon lut de sapience, faisant vn petit trou au fonds dudit pot, apres adiousterez par dessus ledit pot cinq ou six ventouses, longues comme vn demy vrinal, l'vne queluterez parfaictement contre l'autre, estant toutes percees au fonds, afin que les esprits humides se puissent esuaporer, & le trou du dernier, le boucherez avec vne platine de cuiure, de la largeur d'vn sol, laquelle quelquefois osterez, & quelquefois le metrez, selon que verrez que les esptits aurót de besoin d'estre euaporez, & luy faut donner vn feu de grade enuiron quatre heures apres augméterez le feu, & par l'espace de sept heures donnerez feu de fusion; Ainsi vous aurez vostre sublimation blanche à la derniere ventouse; apres prendrez à part, sel de tartre espuré, par reiterees solutions & filtrations, apres verserez autant

d'eau de vie qu'il en faut, pour dissoudre vostre sel, faites esuaporer vostre eau de vie, & retournez en remettre d'autre, la faisant derechef esuaporer, & ferez le mesme sept ou huiët fois, iusqu'à ce que l'eau de vie reste avec le mesme goust, comme elle estoit quand on l'a mise, prenez dudit sel ainsi impregné vne once & demie, & vne once des susdites fleurs d'antimoine, meslez les par ensemble, & fondez sur le feu dans vn creuset, & versez la masse fonduë qui reste au fonds dudit creuset, sur vn marbre, laquelle est rouge comme sang, & quád elle sera froide sera de couleur cédree, laquelle pulueriserez & ietterez dans vn verre d'eau de vie, aromatisée comme s'ensuit.

Prenez galage, noix muscade, cloux de girofle, canelle, & macis, de chacun demy once, safran trois dragmes, broyez le tout grossement, & versez

dessus eau de vie tres-fine, tirez-en la taincture par la chaleur lente des cendres, ostez par apres par inclination la dite eau de vie taincte, & versez-en de nouveau d'autre dessus, & reïterez iusqu'à ce qu'elle n'epregne plus de teinture, finalement versez toutes les eaux de vie dessus vostre anthimoine, & tartre fondus ensemble, côme nous auôs dit, apres metez le tout dans vn alambic à distiller à feu lent, faisant passer vostre eau de vie laquelle sortira facilement, & vostre teincture restera au fôds avec la poudre de couleur de girofles, ainsi aurez vn antimoine tres-biẽ preparé, & l'on le peut prendre sans danger: Le faut garder dans vn vase de verre clos, à cause que l'air le dissould, la dose est de sept, huiët à neuf grains, selon la complexion ou force du patient telle que iugerez, lequel fait des miracles pour la peste, fievres aigues pour la manie,

aux fievres quartes, aux epilepsies, & à toutes les maladies qui procedent de bile noire.

Mais pour tirer la teincture de l'antimoine faut prendre antimoine calsiné, lequel metrez en poudre subtile dans vn mortier de marbre, avec poids esgal de sel de tartre, puis versez dessus eau de vie, faictes digerer au bain marie iusques à ce que l'eau de vie ait pris la teincture dudit antimoine, laquelle faut verser par inclination, & en remettre tousiours d'autre iusques à ce qu'elle ne se colore plus. Pour tirer teincture d l'Antimoine. Apres faut distiler ladite eau par bain marie, & vostre teincture demeurera au fond de l'alambic parfaicte, laquelle est admirable pour les vlcères malignes & inueterées. L'Antimoine propre aux vlcères malignes.

Ce que i'ay auancé icy des vertus de l'antimoine est tiré tant dudit Matheole que de l'experience que i'en ay fait & veu faire, tant en France,

Flandre, Angleterre, que dans les Italies, dans lesquelles pendant le sejour que i'y ay fait de quatorze annees, i'en ay fait, & veu faire de tres-admirables effectz, avec vn fort heureux succez, & particulièrement aux maladies presque cõdamnees par les Medecins, & par les Chirurgiens : en mes voyages aussi i'ay eu en rencontre plusieurs gens doctes & forts experts en Medecine, qui pour auoir pratiqué l'antimoine en diuerfes maladies, m'ont tous raconté les effectz de ses merueilles, mais si tous les rapports que i'en ay fait n'ont dequoy satisfaire les curieux, ils s'en pourront informer de Zeferielle, Thomas Bouio, Patritio de Veronne, & autres graues & celebres auteurs, qui vous diront tous des miracles dudit antimoine, & mesme Patritio conseille & exhorte tous les Medecins d'en vser, & des'en seruir comme de chose

se

Auteurs
qui preuēt
l'Antimoi-
ne.

se diuine, voire encores il nous oblige par ces discours, & nous conseille d'vser de son lathiris, ricinus, elebore, gratia-dei, tintimale, & autres lesquels sont tres-nobles pour finir & terminer toutes les maladies inueterees, où les medicamens ordinaires ne peuuent aborder, que si quelqu'un trouue ces medicamens vn peu violents, ie luy responds qu'un bon artiste les sçaura fort bié corriger & proportioner aux forces du malade. Toutes ces exhortations & conseils ont esté suivis de plusieurs, & mesme ceux qui font profession d'estre de la premiere classe, les ont receuz & approuuez, & en effect, ils les font entre les Medecins rationnels. Outre tout cecy, ie m'en suis seruy autre fois en tēps de contagion, où à tous ceux auxquels ie les donoïs, fort peu en mouroiēt aussi tost qu'ils estoient attains dudit mal, ledit secret me fut appris par vn vieux

Chirurgien fort grand praticien, lequel en vne contagion qui arriua en Flandre tres-grande, avec ce seul médicament fit de tres-belles cures, & fut en estime, & admiré de tout le monde; car oultre qu'il ne print iamais le mal, en prenant par fois dudit médicament, il se moquoit avec quelque sujet de tous les autres Chirurgiens qui se mouroient presque tous, tant la violence dudit mal estoit grande & & maligne.

Le sçay bien qu'on me dira tout à l'heure que ce médicament donné à certains corps opere doucement sans aucune emotion, & aux autres cause beaucoup de peine, & travaillé fort le malade: Je confesse qu'il est vray, c'est pourquoy ie ne l'approuue point s'il n'est dispensé & distribué par l'ordonnance exacte d'un expérimenté Medecin, ou rare Chirurgien, car qui ne sçait son mestier, il ne faut pas

qu'il s'en mesle, & sur tout aux despens d'autrui.

Or la raison pourquoy ce médicament opere diuersement en nos corps, est à cause, ou que les humeurs sont plus preparees à vn corps qu'à vn autre, ou bien par fois il se rencontre qu'il se donne souz la domination de certaines constellations celestes; les influences desquelles nous sont fort peu fauorables, ou bien que la complexion du malade se trouue du tout contraire audit médicament, ce qui n'est pas de merueille: car nous voyons par experience qu'aucuns se purgent par la rhuubarbe, avec grande facilité, les autres ne la peuuent presque sentir, ny prendre en façon quelconque, encore est il moins chose extraordinaire qu'un médicament donné souz vne constellation celeste, peu fauorable, donne beaucoup de trauail; puis que nous sçauons

Raison
pourquoy
l'Antimoine
ne fait di-
uers effects,

que par les mouuemens superieurs, les choses basses & inferieures sont regies & gouuernees, comme nous voyons, que si nous venons à cueillir vne plante souz vne fauorable constellation, elle nous rendra vn effet du tout admirable, mais si elle se trouue cuillie en vn autre temps, ne fera aucun profit, ou fort peu, & cecy ne se peut nier sans faire tort, ou blasmer le Prince des Medecins, puis que nous lisons en son *Libellus medicorū astrorū*; Que quād. quelqu'vn tombe malade estant la Lune avec Mars, ou avec le Soleil, la maladie sera au cerueau; &c. Ainsi va fort bien suiuant de tous les autres signes; Ce liure a esté fidellement traduit par Pierre d'Albaine, & approuué pour vray de tous les Auteurs parmy les estudes, outre que Actio parlant des estoilles, dit que quand elles se leuent ou se couchent, c'est à dire, tramontent, ou retour-


Comme les
constella-
tions nous
sont fauo-
rables ou
nuisibles.

neât à nostre horizon, causent quelques infirmitéz, ou alterations en nostre corps. Ces Auteurs que ie viens d'alleguer, ne disent pas cecy comme vn paradoxe, ou chose difficile à croire, ny comme vne inuention forgee au moule de leur imagination, c'est vne verité tres-authentique, & la mesme doctrine que ce grand maistre de la Philosophie Aristote leur a enseigné en son second liure *De generatione*, où il dit en terme expres, que les mouuemens des plantes, par ligne oblique, causent les generations & corruptions sublunaires; quand il dit par ligne oblique, il entend parler du Zodiaque, lequel s'estendant d'un tropique à l'autre, forme vn cercle oblique au firmament, eu esgard au pole du monde; de là vient que les planettes faisans ces mouuemens souz l'estenduë de ce Zodiaque, dardent nécessairement leurs rayons en lignes

obliques sur la terre. Et Aristote voulant dire que s'il y a de l'alteration en nos corps, & de la corruption en nos humeurs: Si les medicamens sont parfois de differents euenemens ou succez, tantost bien faisans, tantost mal-faisans, toutes ces diuersitez suruiennent des astres, qui par leurs mouuements, lumieres, aspects & conionctions, influent sur nos corps, & sur toutes les choses elementaires. Apres Aristote, saint Augustin, saint Thomas, & tous les sacrez Theologiens confessent aussi que toutes les choses basses sont regies & gouuernees & alimentees par les celestes: Et la raison sur laquelle se fondent les Theologiens, semblablement est celle cy, de mesme façon que toutes les choses spirituelles dependent en leur estre, & conseruation d'un supreme agent spirituel qui tient le haut bout, & la premiere place dás le predicament.

des choses spirituelles, qui est Dieu, aussi faut que les choses corporelles & elementaires dependent d'un premier agent corporel, qui est le Ciel, duquel l'operation des choses inferieures releuent avec telle necessité, que saint Thomas a enseigné publiquement que si les mouuemens des Cieux cessoient pour quelque temps, il n'y auroit en ce monde ny generation, ny corruption, & par consequent les medicamens seroient sans effects. Quel esprit auroit le courage de douter que les humeurs ne se changent, & predominant au corps humain, selon le changement des saisons causees par les astres, car les Medecins, enseignent que le sang excède d'un tiers les autres humeurs au Printemps & en Esté, se remettant en son premier estat, & cede de place à la bile, veu que c'est le temps destiné à son regne, ainsi des autres humeurs.

Mais c'est trop nous esloigner de nostre droict sentier, laissons ce discours pour vn autre sujet, & retournons à nostre premier propos, où ie desire vous traicter de quelques simples, & autres choses familiares, qui peuuent estre prises pour medecaments locaux de la Chirurgie, & sur tout, en cas de necessité, où le Chirurgien se trouuant aux champs, où il n'y a moyen de recouurer autre chose, ou fort peu, que des simples, desquels ie veux donner la memoire & le tout, ie reduiray sommairement en cinq parties, pour plus grande commodité du Lecteur, comme aussi pour suivre nostre sujet.



DES SIMPLES, ET
*choses familiares, propres
 pour les vlceres.*

PREMIERE PARTIE.



Fin de pourfuiure nostre pre-
 miere intention, il nous faut
 traicter des vlceres, & pre-
 mierement des corrosifs, auxquels est
 grandement vtile les fueilles de ciprés
 pilees & mises dessus, sont bonnes
 pour le mesme mal, les fueilles d'oli-
 ues sauuage, appliquees de la mesme
 façon que les precedentes, sont enco-
 res bonnes & vtilles les fueilles de
 plantin les fueilles de lierre ne sont,
 de moindre effect, estant pilees &
 bouillies avec du vin rouge, & appli-
 quees chaudement sur le mal, le suc de

Des sim-
 ples pro-
 pres pour
 les vlceres
 corrosifs.

verius incorporé, avec vinaigre peut encores estre propre, la decoction des lupins est souveraine en lavant & fermentant le mal, la poudre qui sort du bois taillé, subtilement puluerisée, & appliquee dessus, est souveraine; la lantisque boüillie avec du vin rouge, qui soit du plus couuert, puis pillee & appliquee dessus; la fueille de la sabine seichee, puluerisée, & appliquee dessus l'ulcere; la farine de l'iuroye, sel decrepité; raue rapee, de chacun esgale part, incorporez le tout, avec quantité suffisante de miel, & appliquez dessus, en forme de cataplasme; la racine de la chelidoine, pillee, & appliquee dessus en forme de cataplasme; l'aristoloche ronde, puluerisée, & mise dessus; fueille de marrube pillee & incorporee avec du miel; la verbene boüillie avec du vin aigre, sont toutes choses propres, lesquelles le docte, & bien experimenté Chirurgien vsera,

selon qu'il iugera à propos, & que la necessité le requerra.

Au contraire, si l'ulcere est vieille, Pour les ulcères vieilles. il vous faudra vser de la centaurea minor, laquelle est de grand effect, en quelque maniere que l'appliquerez; lescordeon pilé & incorporé avec du miel, l'huile de bled, l'aloës, la mirrhe, le sang de dragon en forme d'emplastre, la bource de pasteur pillée & appliquée dessus, le chamedris, incorporé avec du miel, & appliqué dessus l'ulcere; la fanicule, la potentilla, la sanguisorbè, la piloselle, la fragaria, l'oreille douce, appliquez par fomentation, sont toutes tres-excellentes.

Mais si l'ulcere se retrouue avec fistule, Pour les fistules. ayde grandement la graisse de pourceau mise dans la cauerne de l'ulcere, avec vn peu du suc de titimalle, incorporée avec ladite graisse, ayde encores la dragonte puluerisée, & incorporée avec miel, est gran-

dement propre, l'aristoloche ronde, iris de Florence, puluerisez par esgale part, & incorporez avec miel, la gentiane puluerisée ou conquaassée, le suc de verius & vin aigre par esgale part, appliquez avec piece de lingès doubles, ou avec esponges, le suc de millefueille siringué dás le fonds de ladite fistule, le suc de la bource de pasteur siringuee de la mesme faço, ou bié infuser ladite herbe avec vin blác, & chaudement en faire l'iniection, le suc de lierre terrestre, y detremper vn peu de vert de gris, toutes lesquelles choses luy seront tres-salutaires: Est admirable encores le precipité, appliqué selon l'art; le sublimé n'est de moindre effect, & sur tout s'il y a des vers dans ladite vlcere, dans laquelle le plus souvent sont entretenuës avec des demengaisons extraordinaires & grandes douleurs par le moyen desdits vers que pourrez faire mourir, s'en-

Pour faire
mourir les
vers des
vlceres.

suit, il faut remplir tous les trous de l'ulcere d'unguent rosat, puis au milieu dudit unguent, qui bouche les trous de la fistule, faut faire vn petit trou avec la pointe de vostre espatule, ou autre ferrement, lequel trou faut remplir de sublimé, prenant garde sur tout que ledit sublimé ne touche la chair viue, de peur qu'il ne brulle & ne donne douleur, puis couvrir du mesme unguent rosat, à la mesme methode qu'on applique le caustic; appliquant dessus des feuilles de blettes ou lactuës, & au bout de douze heures ou environ, ôter le tout, en lavant bien la partie avec eau chaude, que si vous voyez que vos vers ne tombent pour la premiere fois, faut reïterer deux ou trois fois de la mesme façon, & aurez vostre attente, l'eau de vitriol est tres-bonne, mais l'huile d'Antimoine, ou l'huile de vitriol tiennent le premier rang.

Si encores à ladite vlcere il y a du calus, est grandement bonne la racine de capres seiche, puluerisee & mise dessus ; la racine d'anonide mise dans la caulerne en forme de tête, ou bien puluerisee & mise dessus, le vert de gris puluerisé avec tiers de vitriol, dissous avec eau rose, & plantin, en bassinant la partie, & si iugez à propos, y laissez des pieces mouillées dessus.

Pour les
calositez
des vlceres.

Que si l'vlcere est profond & cauerneux, ayde grandement l'encens puluerisé, appliqué dans lescdites cauerne, la poix liqueficee avec du miel, mise aussi dans les concauitez de l'vlcere, & est grandement bonne ladite poix puluerisee, les couraux puluerisez, la pierre ponce preparee & puluerisee ne cede en rien aux autres remedes.

Mais voulant cicatricer lescdites vlceres, faut vser d'Antimoine, lequel

est grandement bon, la litharge, la ceruse, le calcitis, la lie de vin, la chaux viue, ou lauee par plusieurs fois avec eau rose, le plomb brulé & laué, & l'alun de roche brulé, sont tous des remedes bons, les feuilles de murier sauvage sechées entre deux papiers à l'ombre, puis réduite en poudre, tres-subtile, est admirable, non seulement pour ladite cicatrisation, mais encor pour la modification & incarnation, le tout sans douleur.

Pour cicatriser l'ulcere.



P O U R L E S A P O -
S T E M E S.

PARTIE SECONDE.

Pour les apostemes est grandement utile au commencement, si elles sont faites de matiere chaude, le plantin pilé, & appliqué en forme de cataplasme, l'umbilic de Venus préparé, & appliqué de la mesme façon, est grandement utile le poligonum, appliqué en forme d'emplastre, faict avec farine d'orge, les fucilles de iusquame appliquez dessus, la decoction des fucilles de ligustrum, la glaire d'œuf battuë avec vin aigre rosat, le camphre appliqué dessus, mais avec prudence,

Des simples propres pour les apostemes.

ce, le suc de trifolion acetueux, appliqué avec pieces de linge ou esponge, le suc de pourpier, & le semperuiua, appliquez de la mesme façon, sont tous des remedes appropriez.

Mais si l'aposteme veut venir à maturation, faut prendre de la parietaire, la bien piler, & appliquer en forme de cataplasme, la fueille d'ortie bouïllie avec oignons blancs, pilez, & appliquez de la mesme façon, la racine de côcombres sauuage, pilée bien fort, & appliquée, le ius de scamonec dissoud avec miel, oignons de lis pilez, & incorporez avec graisse de porc & huile, le tout reduit en forme de cataplasme, toutes lesquelles choses sont tres-propres.

Pour la supuration de l'aposteme.

Mais si ladite tumeur se red dure & rebelle audit maturatif, faut appliquer le sang de taureau ou sa fiente, & sur tout quand ils sont à la pasture de l'herbe en forme de cataplasme; la ra-

Pour les apostemes qui tendent à durer.

cine de chamvre sauuage pillee, l'huile de sabine, en froter dessus ladite aposteine, la fiente de cheure ou de pigeon sont bonnes; l'huile d'œuf ou de safran font aussi grand effect.

Pour la
gangrene.

Que si l'humeur est tant maligne qu'elle vienne à se conuertir en gangrene, faut appliquer dessus le suc de grenades douces, les noix vieilles, pilées, & appliquees dessus en forme de cataplasme, les choux pilez & bouillis avec du miel, mis comme dessus, les fueilles de verbasque qui produit les fleurs iaunes, les racines, fruiets & fleurs de la bethoine, avec du sel faict en forme d'emplastre, appliquez dessus, le vert de gris cuit avec vin, miel, & vinaigre, le persil fricassé avec huile rosat.

Pour l'escar-
celle.

Que si la gangrenne passoit outre, & arriuaist au sphacele, les scarificatiōs de la partie est tres-bonne, puis lauez la partie avec eau de vie, faut appli-

quez dessus du sublimé puluerisé, & dukifié, meslé avec vnguent rosat, lequel a vne vertu admirable d'arrester ledit mal, la lexiue faite avec la cendre de figuier, appliquée avec drapeaux ou esponges, la farine d'iuroye, & vn peu de sel & du miel, le tout fait en forme de cataplasme, les choux rouges boüillis, pilez & reduits en cataplasme avec du miel, l'ortie sa graine, son ius, & ses tiges, le tout pillé, cuit avec vin aygre, & appliqué en forme de cataplasme; mais il ne faut oublier en tel cas l'vnguent ægyptiac, mis dedans les scarifications, & sur toute la partie sphacelee.

Et si l'aposteme fait vn chancre, faut vser de l'escorce des escreuisses de riuere puluerisees, & cuites avec du miel, la semence de l'irion pillee & appliquée dessus, toutes les especes d'orties cuites, pilees, & appliquées dessus en forme de cataplasme, les lima-


Pour les
chancrez,

ces ou escargots hors de leurs coquilles, bien pillees & mises dessus en forme de cataplasme, fort excellent, & sur tout pour appaiser la douleur, l'eau distillee de l'excrement fecal humain, appliquee dessus avec pieces mouillées de ladite eau, la pimpinelle, sangisorbe, pillees par ensemble, & appliquees en forme de cataplasme, le plomb bruslé, laué, & subtilement puluerisé, l'huile d'Antimoine appliqué legerement avec l'vnguent de pompholigos, sont tous remedes utiles & profitables.

Pour faire
venir à ma-
turity les
apostemes
froides.

Mais si l'aposteme est froide, & qu'il la faille faire venir à maturation, la parietaire pillée avec oignons de lis & graisse de porc est souveraine, des raisins secs, & en oster les ariles de la graisse de porc, du miel, & vn peu de sel, faits en forme de cataplasme, fucille d'ortie pilee, la racine de concombre sauvage, & vn peu de

miel, gomme de la racine de meurier, letrapia, & miel meslez ensemble, en forme de liniment; Et pour n'entretenir, & refroidir le Lecteur, ie le renuoycray, s'il luy plaist, au chapitre desdites apostemes, où nous auons assez amplement traicté, & mis des remedes à suffisance, tant des simples, que des composez.



POUR LES PLAYES.

PARTIE TROISIEME.

EN suiuant tousiours nostre Pour arrester le sang des playes.
discours, nous parlerons des playes, partie du tout necessaire au Chirurgien, & commencerons aux remedes pour estancher le sang, qui est vne chose fort digne de consideration, & laquelle ne faut pas

mespriser, puis que par ce moyé nous
conseruons letres-cher de nostre vie;
Ie diray donc que les fueilles d'oliuier
sauuage, pilees & mises dessus, sont
grandement bonnes, leur suc fait le
mesme, voire plus d'effect, les fleurs
de grenades puluerisees, l'encens pul-
uerisé, le coton bruslé ou trempé dans
l'ancre, & appliqué dessus, la mousse
qui se trouue aux pieds des chesnes
fait aussi grand effect, le papier pillé,
appliqué en forme de cataplasme, le
plantin, le sang de dragon, l'aloës pul-
uerisé, le jaspe tenu en la main, ou ap-
pliqué sur le foye, l'herbe qu'on ap-
pelle queue de cheual, pilee & appli-
quee dessus, la consolida major, & la
moyenne, le poil de lieure haché me-
nu, & mis sur la playe, avec poudres
astringentes, la noix de gale bruslee,
& esteinte dans le vin aigre, ou eau
salee, puis pilee & reduite en poudre
tres-subtile, & appliquee dessus; des

grenoüilles calfinees, & de la cédre en saupoudrer la playe, le pourpier pilé, & appliqué dessus la playe, fueille de muguet pillé & appliqué dessus, la graine de iusquiamo prise en breuvage, avec eau miellée, au poids d'une obole, du plaistre pillé, & appliqué dessus, cendres d'espôges incorporees avec de la poix, & appliquées dessus, escorce de lierre pillé, & prise avec eau chaude, de bistorte & de tourmâtille, reduites en poudre, & appliquees dessus, ceruelle de poulets beuës avec du vin, la cocque d'œuf calfinee.

Mais sur tout, ayant appliqué lesdits medicamens, il faut tenir le doigt sur la playe, par l'espace d'une demie heure, une heure, ou deux, selon la grosseur du vaisseau qui est taillé; car quelquefois ie me suis trouué qu'il a falu auoir patience durant deux, ou trois iours naturels pour asseurer le dit vaisseau, & particulieremēt quand

ce sont les veines iugulaires, & afin qu'un seul ministre ne s'ennuye de tenir tousiours le doigt sur ladite playe, quand il est question d'y demeurer si long temps, il est necessaire d'en auoir diuers, lesquels de temps en temps l'on puisse changer avec dextérité.

Pour la reünion de la playe.

Que si la playe ne demande que la seule reunion, vous aurez vostre intention avec les fueilles d'ormeaux pilles, son escorce liée sur la playe, peut rendre le mesme effect, l'encens puluerisé, & appliqué sur ladite playe, puis la bander mediocrement; l'aloës, la sarcocole, appliquez de la mesme façon, l'argemone appliquee sur ladite playe, la cendre de la laine bruslee, la racine de centaurea maior, pillee & appliquee fresche sur ladite playe, la poligone, la racine fresche du gramin pillee, la graine des teinturiers puluerisee, la quinte-fueille pillee, la mille-fueille appliquee de mesme,

l'huile de therebentine, l'huile d'abeſſe, la liqueur des veſſies d'ormes, & autres choſes que iugerez à propos, & que ie laiſſe pour n'eſtre ennuyeux.



POUR LES FRACTURES.

PARTIE QUATRIESME.

Voulant traicter la cure des fractures des os, apres l'auoir remis en ſon lieu & place, les Simplees propres pour les fractures. fueilles de nerte pilees & appliquees deſſus, en forme d'emplafre y ſeront propres, la conſolida de toutes les fortes, pilees & appliquees en forme de cataplaſme, les fueilles de plantin pilees avec du ſel, la glaire d'un œuf batuë & incorporee avec encens, ſubtilement pulueriſées, la decoction faite avec fueille de nerthe, en fomen-

tant de temps en temps la partie, la laine surge, infusée dans du vin rouge, l'huile rosat & vin aigre, appliquez chaudement sur la partie, la decoction de feuille, ou racines d'orme, en fomentant la partie, le noir à noircir incorporé avec cire jaune & huile rosat, mis sur la partie malade en forme d'emplastre, desquels remedes userez, selon que iugerez à propos, ou que la necessité vous en fournira, avec lesquels il ne faut obmettre vostre bandage, tel que nous auons noté au chapitre general de la cure desdites Fractures, ou le Lecteur aura recours.



POUR LA CVRATION
des Dislocations.

PARTIE CINQVIESME.

ET pour la dislocation qui est la derniere partie de nostre œuure, sont tres-bonnes les racines de caues pillées & appliquees sur la partie, suposant auoir remis la dislocatiō, la decoction de la casse en fomenter la partie, les racines d'asperges pillees & incorporees avec huile & vinaigre, les fueilles de la marjolaine pillees & incorporees avec la cire jaune, la decoctiō du pain porc, ou ciclamen en fomenter la partie, les fueilles du plantin bien pillées, & appliquees dessus, les racines des roseaux pillees, & incorporees a-

Simple
propres
pour la cu-
ration des
dislocatiōs.

uec vin aigre & appliquees dessus, les
fueilles du plantin pillées, & avec vn
peu de sel, y adioustât vn peu de miel,
puis appliquees sur la dislocation, le
fien grec bien cuit, avec eau mellee, y
adioustant de la graisse de porc, & du
tout en faire vn cataplasme, polypode
pilé, & appliqué sur la partie, oignós
de narcisse pilez, & avec miel appli-
quez sur la partie, l'ortie pilee & ap-
pliquee en forme de cataplasme, la ra-
cine de branca vrsina pilee & appli-
quee, la racine d'asperge pilee avec
vin rouge ou vin aigre, chaudement
mis sur la partie, racines, & fueilles
d'agnus castus, pilees & appliquees en
forme de cataplasme, la racine de bar-
dane pilee & appliquee dessus, nó seu-
lemét yde à la dislocatió, mais encores
oste la douleur, la glaïre d'œuf bien
battuë, incorporee avec le bol armene,
sang de dragon, & vn peu d'huile ro-
sat, la fueille de seliotropium pilee &
mise sur ledit mal.

Jusques icy j'ay parcouru avec brieveté la curé des vlcères, apostemes & playes , avec les remedes particuliers pour icelles, comme aussi les Fractures & dislocations avec vne maniere generale & particuliere pour en faire l'operation , le tout accompagné de plusieurs secrets excellés & appreuuez des plus celebres Autheurs , tant anciens que modernes, outre vne tres-exacte & tres asseuree experience que j'en ay moy mesme faict & veu faire en plusieurs païs : Maintenant pour cōtenter les curieux comme j'ay promis de faire, ie vous veux dōner quelques remedes généraux tres-certains & tres-appreuuez, avec vn facile moyé pour vous en seruir, disposé en forme d'Antidotaire , que ie te prie amy Lecteur receuoir d'aussi bon cœur que fidelement ie te le donne.



ANTIDOTAIRE

O V

DESCRIPTION DE PLV-
sieurs excellents remedes pour la
guerison de diuerſes maladies.

*Recepte d'un grand Chimiste Alemand,
pour purger les maladies inueterrees, &
principalement les gouttes, cruditez d'e-
stomach, humiditez sur-abondantes au
cerueau, & mesme quand l'hidropisie
commence, elle est en forme de poudre,
que plusieurs Princes & Seigneurs d'I-
talie, et sur tout le general des Postes
de Naples employent en leurs purga-
tions ordinaires.*

Prenez Scamonce subtilement,
puluerisee à discretion, laquelle
metrez en infusion par l'espace de

vingt-quatre heures dans l'eau de vie, qui aille trois doigts par dessus ladite scamonee, apres coulez le tout dans vn linge, & le metez à desecher dans vne ventouse ou autre vaisseau à feu de sable, iusques à ce qu'il deuienne en consistâce de miel, laquelle ietterez dans vn bassin, où il yaura de la neige ou glace, parce que tant plus l'eau est froide, tant mieux se purifie, ou ayant demeuré quelque temps, la manierez, fort avec les doigts, & la rendrez en forme de paste, la conseruant tousiours dans ladite froideur en la malaxant, laquelle paste deuiendra blanche, apres la metrez dans la ventouse, ou la desecherez au mesme grade de feu que dessus, iusques à ce qu'elle soit reduite en poudre, à laquelle adiousterez sel de tartre fait de vin blanc, turbith parfait & hermodates, le tout subtilement puluerisé & passé par le
tamis

tamis, & meſlé au poix eſgal, de laquelle poudre en faut prendre vne dragme dans du boüillon, ou bien dans du vin, ou avec quelque eauë appropriée au mal que voudrez purger.

Ptiſane laxatiue, fort agreable, laquelle purge fort doucement.

Prenez ſenné mundé deux dragmes, roſes palles ou muſcates, vne dragme & demie, anis conquaſſé demy dragme, regaliffe vne dragme, mettez le tout dans deux liures & demie d'eau de fontaine toute froide, & faites infuſer en lieu froid l'eſpace de cinq heures, puis le coulez, & en prenez vn verre le matin, vn autre deux heures auant diſner, & le troiſieſme, trois heures apres le diſner, ainſi ſerez purgé fort doucement, & ſans travail.

*Autre ptisanne laxative, Et propre
pour les reins.*

Faut prendre pois ciches deux onces, semence de lierre, vne once & demie, des quatre semences froides, de chacune vne dragme, agnus castus vne dragme, sené vne once, regalisse deux onces.

Faut prendre trois pintes d'eau de riuere; dans laquelle faut faire bouillir les pois ciches & semence de lierre conquassez, iusqu'à la cōsommation de la quatriesme partie de l'eau, apres adiouter les semences froides & l'agnus castus conquassez, y faisant prendre quelques bouillons, puis adiouter le sené & la regalisse, l'oster du feu, le boucher, & le laisser refroidir, de laquelle ptisanne il en faut prendre trois ou quatre fois le iour, & sur tout, au defaut de Lune.

Opiate excellente pour les Aſmatiques.

Prenez graine de genevre vne poignée, fix fueilles de tabac oriental, faites boüillir cela dans vne chopine d'eau de fontaine, iuſqu'à la conſommation de la moitié, exprimez le tout, & y adiouſtez demy liure d'eau roſe, avec vne liure de ſucre fin, & le faites cuire en conſiſtance de ſirop, y adiouſtant vne once & demie poudre de roſe, vne dragme de canelle pulueriſee, poudre de diariſ, & de didaragant, de chacun vne dragme, fleur de ſouffre, & ſemence de perles preparees, de chacun deux onces, ambre gris vne dragme, & le tout eſtant reduit en poudre tres-ſubtile, l'incorporerez avec le ſirop de tuſſilage & de capillaire, y adiouſtant vne demie dragme d'eſſence de giroſle, en remuant le

tout avec spatule de bois, vous en formerez vne opiate ou tablette, selon qu'il vous plaira, de laquelle en faut prendre soir & matin vne dragme à la fois.

Vin blanc laxatif pour toutes gouttes, veroles et membres perclus.

Faut prendre agaric, rhubarbe, & hermodates, de chacun trois dragmes, fucilles de sené demy liure, anis deux onces, canelle trois dragmes, sucre candy demy once, falsepareille, & lignum santum, ou bois de gayac puluerisé, de chacun trois onces, de tous les mirabolans de chacun demy dragme.

Faut mettre le tout en poudre grossièrement, & faire boüillir tout ensemble cinq ou six boüillons dans vn pot vernissé bien grand, avec cinq ou six pintes de bon vin blanc, & puis

mettre le tout dans vne fiole de verre double, & boire de ce vin ſix onces le matin, ſix heures auant le repas & continuer ſelon la grandeur du mal.

*Huile de ſpaſme du grand Duc
de Florence.*

PRenez racine d'angelique, aristo-
loche longue, peonia, torman-
tille, valeriane, biſtorte, de chacun vne
once & demie, ſauge champeſtre &
domestique, romarin, rue, hypenion,
abſynthe, bethoine, ſtecas, camomil-
le, calamenthe, menthe grecque, de
chacune vne manipule & demie.

Faut piler les racines ſeiches, & les
infuſer avec vne pinte de vin blanc
du meilleur, & tailler les herbes fref-
ches avec ciſeaux, en adiouſtant qua-
tre liures d'huile commun, du plus
vieux qu'on pourra trouuer, & puis
mettre le tout en bain marie par l'eſ-

pace de quatre iours à feulent, apres donner deux heures de feu gaillard, par apres mettre le tout au pressoir puis separer ledit huile, lequel vnire, avec la troisieme partie d'eau de vie, theriaque & mitridat, de chcaun vne once & demie, baume du Perou six dragmes.

Cet huile a de grandes vertus, & particulièrement pour la paralisie, membres perclus, conuulsion, ou retraction de membres, causez d'humeurs froides, & sur tout aux piqueures des nerfs, mais il faut estre aduertty de ne le mettre au dedans des playes, mais seulement en faire l'onction à l'entour, & ladite onction doit estre chaude.

*Eau pour les fieures bilieuses du mesme :
c'est encores la recepte tant estimee
par le Cardinal del Monte.*

PRenez eau d'oseille, ou despine-
vinette, de ruta capraria, & de
melisse, faites par bain-marie, de cha-
cun vneliure, terre sigillee, ou bol ar-
mene parfaict six onces, lequel redui-
rez en poudre subtile & la mettez
avec leldites eaux dans vne vantouse
de verre, avec son chapeau auugle &
bien sigillé, le mettez en bain-marie
en infusion durant douze heures, se-
parer vostre eau, & apres auoir osté la
lie de vostre vantouse, & bien net-
toyé, y remettez vostre dite eau, en y
adioustant deux onces & demie d'or-
ge entier, & vne once de semence de
melon conquassé, puis faites distiller
le tout selon l'art par bain-marie, ius-
qu'à ce qu'on aye tiré enuiron deux

liure d'eau , dans laquelle adiousterez esprit de vitriol autant qu'il en faut pour la faire deuenir vn peu aigrette , de laquelle en ferez prendre au malade six onces auant l'accès.

*Remede assureé pour la suffocation
de matrice.*

F Aut prendre l'huile de Karabé, ou ambre iaune six gouttes, lequel messeres avec trois onces de vin rouge tiede, que donnerez au temps de la douleur, & prendrez dudit huile dans vne escuelle, duquel en oindrez chaudement le nombril de la patiente, appliquant vn linge par dessus le plus chaudement qu'elle le pourra souffrir.

Et pour faire ledit huile de Karabé, prenez vne liure d'ambre iaune conuassé grossierement, lequel mettez dans vne cornue , y adioustant par

dessus vne liure de vin blanc, ou eau
rosé, ou betoine, y meslant vne poi-
gnée de sel decrepité, ferez digerer le
tout dans vn fourneau à sable, de cha-
leur mediocre, & quand voudrez fai-
re la distillation dudit huile, adiou-
stez y du sable bien net, ou des cail-
loux calfinez, pour empescher l'in-
ondation, aduertissant que vostre
retorte aye les deux tiers vuides, apres
auoir luté vostre recipient, donnez
vostre feu de degré en l'augmentant
sur la fin, iusques qu'ayez tiré vostre
dite huile.

*Recepte pour toutes playes faites par
fer, bois, pierre, &c choses semblables,
sert aussi pour les vlcères vieilles,
mal de tetin, ou contusion sans ou-
verture.*

PRenez bugle des champs, fanicle,
moron rouge, mille-fueille, orpin,

dent de lion, fucille de soucy, plantin, lanceole, les trois consolides, agtimoine, de chacune vne poignee, abfinthe & fenoüil, de chacun vne demy poignee, broyez le tout dans vn mortier, & le mettez dans vn pot de terre neuf, avec trois demy septier, ou vne pinte de vin blanc, faites bouillir, & reduisez au quart, puis pressez lescdites herbes le plus qu'il se pourra, & coulez ladite decoction à trauers vn linge blanc que garderez dans vne bouteille.

Pour les vlceres & maladies des testins ou playes qui ne seront pas profondes, vous les lauerez souuent de ladite eau & appliquerez dedans & dehors de ladite playe des pieces de linge mouillees dans ladite decoction, le tout chaudement, que si la playe est profonde, faudra faire chauffer ladite eau, & y faire dissoudre vn peu de miel & avec vne siringue faire injection dans ladite playe, mettant au dessus

vne cōpreſſe en quatre ou cinq doubles mouillées dans ladite eau.

Si par fortune le coup eſtoit tel, que dans le corps du malade l'on ſoupçonât qu'il y fut coullé du ſang & qu'il ſe fut coagulé ou autrement, ledit malade vſera de ladite eau par la bouche durât quatre ou cinq iours ſoir & matin, la quantité de trois onces, & guerira, Dieu aydant.

Que ſi l'on auoit ſi fort negligé le mal, qu'on ne vit aucun ſigne d'amendement par l'euacuation dudit ſang, l'on appliquera le cataplaſme ſuiuant ſur la partie.

Prenez dent de lyon, de la mauue, ou de la guimaue, fueilles de violettes, de chacune vne poignée, ſenefſon demy poignée.

Mettez le tout avec fort bon vinaigre & le tiers d'eau, le faiſant bouïllir iuſqu'à ce que le tout ſoit réduit à la moitié, y adjoûtant enuiron quatre

onces de pain bis, & exprimerez le tout, puis le pillerez, lequel cataplasme ainsi fait, appliquerez sur les pieces qu'aurez mises dessus vostre playe auparavant.

*Eau distillée, qui fait aller du corps
comme vne medecine.*

Prenez diagrede vne once, hermodates deux onces, semences de genets, catapusse majeure, hieble de chacune demy once, suc d'hieble, suc de cocombre sauage, elebore noir, poiure sauage de chacun vne once & demy, polipode de chesne six onces, fueilles de fenné, trois onces; eau comune distillée six liures, faut mettre le tout en infusion sur cédres chaudes par l'espace de douze heures, dans vne vétoufe de verre, lequel ferez par apres distiller en bain marie, de laquelle eau les plus robustes en prendront deux

onces, & les plus delicats vne once, ou vne once & demie, il ſert fort auſſi pour ceux qui abhorrent les medecines, ou que leur eſtomac ne les peuuent ſupporter, ladite eau eſt tres-propre pour purger generalement les humeurs.

*Secret del' Oruietan que i'ay eu du
Cardinal Del-Monte.*

PRenez racine de consolida-ma-
ior, racine de gentiane, racine de
dictame blanc, de chacun deux on-
ces, herbe valeriane, racine d'aristolo-
che longue & de la ronde, racine de
tormentille, dictame, racine d'angeli-
que, racine de scorsenere, racine de
valeriane maieure, racine de bistorte,
de chacune vne dragme.

Faut piller le tout ſubtilement, & le
paſſer par le tamis, apres faut prendre
cinq liures de miel clarifié & cuit, ſe-
lon l'art, par apres adiouſtez voſtre

poudre , & trois liures & demie de bonnetheriaque, c'est vn contre-venin, qui est encores pour le iourd'huy fort en reputation , non seulement dans l'Italie , mais encores par toute la Chrestienté , voire mesme dans la Turquie.

Pillules de grand effect , pour le mal de Naples, et sur tout quand il est inueteré.

Prenez rhubarbe , agaric , coloquinthe, de chacun deux dragmes, poiure noir, canelle, de chacun deux scrupules, scamonee & aloës, de chacun trois dragmes, mercuré estant avec oximel vne once.

Faut pulueriser le tout subtilemēt seló l'art, & former vostre masse de pillules avec oximel , de laquelle masse en faut prédre au poids d'un scrupule, voir deux, aux plus robustes, apres le

premier sommeil & cōtinuer leſcdites pilules de deux iours l'vn, durāt quinze iours, & par fois vn mois, en cas que le mal fut fort enraciné, & le iour qu'ó a pris ladite pilule on ne laiſſe pour cela de faire ſes excercices, ſelon la qualité de la perſonne.

*Opiate admirable pour la goutte froide
en tout temps , et la chaude en
Hyuer ſeulement.*

F Aut prendre ſalce pareille quatre onces , ſemence d'hypericon, de chamapyteos & chamedryos, de chacun huit onces, angelique recente trois onces , canelle choiſie deux dragmes, giroſſes quatre ſcrupulles, ſaſſran deux ſcrupulles.

Reduiſez le tout en poudre & paſſez par le tamis, puis meſlez tout & incorporez avec quātité ſuffiſante de bon miel d'Eſpagne bien eſpuré, le

meſlant fort, avec vne ſpatule d'argët, ou de bois, puis le mettez dans vn vaſe d'eſtain ou de verre, pour le bien conſeruer.

Il en faut prédre tous les iours le poids d'vne dragme & demie, vne année durât, pendât les grandes chaleurs vne dragme ſeulement, & durant les iours caniculaires, n'en prendre point du tout, aux bilieux on peut oſter le ſafran durât les chaleurs, voire du tout, ſi ladite opiate l'eſchauffe par trop.

Se faut garder de ſallures, boire le vin bié trempé, c'eſt vn ſecret duquel i'en ay guery pluſieurs, & duquel i'uſe iournellement, avec heureux ſuccez.

Theriaque contre venins & peſtes.

FAut prendre des viperes toutes viues & les mettre dans vn pot couuert de ſon couuercle, auquel donne-
rez

rez feu gaillard, iusques à ce que les viperes soient reduites en cendres, de laquelle cendre en tirerez le sel, selon l'art, & en donnerez au poids de quatre grains, avec de la conserue de roses.

Electuaire admirable contre la peste.

Prenez suc de ruta capraria, dix-huict onces, suc de noix vertes & tendres dix onces, suc de scordion, suc d'aloës, suc de ruë commune, de chacun six onces.

Faut mettre tous lesdits sucz au Soleil dans vn vase de verre, ou vase de terre vernissé, bien couuert, & les y laisser iusqu'à ce qu'il deuienne en consistance de miel, puis adioustez les choses suiuanes.

Prenez huile de therebentine distillee, huile de noix commune, eau de vie parfaite, theriaque fine; de toutes

T

en particulier quatre onces, miel d'Espagne six onces.

Faut tenir toutes ces choses avec les susdits suc, & les remettre au Soleil iusqu'à ce qu'ils deuiennent en forme d'electuaire liquide, & puis pour finir la iuste consistance, adioustez les suiuanes poudres, tamisees subtilement.

Prenez de la semence d'hipericon trois onces, poudres des fucilles dudit hipericon vne once & demie, poudre de seméce de genevre vne once, aloës epatic & mirrhe, de chacun vne once & demie, safran vne once, theriaque bol armene de chacun demy once, sel comun quatre onces.

Faut pulueriser subtilement les susdites choses, & les faut vnir comme dessus, puis adiousterez suc de limon, & derechef le faut remettre au Soleil iusqu'à ce qu'il se reduise en forme d'electuaire, & le faut serrer en vn va-

ſe de verre ou d'eſtain , comme l'on fait la theriaque, que ſi vous la voulez faire plus parfaite, & ne regarderà la deſpence, adiouſtez les choſes ſuiuant.

Prenez rubis, ſaphirs, eſmeraudes, grenades , hiacinthes , de chacune deux ſcrupules. Or en fueilles, perles preparees, muſc de leuant & ambre, de chacun vne ſcrupule, de la ruë ſeiche, gentiane, ſemence de lierre, de chacun ſix onces , du tout faites en poudre, & les adioutez aux ſuſdites choſes ſelon l'art.

Cét electuaire eſt admirable pour la peſte , & en faut prendre de trois en trois iours enuiron vne demie once, ſelon la complexion des perſonnes, car aux humides l'on en donne dauantage , aux chauds ou ſanguins moins, & la faut prendre deuant le repas , avec le ſuc de roſe , ou ſon ſirop.

Autre opiate pour le mesme effect.

Prenez bol armene vne dragme, canelle deux dragmes, racines de tormantille, dictame, sandal blanc, tamaris, raseure d'iuoirẽ preparee, spodium , racine d'angelique , de chacun demy dragme, perles preparees vne dragme , escorce de cedre , ou poncire, qu'on dit vulgairement demy dragme.

Faites du tout poudre tres-subtile, passeẽ par le tamis, & avec vne liure & deux onces de sirop de rose rouge, faites vn electuaire selon l'art, duquel en prendrez deux dragmes trois fois la semaine, deux heures auant le repas le matin, en beuuant par apres deux doigts de vin.

Pilulles pour le meſme effect.

Prenez mirrhe, ſafran, bol armene; corail rouge preparé, de chacun vne dragme, mirabolans, aloës hepatic, de chacun quatre dragmes, & avec miel roſat formerez vne maſſe de pilulles, que prendrez au poids d'vne dragme le ſoir auant le ſoupper, deux ou trois fois la ſemaine.

Baume fort excellent pour les playes.

Prenez therebentine de Veniſe huit onces, gomme elemy quatre onces, huile d'hipericon demy once, bol armene vne once, ſang de dragon vne once, eau de vie deux onces, aloës, maſtic, ſtorax & mirrhe, de chacun deux onces.

Premierement fondez voſtre gomme elemy, avec la therebentine &

l'huile, detrempez le sang de dragon & bol armene, avec l'eau de vie, & cuisez à feu lent, & souuenez vous de l'appliquer chaud sur les playes.

Baume d'une autre sorte pour les playes.

F Aut prendre huile commun six liures, therebentine de Venise demie liure, lumbrics bien lauez avec du vin, emondés de la terre quatre onces, semence, fleur & fucilles d'hypericon, de chacune deux dragmes, vessies d'ormeaux numero trois, lesquelles faut conquasser, deux liures de miel, mirrhe puluerisée trois onces, storax liquide deux onces.

Faut mettre le tout dans vne fiolle double, ou pot de terre vernissé, lequel couurirez tres-bien, après le faut enterrer dans du fumier par l'espace de deux ou trois mois, & puis luy faire faire vn bouillon & exprimer bien

le tout , lequel eſtant coulé ſera vn baume tres-excellent, & le plus vieux ſera le meilleur.

*Emplaſtre del Signor Anthonio
Rouieto , Eſpagnol.*

Prenez huile d'oliue du meilleur vneliure, lequel faut mettre dans vne terrine de terre ſur le feu, & quád il ſera chaud , il y faut adiouſter trois onces de cire jaune taillee en pieces, la remuer avec vne ſpatule de bois , & quand elle ſera fonduë il y faut adiouſter fix onces de ſerufe ſubtilement pulueriſee, remuant touſiours bien fort , & la mixtion deuiendra blanche, laquelle en cuiſant perdra ceſte couleur, & deuiendra obſcure, & deuant qu'elle deuienne ainſi , faut adiouſter l'itharge-d'or vne once, tres ſubtilement pulueriſee & paſſee par le tamis , & quand elle ſera bien incor-

poree, adioustez terre sigillee demy once, & tousiours incorporer le tout avec diligence, puis faut adiouster demy once de baume blanc, remuant tousiours ladite mixtion afin qu'elle ne s'attache, le signe pour cognoistre quand tout sera bien cuit, c'est qu'il en faut mettre vne goutte dans vne escuelle pleine d'eau, si elle est bien noire, c'est signe qu'il est cuit, ostez-le du feu, & y adioustez habilleement deux dragmes d'huile de romarin, en l'incorporant comme dessus, apres les faut laisser reposer enuiron demy quart d'heure, & quand vous le regarderez contre la lumiere, s'il commence à faire certaines ruptures ou fentes, alors le faut ietter dans vn grand bassin d'eau fresche, & le faut incorporer & manier avec les mains, afin que le tout se meslange bien, & le faut mettre en magdaleons pour le mieux conseruer.

Ledit emplaſtre eſt admirable aux playes, vlceres, chancres, eſcroüelles, bubons, pour les cors des pieds, aux tumeurs qui viennent aux ſourcils, & autres ſemblables.

Contre la Squinance.

F Aut prendre eau de ſcabieufe, diſtillee en bain marie vne liure, eau de vie vne once, adiouſtez y trois ou quatre gouttes d'huile de vitriol romain, & en faites vn gargarisme, & trois heures apres le malade ſera guerry, remede fort approuué.

Autre pour la Squinance.

Prenez arondelles vne nichee ou deux, lors qu'elles ſont petites, que ferez calſiner dans vn pot neuf, le mettant dans vn four, ſelon l'art, de laquelle poudre ſubtile en ſoufflez

avec vn tuyau de canne ou de plume dans la bouche contre les amigdalles, & deliurerez vostre patient promptement.

Emplastre pour la Ratte.

Prenez gomme ammoniac, fonduë dans du vin aigre, colle cuite en forme de cerat, vne liure, corail subtilement puluerisé vne once, poix grecque vne once & demie, mastice deux dragmes, calamite puluerisee six dragmes, & avec huile de capres, faites vostre emplastre sur le marbre, lequel vous garderez pour l'vsage.

Les faut estendre sur vne peau en forme de langue de bœuf, ne se detachera iusques qu'il aye fait son effect.

*Eau rare pour les yeux, pour ophtalmie,
lacrimations, inflammations, Et
meſme pour la douleur
des yeux.*

Prenez vin blanc du meilleur trois chopines, eau roſe blanche demy liure, eau de chelidoine, de fenouil, de uſſia, de la ruë, de chacune deux onces, tutienon preparee, girofle de chacun quatre onces, ſucre roſat, vne dragme, camfre & aloës, de chacun demy dragme.

Faut preparer la tutie en ceſte maniere, la faut eſchauffer ſix fois dans vn creuſet, & à chaque fois l'eſtindre dans l'eau roſe & vin blanc, & ladite tutie ſera preparee, & ceſte eau où elle ſera preparee la faut ietter, faut piller les choſes qui ſe doiuent piller ſubtilment, en telle façon qu'elles ſoient impalpables, & les meſler avec le vin

& eau cy-deffus mentionnee, & l'aloës ne se pouuant si subtilement pulueriser, le faut mettre dans vn mortier, & avec ladite eau remuer le tout iusqu'à ce qu'il deuienne comme vne sausse, & soit tout deffait, & à lors le meslerauec les autres choses dans vn vase de verre bien sigillé, qui ne respire point, & la faut exposer aux rayons du Soleil par l'espace de quarante iours, ainsi bien incorporé & perfectionné, la reseruer pour le besoin, de laquelle faut mettre vne seule goutte par fois dans l'œil avec vne plume ou du coton, & tenir vn peu l'œil fermé, afin que ladite eau puisse penetrer par tout, & en bref, verrez vn effect admirable.

*L'huile du grand Duc de Florence que
i'ay receuë du Cardinal
Del-Monte.*

Prenez gomme arabique quatre onces, gomme edera, galbanum, encens, myrrhe, aloes, galanga, girofle, de chacun trois onces, canelle, noix muscade, zedoaria, gingembre, dictame blanc, de chacun vne once, consolida mineure vne once, musc & ambre, de chacun vne dragme, fleur de romarin vne liure, veruene seiche, & chardon benist, de chacun vne liure, de la ruche de miel où sont encores les mouches, demie liure, cendres de ferment vne liure.

Faut mettre toutes les susdites choses pilees grossierement dans eau de vie, & que ladite eau surnage quatre doigts par dessus les matieres, laissant le tout en infusion durant quinze

iours dans vne fiole bien bouchée, qu'il faudra par fois remuer, afin que les matieres s'imbibent mieux, apres mettez le tout dans vne retorte à distiler, tirez premierement l'eau, puis quand vous verrez que l'huile voudra venir, & qu'il changera de couleur, faut changer de recipiant, luy donnant vn fetu gaillard, afin qu'il tire toute la substance, qui sera l'eau & l'huile, separez l'huile qui sera en sa perfection, que garderés bien, & c'est le vray huile du grand Duc.

La derniere eau est admirable à toutes douleurs froides, & en quatre heures les dissipe; mais l'huile a plus d'effect, lequel est admirable à toutes blesseures, rompt la pierre dans les reins, & la faict sortir hors tout aussi tost.

L'on faict ladite recepte d'autre façon, laquelle n'est pas si difficile, aussi n'a elle pas tant d'effect, & est en ceste sorte,

Prenez huile de maſtic deux liures, maſtic en grains, giroſles, roix muſcades, de chacun quatre onces, bois d'aloës, demy once, macis & ſquinantes, de chacun vne once.

Faut piller le tout groſſiement, puis le mettre en infuſion, par l'eſpace de vingt & quatre heures, mais i'ay couſtume de le laiſſer ſix iours naturels d'as le ſuſdit huile ſur les cendres chaudes, puis les laiſſer bouillir à feu lent dans le bain-marie, iuſqu'à la conſommation de l'humidité ; pendant qu'ils boüillent , mettez vn peu de vin en bouche, & en iettez par interualle, & cela fait le laiſſerez raffroidir vn iour entier auant que le couler , ce qu'il faut faire ſans expreſſion, qui le rend plus beau, & celui qui ſera par apres exprimé n'aura moindre vertu.

Il y en a qui pour rendre ledit huile plus beau mettent au lieu de l'huile de maſtic, l'huile d'hypericon fait a la

perfection, & cela est de la façon que ie le fais & m'en treuve mieux, car il a le mesme effect & vertu que le premier.

Ledit huile sert encores pour les estomachs foibles qui ne peuuent retenir la viande, en frotant chaudement l'orifice de l'estomach, est admirable aussi pour les palpitations & foiblesse, de cœur de quelque cause qu'elles procedent en frottant la region du cœur, sert aussi par toutes playes envenimees, membres perclus, douleurs froides, & c.

*Huile contre le venin du grand Duc
de Florence, que i'ay receu du
mesme Cardinal.*

Prenez huile d'oliue vieux deux liures, deux cens scorpions pris les iours caniculaires & nourris quinze iours durant avec les sominitez du basilic,

baſilic, puis les mettez dans ledit hui-
le avec vne pinte de bon vin blanc,
le tout dans vne fiolle de verre bien
bouchée l'expoſant au ſoleil l'eſpace
de quarâte iours, apres le ferez boüil-
lir en bain-marie & l'exprimerez au
preſſoir, dans laquelle expreſſion ad-
jouſterez les choſes ſuiuantes.

Prenez rubarbe, aloës, ſaſſran, ſpica
nardi & mirrhe, de chaſcun vn once
& demy, dictame de candie, biſtorte,
tormantille, gentiane, de chaſcun ſix
dragmes, theriaque & mitridat de
chaſcun trois onces.

Pillez groſſierement ce qui eſt a
piller, & mettez dans vne vantoſe de
verre avec ſon chapeau aueugle, bien
luté & mettez en bain-marie a feu lèt
par l'eſpace de huit iours, apres
donnerez le feu vn peu plus fort du-
rant vingt quatre heures, & puis eſtât
refroidy l'exprimerez de nouueau au
preſſoir, cet huile eſt infaillible pour

le venin, & moy-mesme i'en ay fait de grandes experiences, l'on le peut prendre seul au poids d'une once environ, ou bien avec du bouillon, ou dans du vin, ou avec quelque eau cordiale.

Sirop pour les polmoniques.

F Aut prendre raisins de Damas, figues, iuiubes, & dates, de chacun quatre onces, sebestes vne once, colopendre, vn manipule, hylope demy manipule, regalisse vne once.

Faut le tout faire bouillir dans vne pinte d'eau, & en ferez vne chopine de decoction, laquelle passerez par l'estamine, puis le ferez de nouveau bouillir avec sucre candy deux onces, diarios, & diadragant, de chacun vne dragme & demie, sucre fin quatre onces, & reduirez le tout en consistance de sirop, duquel en ferez prendre au

patient vne culleree à la fois, cinq ou ſix fois le iour, & autant la nuit, lors qu'il ſ'eſueillera.

Vne autre facile pour le meſme effect.

Prenez de la fueille de petun ou tabac à diſcretion, laquelle ferez bouïllir avec ſuffiſante quantité d'eau, après la coulerez & exprimerez bien fort, laquelle decoction ferez cuire avec ſuffiſante quantité de ſucre, & vous en ſeruez comme ſ'enſuit.

Faut prendre dudit ſirop vne culleree au matin, & tout auſſi toſt faut que le patient ſe pourmene bien fort, & le plus qu'il pourra, puis faites le ietter ſur vn liêt, alors verrez que ledit ſirop fera vn grand effect, faiſant ietter force matiere par la bouche, laquelle ſera fort legere & eſcumeuſe, au bout de deux heures le ferez diſner, faut qu'il vſe pour quelques matins

dudit sirop de la mesme façon , & verrez grand effect, que si au lieu de ladite decoction vous prenez le suc de ladite herbe, & faites depurer, clarifier, & reduisez en sirop comme dessus il sera de plus grand effect, mais il ne sera si agreable au goust.

Pour faire vne eau pectorale grandement utile.

Faut prendre la racine d'althea, ou mauue blanche demy liure, laquelle faut bien nettoyer, & oster le baston du mitan, la taillerez en petites piéces, & la ferez boüillir dans vn pot de terre vernissé, avec les suiuan-tes choses, prenez miel rosat, & à son defaut miel commun demy liure, iu- iubes quatre onces, raisins de damas nettoyez de leurs arilles trois onces, orge mondé demy liure, figues seiches trois onces, scabieuse, fueille & racine

bien nettes, deux liures, trois pomes douces mondees & taillees menues, & le tout eſtant bien boüilly, & reduit comme en paſte, avec quantité ſuffiſante d'eau, les coulerez avec forte expreſſion, afin d'en tirer toute la ſubſtance, à laquelle collature adiouſterez vn liure de ſucre fin, & deux onces de canelle, plus ou moins, ſelon le temperament du patient.

*A faire vn parfait huile de l'Aretin,
ou des Philoſophes.*

Faut prendre de brique neuue, qui n'aye iamais touché l'eau, ny ayent eſté mis en œuvre, leſquels romprez en pieces, & les ferés bien chauffer, iuſques qu'ils deuiennent rouges dans vn fourneau à feu de charbon, & non à flamme, & eſtant bien rouges, les faut mettre dans vn pot de terre verniſſé, où il y aye quan-

tité suffisante d'huile commun, le plus vieux sera le meilleur, & toutaussi tost faut bien couvrir le pot afin que les vapeurs ne s'exhalent, faut laisser bien imbiber l'édites briques & matons dans l'huile, & les rompez subtilement, puis les mettez dans vn alambic de verre à distiller à feu de grade, le plus doucement que faire se pourra, & ladite distillation, la faut reïterer par sept fois, la huiëtiesme fois ne te restera qu'une once, voire demie once pour liure, mais sera de plus grand effect, & plus excellent de ceste façon, aduertissant que deuant que le distiller la huiëtiesme fois, il y faut adiouster audit huile canelle, girofle, gingembre, noix muscade, & poiure, la quantité telle que iugerez proportionnée audit huile, conquassant le tout grossierement, puis distiler, & aurez vn huile admirable, non seulement pour toutes douleurs froides, mais en-

cores eſt vn ſouuerain baume aux playes pour les guerir à perfection, lequel faut garder dans vne ſiolle bien forte & bien bouchée, afin qu'il ne ſ'eſuapore & perde ſa vertu.

Huile admirable & de grande vertu.

Prenez vers de terre, autrement dits lūbrics, leſquels lauerez à perfection avec vin blanc vne once, huile roſat vne liure, marjolaine & rue, de chacun quatre onces, vne vipere rouſſe toute viue, vin rouge quatre onces, faut faire bouillir le tout par enſemble iuſqu'à la conſommation du vin, & que la vipere ſoit cuite, apres coulez ledit huile avec forte expreſſion, & y adiouſtez ſafran deux dragmes, mirrhe vne dragme, calamo aromati- co deux dragmes, vin aygre trois onces.

Faut laiſſer le tout en infuſion par

espace de cinq ou six iours , apres faites le tout cuire à feulent, iusqu'à la consommation du vin aygre, & de nouveau retournés à couler avec forte expression , & adioustez de nouveau à la colature mirabolans, chebuli, belirici & emblici, de chacun vne dragme & demie, poiure noir, blanc, & du long, de chacun vne dragme & demie, racine d'ache & de fenouil de chacun vne dragme, turbit trois dragmes, serapino, opoponas, semence de iusquiam blanc de chacun vne dragme, gingembre vne dragme, racine d'iris vne dragme & demie, tapfia demy dragme, anis, cardamome de chacun demy dragme, spica demy scrupule, huile de Kerua demy liure, huile des philosophes vne once, huile Vulpin quatre onces, euforbe vne dragme & demie, vin tres-bon & parfait vne liure.

Meslez le rout par ensemble, estat

pillés groſſierement, & ferés bouſſillir iuſqu'à la conſommation du vin, apres exprimez l'huile que conſerue-
rés dans vn vaſe de verre bien bou-
ché, & tant plus ſera vieux tant plus
ſera parfait, & quand vous vous en
voulez ſeruir faut qu'il ſoit chaude-
ment appliqué, & au deſſus y mettre
des eſtoupes ſeiches & bien chaudes.

Ledit huile eſt grandement vtile à
toutes les maladies des nerfs & des
joinctures, cauſées de cauſe froide,
conforte & conſolide toutes playes,
ayde grandement aux ſpalmes, à la-
paralyſie, à la ſciatique, à la douleur
du ventre, à l'épilepſie, aux douleurs
des reins, à la colique, à l'opilation, à
la douleur de la matrice, à la douleur
de la veſſie, à rompre la pierre: & pour
la pierre ou ſable faut oindre les reins,
la partie où eſt la douleur, deſſus l'oſ
pubis, & le plus chaud que faire ſe
pourra.

*Electuaire pour les hernies , du grand
Duc de Florence Cosme
de Medicis.*

Prenez colophonia, noix de cyprés , consolida-major , mastic, bol armine & gomme adragant, de chacun deux dragmes, poil de lieure vn scrupule, miel commun du meilleur vne liure.

Du tout en ferez vn electuaire selon l'art, duquel en faut prendre le matin vne heure auant disner, ou le desjeuner, la quantité de la grosseur d'vne chasteigne, & faut continuer l'espace de douze ou quinze iours, selon la grandeur du mal, & sur la partie mettez l'emplastre suiuant.

Emplastre pour l'hernie.

Prenez aloës hepatic, mumie, gomme arabique, iris de Florence, sang de dragon, consolide-majeure, terre sigillée, de chacun demy once, vessie d'orme quatre dragmes, reduisez le tout en poudre subtile, laquelle adiousterez selon l'art à ce qui s'ensuit.

Prenez de la poix, colofonia, mastic, galbano, dissoud dans le vin aigre, therebentine, cire iaune, de chacun vne once, du tout en ferés vne masse d'emplastre, de laquelle vous en seruirez au besoin.

*Autre emplastre pour le mesme effect,
duquel ie me sers ordinairement.*

Prenez huile de iaune d'œuf, huile des philosophes & huile d'hi-

pericon, de chacun quatre onces, huile de therebentine, & huile de mastic, de chacun vne once, emplastre de pelle aretina quatre onces, galle de leuant, noix de ciprés, de chacun demy once.

Du tout en formerez vn emplastre que vous appliquerez sur la partie, duquel en verrez grand effect.

Aduertissez qu'avec ledit emplastre faut garder le repos, & en cas de necessité qu'il faille marcher, faut porter le bandage bien approprié, serrant esgalement la partie.

Eau pour la pierre.

F Aut prendre suc de parietaire vne liure, vn oignon blanc, duquel osterés les premieres pelicules & taillerés en rouelles subtiles, deux petits limons taillés en ruelles subtiles, tant l'escorfe que le dedans, sucre candy,

ou ſucre fin demy liure, miel du meilleur vne liure, vin blanc du plus fort & du meilleur trois liures.

Le tout faut diſtiller par alambic de verre au bain-marie, & de ladite eau en donnerés à boire au patient enuiron quatre onces, ſelon la complexion & force du malade, reiterés ſelon le beſoin ou grandeur du mal.

Autre pour le meſme effect.

PRenez des petits limons deux liures, ſemences de limons trois onces, ſaxifrage, ſcolopendre, meliſſe, parietaire, de chacun demy manipule, eſparges vn manipule, creſſó aquatique, hyſope, racine de fenouil, racine de perſil, de chacun trois onces, ainâdes de pecher quatre onces, fleur de mauue, vn manipule du gramen, racine d'ononide, anec les fueilles & fruiets, de chacun ſix onces.

Pilés le tout par ensemble en forme d'vnguent, ou paste fort liquide, & metez à distiler dans vn alambic de verre en bain-marie, laquelle faut garder dans vne fiole bien bouchée & en donnerés à boire trois onces le matin, deux heures auant le repas, & faut continuer l'espace de vingt ou vingt-cinq iours durant.

Autre eau pour le mesme effect, & de grande vertu.

Faut prendre racine d'eringio marin quatre liures, racine de nonide deux liures; regalisse deux onces, semence ou boutos d'alchecange six onces, limons petis de suc, lesquels ont l'escorce verte & subtile, au nombre de quinze, lesquels taillerés subtilement, & par apres pillerés tout ensemble grossierement & le mettrés en infusion par espace de deux iours na-

turcls dans huiët liures de vin blanc du meilleur, & du plus puissant , avec ſept liures d'eau de gramen diſtilce en bain marie, eſtât le tout bien bouché afin que la vertu ne s'exhale, apres le faut diſtiler par bain marié, de laquelle eau en faut prendre deux onces le matin deux heures auant boire & manger.

Pour la carnoſité, remede de grand eſfect, enſemble la methode qu'il faut tenir à penſer les carnoſitez.

LOrs que l'homme reſſent le mal de la carnoſité, lequel on reco- gnoiſt à la difficulté d'vriner, & à la douleur qu'on patiſt, quand on veut vriner, & ſur tout quand on ſonde le mal, la chandelle ou ſonde trouue reſiſtance & empeschement au paſſage, & quelquefois ladite carnoſité eſt ſi grande, qu'elle empesche tout à fait

la sonde de passer outre.

Or pour cōmencer la dite cure, faut prendre vne chandelle longue & subtile, telle que nous auons ordinairement pour tel effect, laquelle oindrés avec huile d'amende douce, & metrés dans le canal de la verge, iusqu'à ce que vous aures rencōtré la dite carnosité, alors avec l'ongle vous marquerez vōstre dite chandelle & la tirerez hors, & par ce moyen vous sçaurez la profondeur de vōstre carnosité.

Ainsi apres auoir ordonné au patiēt le regime de viure, lequel doit estre plustost raffraichissant & desseichant qu'autremēt, lequel regime doit estre commencé huiēt iours auant que commencer les medicamens, & continuer iusqu'à la curation parfaite, & apres auoir donné vn bolus de casse à vōstre patient, le lendemain vous aures vne sonde assez subtile d'argēt, ou bien vne corde de lut vn peu grosse.

se, de la longueur suffisante à la mesure qu'auroit pris la profondeur de la carnosité, puis vous aurés vne bande de toille large d'un demy doigt, laquelle vous oindrés de l'onguent cy apres descrit, en enuclopperez en forme d'une vice vostre sonde, aduertissant que la grosseur ne donne difficulté d'entrér, & de ceste sorte vous mettrés vostre sonde enucloppée, & la portérés si auant que porte la mesure qu'avez pris de vostre carnosité, puis tournant à rebours vostre dite sonde du voltement qu'avez fait avec ladite bande, tirérés ladite chandelle avec dexterité, & laisserez vostre bade au dedans, laissant vn peu de ladite bande au dehors afin de la pouuoir tirer, laquelle faut laisser, & ne l'oster que deux fois le iour, ou bien quand le malade veut vriner, & la faut remettre tousiours de la mesme façon, ainsi vous verrés que de là à quatre ou cinq

iours la chandelle passera plus outre, & plus librement, à mesure que l'vnguent viendra à ronger ladite carnosité, & à mesure que la carnosité se consommera, le patient commencera à vriner plus librement, mais ce sera avec douleur, à cause de l'vlcere qui se fera faite à la place de la carnosité.

Alors faut laisser le premier vnguent, & vser du second de la mesme façon & maniere que du premier, puis dans peu de iours vous cicatrisez vostre dite vlcere, & le patient restera libre, avec l'ayde du Tout-puissant.

Premier vnguent qui mange la carnosité.

Prenez seruse de Venise demie dragme, camfre, tutie preparee, & litharge d'argét, de chacun vne dragme, antimoine demy dragme, trochisque d'albi rasis sans opio, deux

ſcrupules , huile roſat trois dragmes ou enuiron pour incorporer les ſuſdites choſes , pour en faire vn vnguent en ceſte ſorte.

Après auoir ſubtilement pulueriſé le tout , le faut mettre dans ledit huile en infuſion par l'eſpace de vingt-quatre heures , dans vn mortier de plomb , en remuant deux ou trois fois à chaque heure avec vn pilon qui ſoit ſemblablement de plomb , par ce moyen ledit vnguent ſe fera à toute perfection.

Second vnguent pour raffraiſchir et cicatrifer l'ulcere qui a laiſſé la dite carnoſité.

Prenez vnguent roſat , vnguent de ſeruſe , & vnguent de tutie , de chacun demy once , camfre deux dragmes , liege bruſlé vne dragme.

Mellez le tout par enſemble , ſelon

l'art, ainsi vostre vnguent sera faict, & en vserez comme dessus.

Emplastre admirable pour la pleuresie.

Prenez racine d'althea trois onces, d'anet & de violettes de chacun deux onces, farine d'orge, de fœnu grec, & de semence de lin de chacun deux onces, huile violat, de camomille & d'amende douces, de chacun huit onces, cire iaune & beurre fraiz, de chacun quatre onces.

Faut bien nettoier & lauer la racine d'althea, la tailler en petites pieces, puis la bien faire cuire dans de l'eau, & estat bien tendre & reduite en paste, la faut faire bouïllir avec vos huiles fort lentement, & iusqu'à ce que iettant quelques gouttes sur le feu dudit huile, il ne crie plus, puis adiouster le reste, & selon l'art faut faire vostre emplastre que vous appliquerez chaudement

ſur la partie, & verrés grand ſoulagement.

*Vnguent avec lequel l'on peut prouoquer
le flux de ventre ou de bouche
tel qu'on veut.*

PRenez elebore blanche & noire,
hermodate, iuſquiame, acore, ſuc
de ſemper viua & bethoine, de cha-
cun partie eſgale, à la quantité que
vous iugerez neceſſaire.

Faut incorporer le tout avec graiſ-
ſe de porc, laquelle ſoit vieille, & le re-
duirés en vnguent, duquel quád vous
voudrés prouoquer le flux de bouche
en oindrés la palme de la main, & ſi
vous voulez prouoquer le flux de
ventre, faut oindre la plante des
pieds, & quand vous voulez arreſter
l'operation, faut bien lauer avec eau
chaude la partie que vous aurez
oint, puis l'oindre avec l'vnguent,

dit populeon, ainsi cessera son effect.

*Emplastre pour resoudre les tumeurs
froides et scrophuleuses.*

Prenez diachilon avec les gommes quatre onces, poudre de cantarides deux scrupules, farine de moutarde vn scrupule, miel brulé deux scrupules, poiure puluerisé demy once, sel commun deux dragmes, cire iaune autant qu'il en faut pour donner corps à vostre emplastre, lequel ferez selon l'art.

Quand vous vous en voulez seruir, faut premierement appliquer sur la tumeur vn linge fort delié, & au dessus dudit linge vous appliquerez vostre emplastre, & faut changer deux fois le iour vostre linge, & à mesme temps raffraichir vostre emplastre & à chaque fois que vous le changerez trouuerés vostre toille toute

moüillée, & la chair fort blancheſtre, avec les pores ouuerts, teſmoins de la diſſipation, & reſolution de ladite humeur, laquelle en peu de iours verrés diſſiper, & la partie demeurer libre, laquelle vous corroborerez, & fortifierés avec vn emplaſtre de diapalme, ou de ceruſe.

Emplaſtre de ſparadrap, admirable pour les vlcères.

Prenez le marc ou reſidance qui vous eſt demeuree de l'huile de cire que vous aurez tiré ſans brique, huile de cire, huile de mirrhe, de chacun trois onces, colofonia deux onces, therebentine de Veniſe vne once, emplaſtre de diapalme, de triapharmaco, de chacun d'eux onces & demie, vnguent apoſtolorum, trois onces.

Faut incorporer le tout dans vn

poillon à feu lent en remuant tousiours avec vne spatule , & estant le tout bié fondu & malaxé par ensemble, prenez des pieces de toilles subtiles & bien sechees au feu, lesquelles vous tremperez dans ledit emplastre tout chaudement, lesquelles estat bien imbibees, les estendrez & laisserez refroidir pour vous en seruir au besoin.

Sparadrap d'autre maniere pour les vlcères complices d'inflammation.

Prenez camfre vne once, minio & litarge de chacun deux liures, plomb brulé vne liure, tutie dix dragmes, huile commun, & huile rosat de chacun six liures, eau de vie six dragmes, cire iaune six onces.

Faut faire chauffer vos huiles dans vn poillon à feu lent, & estant chaud metrez la litarge, le minio & le plób,

le tout bien & ſubtilement pulueriſé, en malaxant le tout avec voſtre eſpatule, à la fin adminiſtrés voſtre eau de vie, apres la cire & le dernier le camfre, & le tout bien malaxé par enſemble, trempés voſtre toille ſubtile ainſi qu'auons dit cy-deſſus, ou bien tendrés voſtre toille bien fort ſur vn chaſſis, & avec vn pinceau proche du feu l'irés imbibant dudit emplatre que vous taillerés quand vous vous en voudrés ſeruir, de la grandeur que voſtre vlcere le requerra.

*Huile admirable pour les vers elle, ſert
encores pour les playes ſimples.*

Prenez mirrhe choiſie ſept onces, maſtic neuf onces, aloës epatique dix huiët onces, ſel commun vne once.

Toutes leſquelles choſes faut mettre à diſtiller dans vne retorte à feu lét avec diligence, d'où vous aurés pre-

mierement vne eau, apres viendra vn huile fort admirable pour les vers en frotant avec vne goutte seule l'orifice del'estomac, & outre cet effet, vne seule goutte est capable de guerir & cicatrifer vne playe simple quelle qu'elle soit dans vingt-quatre heures, ie dis aux playes simples, car aux composees les bons Praticiens sçauent qu'il ne faut fermer ou cicatrifer sans au parauant auoir osté la cause qui la rend ainsi composee.

Tabletes pour faire mourir les vers.

F Aut prendre rheubarbe choisi, agaric, semence d'aliüne, barbotine ou semen contra, diagrede, de chacun vne scrupule, sucre clarifié autant qu'il en faut pour former vos tablettes desquelles en donnerez au matin à ieun deux dragmes, plus ou moins selon que iugerez del'aage & des forces du malade.

Vnction pour faire mourir les vers.

Prenez vn orange aigre , aloës epatic vne dragme , ſafran vne ſcrupule , theriaque fine deux dragmes , ſuc de la meſme orange deux dragmes.

Faut vuidier voſtre orange qu'il ny reſte rien au dedans que l'eſcorce , & par apres la 'remplir des choſes ſuſdites, leſquelles aurés bien meſlé & malaxé par enſemble, eſtant plaine la faut fermer avec ſon couuercle que vous aurés taillé pour le vuidier, apres faut entourer ladite orange d'vne piece de linge moüillé , & le mettre ſouz les cendres chaudes par eſpace de quatre heures , & avec telle liqueur faut oindre les poulces, le nez, les temples & toute la regiõ du ventre, le tout chaudement, & ſur le ventre y appliquerés par deſſus vn papier gris & vn linge en double chaudement.

Vnguent pour la brulure.

PRenés la seconde escorce de sucreau, laquelle est verte, des raues bien mondees & rapees, de chacun partie égale, faut faire le tout boüillir avec du vin & huile rosat iusques à la consommation dudit vin, & à la fin de l'ebullitió faut adiouster graisse de porc masse, autant qu'il en faut pour donner corps à vostre vnguent, lequel garderés au besoin.

Autre pour la Brulure.

PRenés chaux viue vne liure, suc de blettes trois liures, faut mesler ledit suc avec la chaux, & le laisser par l'espace d'vne heure, apres coulez & degoutez le plus clair de vostre suc qui surnage sur la chaux, lequel metrez dans vn plat, auquel

adiouſterez huile roſat peu à peu, en remuât touſiours avec ſpatule iuſques à ce qu'aurez formé voſtre vnguent, lequel eſt admirable, & le metant ſur la bruſſure, il oſte toute auſſi toſt l'ardeur & douleur, arreſte le feu & empêche la defeſtuoſité de la cicatrice laiſſant la partie ſans leſion.

*Poudre de grand effet pour les enfans qui
laſchent leurs eauës dans le
liët en dormant.*

Prenez eſtomac de gelines preparés quatre dragmes, agrimoine huiët dragmes, poudres de heriſſon terreſtre bruſlé, trois dragmes.

Faut pulueriſer le tout ſubtilement & en donnerés au poids d'vne dragme, dans du vin ou du bouillon quand l'enfant s'en va coucher.

Peur la suffocation de matrice.

Prenez fleurs de noix communes que ferez seicher à l'ombre, lesquelles donnerés au poids d'une dragme ou environ, selon que iugerez à propos, tant pour les forces, que pour la grauité du mal, & les detremperés avec du vin, ou du boüillon.

A Venise les Medecins vsent avec heureux succès des deux remedes suivants.

Le premier est, qu'il faut prendre turbit parfait vne dragme, cinamome demie dragme.

Le tout puluerisé subtilement, le donnerez à boire avec du vin à jeun.

Le second remede est vne petite potion faite en ceste sorte, prenez theriaque fine vne dragme & demie, semence d'agnus castus, subtilement puluerisee vne dragme, poudre

de diarhodon abbatis, ou d'aromaticum roſatum, ou de tria ſantali, ſelon que iugerez la complexion chaude ou froide, demy ſcrupule, laquelle poudre vous ferez prédre avec du bó vin.

A Rome l'on vſe avec heureux ſuccés du remede ſuiuant, prenez polipode vne once, hermodates trois dragmes, turbit deux dragmes, anis & fenouil de chacun quatre dragmes, gingembre deux ſcrupules, dragrede deux dragmes.

Faut le tout reduire en poudre tres-fubtile, de laquelle en donnerez au poids d'vne dragme dans du vin blanc vn peu tiede, ceſte poudre eſt encores admirable pour les coliques.

*Pour faciliter l'accouchement à
vne femme.*

F Aut prendre eſcorce de caſſia ſiſtula & cinamone, choiſi de cha-

cun demy dragme, safran vne scrupule, trochisque de myrrhe vne dragme, reduisez le tout en poudre tres-subtile, laquelle donnerés à boire avec du bon vin blanc vn peu tiede.

Autre poudre pour le mesme effect.

Prenez cassia fistula & canelle fine, de chacun deux scrupules de melisse, sabine, dictame blanc, safrá, char-don benist & dauco, de chacun vn scrupule.

Faut le tout reduire en poudre bien subtile, laquelle donnerés à boire avec du bon vin blanc, ceste poudre a grande vertu à prouoquer le mois aux femmes, arreste la douleur depuis l'enfantement, & purge grandement la seconde apres l'accouchement.

Pour

*Pour empescher qu'une femme enceinte
ne se blesse.*

Prenez rubia tintorum, semence
de mirthe, balauſte, bol d'Arme-
nie oriental, ſang de dragon fin, de
chacun vne dragme, maſtic en larmes
deux dragmes.

Faut faire du tout vne poudre très-
ſubtile, de laquelle en faut donner au
poids d'une dragme, & pour plus
grande perfection faut auoir vne ou
deux dattes, leur oſter l'oſ du dedans,
puis les entourer avec vn linge trem-
pé dans du vin rouge, & le mettez
ſouz les cendres chaudes, ainſi chau-
dement y mettez dedans voſtre pou-
dre, & ferés prendre à voſtre malade

Poudre pour le Goitre.

Faut prendre esponge marine, bale ou palotte marine, os de seiche, poiure long, poiure noir, cin amonc, sel gemme, piretre, gale, spine de rose, ou esponge de rose sauuage, de chaque chose partie esgale.

Faut pulueriser le tout subtilement, excepté l'esponge marine, la belle marine, & l'esponge de rose sauuage, lesquels se doiuent brusser dans vn petit pot de terre bien bouché & luté, & les cendres les faut mesler ensemble avec les autres poudres, & passer le tout par le tamis, de laquelle poudre en mettrés au deffouz de la langue le matin, le patient estant esucillé apres le premier sommeil, ou bien l'on en peut vser le soir & le matin en mettant souz la langue, & mesme l'on en peut mettre en forme d'espace sur les

viandes , mais il faut que ce ſoit les quinze iours que la Lune decline, & non en croiſſant , & continuer pour quelques mois, & verrés effectſ admirables.

Autre recepte pour le meſme effect.

POUR la cure dudit goitre faut faire trois choſes (apres auoir bien purgé le corps,) ſçauoir l'eau pour boire, la poudre pour vſer, ainſi que nous dirons, & le parfun, le tout ſe fera comme ſ'enſuit.

Prenez eſponge fine & bale marine, de chacune partie eſgale, que ferez calciner dans vn pot de terre bien bouché & luté, à laquelle poudre adiouſterez vne noix muſcade, demy dragme de giroſſe, & vne once de ſucre candi.

Le tout ſubtilement pulueriſé , & meſlé par enſemble, de laquelle pou-

dre en prédrés d'vne partie, de laquelle vous en seruirés de la mesme façon que de la precedente recepte, & de l'autre partie la mettrés dans vn pot de terre vernisé, faiët à la façon de ceux qu'on fait la ptisane, & ledit pot le remplirés d'eau de gramen, ferés donner vn boüillon, & de cesteeau le patient en vsera à son boire avec du vin.

Pour le parfum faut prendre du baume du meilleur qu'on peut recouurer, & huile d'amende amere, de chacun vne once; esponge fine calcinee à la façon cy-dessus descrite demy once, meslez le tout par ensemble, apres ayez vn demy baril, dans lequel ferés mettre vostre patient au defaut d'vne estuue, & là avec vn rechaud plein de braise, peu à peu arrouserés les charbons de ce parfum, & ferés prendre la fumee à vostre patient de la façon qu'on donne les estuues, & le tout se

doit faire au declin de la Lune.

Baume artificiel grandement ſiccatif.

Prenez therebentine de Veniſe vne liure, miel du meilleur, lequel faut eſcumer, cire neuue, de chacun demy liure, carpobalfamo, armoniac, numie, opobalfamo, bdelio, de chacun deux onces, gomme arabique, deux dragmes, binioin, ſtorax, calamite, de chacun deux onces.

Faut piller les choſes qui ſont à piller, & le tout faut incorporer & mettre dans vne retorte bien lutée auec ſon recipiant, & ſur vn fourneau bien approprié, auquel du commencement donnerés feu de grade, lequel augmenterez peu à peu, & aurés vne huile de couleur d'or, laquelle garderés dans des phioles doubles bien lutees.

Ce baume eſt admirable aux bleſ-

Autre baume.

Prenez therebentine, resine, coulez
de chacun quatre onces , huile d'a-
beze huiet onces, binioin, storax, ca-
lamite, de chacun vne once & demie,
gomme elemy, demi liure, opoponas,
mirrhe, aloës epatic , galange, zedo-
ria, ciperus, girofle, canelle, de chacun
vne once, racine de valeriane, deux
onces, bethoine; fleur de romarin, spi-
ca nardi, de chacun deux onces, noix
muscade demy once, eau de vie de la
plus fine demy liure.

Pilez ce qu'il faut piler, & le tout
mettez dans vne retorte de verre lut-
tec, y appropriant son recipient & son
fourneau, faut que le tout se distille à
feu de sable fort doucement, en aug-
mentant peu à peu le feu, du commen-

ceiment aurés vne eau tres-claire, & quand verrés monter les eſprits changez de recipiant, & aurez vne huile de couleur d'or tres-parfaiët que garderez pour vous en ſeruir pour playes & & douleurs froides.

*Baume qui a la meſme vertu que
celuy des Indes.*

Prenez deux dragmes de mirrhe bien choiſie, aloës epatic, ſpica nardi, ſang de dragon, encens, mummie, opopona, bidelio, armoniac, ſarcocole, ſafran, maſtic, gomme arabique, ſtorax liquide, de chacun deux dragmes & demy, laudane bien choiſi demy dragme, caſtor deux dragmes, muſc demy dragme, therebentine au poids de toutes les ſuſdites choſes.

Toutes leſquelles choſes pulueriſces faut meſler par enſemble, & met-

tre dans vn alambic de verre bien lutté; auquel donnerés le feu de degré en degré, & quand verrés que les esprits commenceront à venir, changez vostre recipant, & aurés vn huile qui sera vn tres-parfaiët baume pour toutes playes, lequel les guerit en bref temps.

*Pour arrester le sang du nez Et
des playes.*

PRenez terre sigillee de la plus grosse, laquelle mettrés rougir au feu le plus qu'il se pourra, après puluerisez la tres-subtilement, de laquelle vous en seruez pour mettre dans le nez, & arrester tout aussi tost le sang, comme aussi de toutes playes.

Autre pour le meſme effect.

PRenéz de la mouſſe, fleurs denoix,
faites le tout ſeicher à l'ombre,
apres reduiſez en poudre tres-ſubtile,
de laquelle vous vous ſeruirez pour
arreſter le ſang, & fait grand effect.

*Pour arreſter le ſang d'une veine rom-
pue en la poictrine, Et pour le
flux diſſenterique.*

PRenéz gomme arabique, gomme
adragant, amidon, de chacun
quatre ſcrupules, ſemence de roſes
rouges, ſemence de pourpier, ſeméco
de coin, de chacun deux ſcrupules, ter-
re ſigillee, bol armene oriental, ſang
de dragon, encens maſle, maſtic, pier-
re ematite, de chacun vne ſcrupule,
raſine de ſymphyton maieure huiët
dragmes, trochiſque de terre ſigillee,

& de spodio , de chacun quatre scrupules.

Pilez le tout subtilement , & avec sirop de nerthe formez en vne masse de pilules , de laquelle en donnerez vne dragme à la fois , le matin à ieun, reïterant de temps en temps selon la necessité que iugerez à propos.

La maniere de faire vn distilé de grande substance pour vn malade attenué de fieures malignes , ou autres maux semblables.

Prenez deux liures de la poulpe d'un chapon vieux, pain rosty, infusez en quelque bon vin aromatic ou hipocras au poids de quatre onces, sucre fin demy liure , perles de leuant preparees deux dragmes, corail blanc & rouge de chacun demy once, feuil-
le d'or au nóbre de quarante fueilles.

Faut incorporer le tout par enſemble dans vn mortier de marbre, & reduire le tout en forme de paſte, laquelle mettrés dans vn alambic de verre à diſtiler par bain-marie, & ſur icelle paſte adiouſterez eau deſcorce-
nere, eau de bugloſe, endiue & de bou-
rache, de chacun quatre onces, de la-
quelle en aurés vne eau tres-claire, &
de grande ſubſtance, que donnerés à
boire à voſtre malade de temps en
temps, ſelon la neceſſité que vous iu-
gerés.

Diſtilé d'autre maniere.

Prenez vn chapon des plus vieux,
lequel plumerés, & oſterés ſes en-
trailles, l'ayant auparauant apres l'a-
uoir eu plumé, bien fouëtté, & bien
trauailé, eſtant encores viuant, apres
le lauerés bien avec tres-bon vin, puis
le pillerés bien fort dans vn mortier

tant l'os que la chair , adioustez y
moüelle d'os de veau quatre onces,
canelle fine demy once, girofle demy
scrupule, racine de buglose & de bou-
rache de chacun vne once, perles, ja-
cinthes, esmeraudes & saphirs prepa-
rez de chacun deux scrupules , fucilles
d'or au nombre de deux cens , sucre
fin quatre onces , mie de pain blanc
deux onces.

Faut le tout piler , & incorporer
dans vn mortier de marbre bien net,
en forme de paste , y adioustant dix
onces d'eau de roses rouges, & la met-
trez dás vn alambic de verre à distiler
en bain-marie ou au sable , & aures
vne eau de distilé tres-parfaite , pour
restaurer les forces à vostre malade.

Baume pour toutes playes d'arquebusade.

Prenez mirrhe quatre onces, vert
de gris & borrax , de chacun

deux dragmes & demie, ſafran vne dragme & demie, ſemence de mille pertuis demy dragme.

Faut pulueriſer le tout fort ſubtilement, & mettre le tout par enſemble dans vne fiole bien double, y adiouſtant quatre onces de miel roſat, & la fiole bien lutee la faut enterrer dás vn fumier, par l'eſpace de quinze iours, apres faut prendre des œufs, leſquels ferés durs, les taillerés par le mitan, oſterés le iaune, & en la place les remplirés de la mixtion que vous aurez mis dans voſtre fiole, deſquels œufs reioindrés les pieces les vnes contre les autres, les liant avec du filet, apres aurés vn grand plat ou terrine verniſſée, au fonds de laquelle ferés vne forme de grille de bois, ſur laquelle mettrés vos œufs, en façon qu'ils ne touchent le fonds de ladite terrine, les tiendrés en quelque caue ou lieu humide, & de là à quelques

iours trouuerés au fonds de vostre terrine vn huile qui aura coulé desdits œufs, laquelle garderés côme vn precieux baume d'arquebusade, lequel faut appliquer chaudement, & en faire couler dans la playe.

*Vn autre baume d'arquebusade
fort bon.*

PRenez de la therebentine & huile rosat de chacun six onces, fleur & graine de mille pertuis, sommitez de la petite centaure, avec sa semence, vne petite poignée de chacun, mirrhe trois dragmes, borraux, storax liquide, vne dragme de chacun, eau de plantin quatre onces.

Faut mettre le tout dans vne fiolle bien bouchée & l'enterrer dans du fumier par l'espace de trente iours, apres coulerez le tout avec forte expression, & en cas vrgent faut faire

boüillir vostre fiole par espace de six heures en bain-marie, mais fort lentement, coulez & vous en seruez: si la chair est fort humide, ou qu'on soit en hyuer, l'on peut adiouster audit baume vn peu d'eau de vie, la quantité telle que vous iugerés nécessaire.

Eau d'harguebusade, laquelle sert aussi pour les vlcères.

Prenez Aristoloche ronde, graine delaurier, de chacun deux onces, cendre d'escreuiffe vne once, consolida media, dite prunelle, & peruanche, de chacun demy manipule, vlmaria, & nicotianne, de chacun vn manipule, faut le tout conquasser, & piler grossieremét, le mettre en infusion dans vne quantité suffisante de vin, dans vne retorte bien bouchée & lutée avec son recipiant, par espace de vingt-quatre heures, apres ferés disti-

ler à feu de sable, de laquelle eau en
ferés vos iniections dans vos playes
d'harquebusades, ou en fomenterez
vos vlceres, le tout chaudement.

*Baume pour arrester la putrefaction, ou
commencement de gangrene qui
se met aux playes d'har-
quebusades.*

PREnez demy once vert de gris
brullé, avec eau de plantin, myrrhe,
aloës, encens, bold d'Armenie, racine
d'aristoloche ronde, storax liquide, de
chacun demy once, borraux de Venise,
racine d'iris de Florence, safran, de
chacun vne dragme & demie, somi-
tez de petite centaure, & d'hipericon,
absynthe vulgaire, agrimoine, de
chaque vne poignée, grains de balsa-
mine, ou pommes de merueilles,
deux dragmes, jus de plantin, d'ache,
d'agrimoine, d'absynthe, du petit cé-
taure,

taure, de chacun deux onces, therebentine, cau de vie, de chacun quatre onces, miel roſat trois onces, huile roſat vne liure, huile d'hipericon demie liure.

Faut mettre le tout dans vn pot bien verniſſé, bien bouché & luté, lequel faut enterrer dans le fumier par l'eſpace de vingt-cinq iours : puis couler avec forte expreſſion, duquel huile en mettrez dans voſtre playe quelques gouttes chaudement, & verrez eſſect admirable, bien approuuée.

*Baume lequel au commencement de la
playe d'harquebuſade, empêche la
pourriture & putreſaction.*

D Renez les ſommittez d'hipericon
plein de ſa ſemence, ſommittez
de la petite centaure avec ſa ſemence,
de chacun vne poignée, vers de terre

bien lauez avec le vin blanc, quatre onces, suc de la nicotiane, suc de millepertuis ou hipericon, & de plantain, de chacun quatre onces, huile rosat parfait vne liure, therebentine de Venise cinq onces, sommites de graine d'hiéble vne dragme & demy, mirrhe vne once & demy.

Faut mettre le tout dans vn vase bien luté, soit de terre vernissé ou de verre, lequel mettez dans le fien de cheual par espace de vingt-cinq iours, puis coulez avec forte expression, & gardez l'huile pour le besoin, lequel est de grande vertu pour empescher la putrefaction aux playes d'harquebuse & playes interieures; prohibant toute malignité, mondifiant, supurant, desechant, & guarit parfaitement bien, pourueu qu'il n'y aye quelque partie noble offencée, quelque grande veine ou artere taillée, d'où la quantité du sang qui s'espan-

cheroit vint à ſuffoquer le malade, auquel accident faut que le docte & expérimenté Chirurgien aye eſgard, ce que ie ſuppoſe toujours à l'appli-
cation de tous les ſuſdits remedes & receptes ſi deſſus décrites, auquel ie laiſſe l'augmentation ou diminution des medicaments, ſelon qu'il verra que le mal le requerra; que ſi ledit Baume eſt fait par diſtillation en bain-maire, ou dans vne retorte à feu de ſable, il ſera bien plus excellent, aura plus de vertu, & ſera pluſtoſt fait, car il n'y faut que vingt-quatre heures d'in-
fuſion deuant la diſtillation.

*Les admirables vertus de l'huile d'apari-
tio, autrement dit, l'huile
de l'Eſpagne.*

P Our conclure tout ce petit di-
cours de noſtre Chirurgie, & pour
la clef de toutes nos receptes & ſe-

crets ie vous veux donner l'huile de l'Espagnole, qui a fait de si belles cures dás Venise ce qui l'a mise en grand credit dans les plus celebres villes & fameuses Vniuersitez d'Italie, & afin qu'on puisse mieux cognoistre son excellence, ie décriray comme il se fait, & comment il le faut appliquer, & à quelles maladies il est bon de s'en seruir : ainsi que pourrez voir par la suiuant description.

Prenez trois liures d'huile d'olif du plus vieux, huile d'abeze, & à son defaut de therebentine de Venise trois liures, grains de froment bien net & bien sec quatre onces, resine vne once, valeriane & chardon benit, de chacun trois onces, hipericon six onces, mirrhe choisie vne once.

Faut mettre dans vn pot de terre vernissé l'huile d'olif, avec l'huile d'abeze & therebentine, puis mettez à feu lent de charbon, & quand il vou-

dra commencer à bouillir le faut oster du feu & mettez vostre resine pillée grossierement, puis mettez l'encens & la mirrhe puluerisez & passez par le tamis subtilement, remuant tousiours avec vne spatule de bois, & le tout estant bien incorporé adiousterez vos herbes pillées grossierement, & vostre froment concassé à part, puis couurez vostre pot & le retournez au feu lent, & quand il voudra commencer à bouillir le faut tout aussi tost oster du feu afin qu'il se refroidisse, vn peu apres mettez le tout dans vne fiole double, la ferrant bien avec vn bouchon de liege & de la cire par dessus, l'exposant comme cela aux rayons du Soleil par l'espace de quinze iours, où bien dans le fumier de cheual, & en ceste façon vostre huile sera fait: mais il vous faut aduertir que quand ledit huile sera fait & que le passerez par vn tamis pour le separer desdites matie-

res vostre mirre ne passera avec l'encens, à cause de son vinctuosité, mais la faut prendre & la mesler avec la main dans ledit huile, iusques à ce que le tout soit fondu & dispersé, & qu'il ne se cognoisse plus, autrement ladicte mirrhe se mettroit toute en vne masse & feroit fort peu de profit; & voulant que ledit huile soit rouge, vous prendrez au lieu de vostre huile commun l'huile d'hipericon, lequel aura esté fait à perfection, & ledit huile aura plus d'effect.

Or pour l'effect dudit huile, il est principalement admirable à toutes sortes de playes, lesquelles nous reduirons en trois chefs principaux.

Au premier nous mettrons toutes les blessures faites par toutes sortes de ferremens enuenimez.

Au second, toutes sortes de blessures faites de quel fer que se soit sans venin.

Au troiſieſme, toutes ſortes de morſures ou pointures d'animal venimeux, comme de ſerpens, ſcorpions, morſeure de chien enragé, & coup de corne de taureau, parce que quand le taureau eſt en colere, il enuoye le venin de ſa colere par la pointe de ſes cornes.

Semblablement les poinctures d'eſpingles, aiguilles, poiſons & eſpines, & meſmement ſi avec ſes pointures les nerfs ou les joinctures ſe trouuent offencées par ces picqueures, & alors pour la grande douleur qui ſ'augmente & correſpond iuſques au cerueau ou leſdits nerfs prennent leur origine, laquelle eſt cauſe que la perſonne entre en fièvre & phrénéſie, & bien ſouuent le patient meurt.

Guarit auſſi toutes apoſtemes, tant chaudes que froides, les eſtiſipelles & hemorroïdes, & particulierement aux hommes, parce qu'aux femmes ſont

plus difficiles : Guarit les bubons & charbons , comme aussi toutes brulures faites par feu , fer, eau, huile, & semblables. Guarit toutes les contusions ou meurtrisseures, est bon aussi pour ceux qui ont pris le venin par la bouche ; sert de mesme contre les empestez, est tres-propre pour les vieilles vlceres putrides & enfistulées, mais il se faut bien garder de se servir du dit huile pour les chancres & pour le *Noli me tangere*, à cause qu'il y fait plus de mal que de bien.

Mais puis que le dit huile d'apartio est admirable pour toutes les maladies sudites il en faut voir l'application.

Il se doit mettre sur le mal avec vne piece de linge chaud mouillé dans le dit huile chaud , & vne autre piece mouillée dans du vin blanc , qui soit semblalement chaud.

Il faut doncques vous aduertir

qu'en toutes les playes du premier chef, les morſures & bleſſures du troiſieſme chef, faut mettre ſeulement ledit huile depuis la bleſſure en haut, tant que contient l'enfleure bien chaudement, & ſur la playe les deux pieces que nous auons dit, ſçauoir l'vne trempée dans l'huile, & l'autre le vin chaud, afin de maintenir les pieces humides, ainſi ſe pencheront deux fois le iour, laiſſant tousiours l'eſpace de dix heures entre les deux applications.

Mais quand nous viendrons pour la ſeconde fois à panſer ladite playe ou morſure, il eſt neceſſaire de mettre l'huile dans la playe, parce que ſi à la premiere fois l'on venoit à mettre l'huile ſur ladite playe, cauſeroit faſcheux accidens à cauſe que le venin venant à fuir le médicament attaque- roit ſans doute quelque partie noble, & pourroit cauſer la mort, mais fai-

fant comme dessus, tout le venin sortira hors de la playe deuant que arriuer au second appareil.

Tout aussi tost que le malade sera pansé, il luy faut faire boire vne once dudit huile, dans trois onces de vin blanc, lequel luy fera rendre le venin par la bouche, ou par le bas, & le faut reïterer, s'il en est besoin le lendemain, mais non pas en si grande quantité.

Pour les blessures du secôd chef, faites en quelque maniere que ce soit, mais sãs venin, sont de deux moyés, ou penetrantes, ou nō penetrâtes, les penetrantes sont celles du ventre, estomach ou poiêtrine, dans lesquelles faut premierement faire entrer du vin blanc vn peu chaud, & les lauer & basliner selon l'art, apres faut prendre vne once dudit huile d'aparitio (s'entéd pour pãser vne estocade, ou coup de poignart, ou quelque piqueure profôde)

& l'enuoyer dedans la playe avec vne ſiringue chaudement, apres faut mettre la tente mouïllée audit huile, afin que la bleſſure ne ſe ſerre, & par deſſus appliquerez vos pieces comme nous auons monſtré, mais ſur les pieces mouïllées dans le vin, il en faut mettre huiſt ou dix autres ſeches afin que le ſang qui fort la premiere fois de la playe ſ'imbibe par leſdites pieces, avec cela faut que le malade penche vn peu du coſté de la bleſſure afin que le ſang ſe puiſſe mieux eſuacuer par icelle, & ſuiure le meſme deux fois le iour.

Les autres playes non penetrantes ſe medicamentent tout de meſme que nous auons dit des penetrantes, ſçauoir avec l'huile & le vin y adiouſtant vne piece mouïllée dans le vinaigre, laquelle fera la troiſieſme, & l'on ny touchera pas de vingt-quatre heures à cauſe du ſang : c'eſt pourquoy

quand on voudra oster lesdites pieces, les faut oster avec dexterité, les baignant vn peu par dessus avec du vin froid, & faut panser la blessure deux fois le iour, comme aussi toutes les apostemes, mettant tousiours deux pieces mouïlles dans l'huile par dessus, & deux autres mouïlles dans le vin blanc, le tout chaudement.

Quand vous appliquerez les pieces trempées audit huile chaud sur l'érisselle, elle ne se rompra pas: mais fera certaines vessies ou empoules plaines d'eau chaude, & par apres se resoudront en croustes seches & suiuant ledit médicament tomberont d'elles-mesmes sans laisser aucune marque n'y cicatrice.

En appliquant ledit huile sur les charbons ils se perceront, mettra dehors toute la chair morte, fera croistre la chair, ledit huile aussi reunira & cicatrifera en perfection.

Il rompra les autres apoſtemes en leur temps de maturité, & les guerira du tout, mais pendant que ladite apoſteme eſt ouuerte, ſera fort à propos purger le malade, & ſur tout ceux qui ont les eſcroüelles, afin d'oſter tout à fait la cauſe qui foment le mal.

Pour les hemorroïdes elles gueriront parfaitemēt en appliquāt ledit huile avec les pieces, i'entends touſiours chaudement, que ſi elles ſont profondes porterez ledit huile avec vne ſiringue.

Faut noter que ſi à la playe ou apoſteme ſuruient excroiffance de chair il ne la conuient oſter, à cauſe que ledit huile la fera tomber de ſoy-meſme.

Pour la bruſſure il la faut panſer en la lauāt ou baſſinant doucemēt avec vne piece mouillée dudit huile, trois ou quatre fois le iour, la laiſſant touſiours deſcouuerte ſans y appliquer rien deſſus, n'y moins ne faut

toucher à vne certaine humeur blanche qui est dessus ladite brulure, parce que l'huile tirant le feu au dehors la conuertit en cette dite humeur, de laquelle par apres se fait vne crouste rougeastre, & se desechant peu à peu tombe d'elle-mesme, apres laquelle en renaist vne autre, & fait le mesme effet, il ne reste par apres qu'une peau rouge qui se va petit à petit dissipant & la peau retourne en son premier estat sans signe quelconque, pourueu comme i'ay dit, qu'on la laisse decouuerte sans y auoir aucunement touché, de plus aucuns ne resteront estropiez, encores que la brulure fut grande, & que le muscle, nerf, veine, ou artere fussent offenccez, bien est vray que pour tels accidens la partie demeurera pour quelque temps foible & comme endormie; mais il ne faut rien craindre, car tenant tousiours la partie bien couuerte de linges

chauds, elle retournera en ſon premier eſtat par la vertu de c'eſt huile.

Pour les playes ſimples, il ne faut que metre ledit huile chaudement, puis ſerrer & bāder la playe, & guerira en vingt-quatre heures, i'entēs celles qui ne ſont penetrantes, mais ſimples, car les penetrantes il les faut tenir ouuertes avec tentes, autrement elles ſe pourroient trop toſt fermer, & par apres cauſer des graues accidens.

Il faut noter qu'appliquant ledit huile il n'eſt beſoin de mettre des points d'aiguilles à la playe pour ne laiſſer aucune marque, que ſi la playe ſe trouuoit ſi grande qu'on ne peut faire autrement, il y faut mettre vn ou deux points ſimplement, & ne faut prendre que la ſeule peau, & au ſecond appareil les faut oſter.

Si quelqu'un a receu quelque coup

à la teste, & qu'il y aye playe & fracture, faut appliquer la premiere piece mouillée dudit huile, & l'autre mouillée dans le vin blanc, ayant razé le poil apres avoir mouillé & laué la partie avec vin chaud, aduertissant de ne iamaïs tirer os de la teste par force; mais il faut laisser faire audit huile qui les fera tomber & guerira en bref ladite playe en toute perfectiõ, nourrissant legerement vostre malade, & luy pourrez donner à boire du vin bien trempé, encores qu'il eut la fièvre pour suruenir à sa foiblesse, laquelle bien souuent fait mourir le patient à cause de la grande perte de sang qu'il a fait pour sa blessure.

Faut deffendre que ledit malade ne mange oranges, citrons, vinaigre n'y autre chose qui soit aigre.

Pour ceux qui ont prins le venin par la bouche, on leur donnera à boire vne once dudit huile, dans trois onces

de vin blanc, & pour ceux qui ont la peſte il en prendront le meſme poids le matin à ieun, lequel à cette propriété de chaſſer ledit mal, ou par vomifſement, ou par le bas, & le faut reïterer ſ'il en eſt beſoin.

Ne pouuant oſter d'une playe la bale ou autres fers ſans grande douleur, la faut panſer avec ledit huile, en ceringuant ladite playe, lequel huile attirera peu à peu la bale ou fer de dehors, continuant la cure côme deſſus.

L'on guerira les vlceres antiques en purgeant le corps & medicamentant avec ledit huile, & les fiſtules les rendra petites comme vne lantille, & lors qu'elles ſerôt inueterées, les confortera & emportera tout a fait la douleur.

Sert encores ledit huile aux fieures quartes, en frotant l'eſpine du dos le plus chaudement qu'on le pourra ſouffrir vn peu deuant qu'arrive l'accez.

Le vous aurois peu donner des reme-

370 *Antidotaire pour diuerses maladies.*
des à milliers & fort propres pour toutes maladies, parmy lesquels i'ay choisi comme l'esslite ceux-cy, desquels ie vous fay present & ne vous ay voulu charger d'une si grãde multitude, mais seulement des plus curieux & des plus asseurez qui m'ont tousiours reüssi fort heureusement toutes les fois que ie les ay mis en praëtique, que ie vous prie prédre d'aussi bon gré que ie suis certain que vous en serez satisfaits dás l'vsage, ce qui vo⁹ obligera d'en l'oüer Dieu, & le remerciant, prier pour celuy qui vous en fait part.

A Deo omnis medela.

Nous F. Jean Ferran Docteur en Theologie, Prieur du Couuent des Fr. Precheurs & Inquisiteur general de la saincte Foy en la Cité & Legation d'Angnon, permetons l'impression du present liure intitulé, la Quint-essence de la Chirurgie &c. fait en Angnon au Palais du sainct Office dans le Couuent des Freres Precheurs ce 15. Avril 1637.

Fr. I. Ferran. Inquisiteur General.



T A B L E D E S M A T I E R E S
principales contenûs en ce liure.

A



Antidotaire ou description de plusieurs excellens remedes pour la guerison de diuerses maladies.	171
remede pour faciliter l'Accouchement d'une femme, 335. 336. poudre pour le mesme effet.	336
Antidotaire & son effet. 232. qu'est-ce qu'Antimoine, 233. sublimation d'Antimoine, 235. 236. 237. 238. pour en tirer teinture, 239. elle est propre aux vlceres malignes, là mesme.	
Autheurs qui la preuuent, 240. raisons pourquoy elle fait diuers effets,	243
A posteme & sa definition,	11
Apostemes de diuerses sortes,	99
methode pour changer les Appareils sur le membre offencé,	190
d'où deriue le nom d'A posteme, 100. sa definition, il naist de deux causes, 101. 102. Apostemes ont quatre temps, là mesme: elles ont encores trois autres temps, elles finissent par quatre temps, 103 pronostic pour la resolution de l'A posteme, là mesme: pronostic quand elle veut arriuer à la gangrene, quand elle s'endurcit & deuiet petrifiée, 104. on la medicamente par trois voyes 105. obseruation pour s'appliquer le resolutif, là mesme, 106. 107. pour cognoistre de quelle matiere est	

Table des Matieres.

causee l'Aposteme, signé si elle est sanguine, là
mesme, si elle est bilieuse, 107. si elle est engen-
dree de flegme, si elle est mixte, là mesme.

repercussif. pour l'Aposteme chaude procedant
de cause antecedante : autre reje- cussif. 129. au-
tre là mesme. Observations sur l'application des
repercussifs, 110. Repercussifs plus gailiards. 111

B

B Andage incarnatif 137. expulsif & cōtentif, 18.9
comme il faut bander la partie fracturée. 386.

Bandes & de la largeur qu'elles doiuent auoir, 118
preparatifs d'icelles, là mesme.

Baume fort excellent pour les playes 293. autre sor-
te de Baume pour les playes, 294

Baume artificiel grandemēt siccatif, 341. autre Bau-
me, 342

Baume qui a la même vertu que celuy des Indes. 343

Baume pour toutes playes d'arquebusade. 348. 349.
vn autre Baume d'arquebusade fort bon, 350

Baume pour arrester la putrefaction ou commence-
ment de gangrene qui se met aux playes d'har-
quebusades, 352

Baume, lequel au commencement de la playe d'har-
quebusade empesche la pourriture & putrefa-
ction, 335. 354

la Byle où s'engendre, 14

la Byle cōme peut causer l'vlcere, 18. ses effets hors
du fiel. 20

C

C A lus se fait dedans & dehors l'os fracturé, 160

Aduertissement sur la formation de Calus. 199

Cancer nom, d'où deriue, 23. sa definition, là mesme,

Table des Matieres.

la ressemblance avec l'escreuille, là mesme.	
Carnosité & remede de grand effet, ensemble la methode qu'il faut tenir à panser les carnositez,	
319. 320. 321. 322.	
vnguent premier qui mange la Carnosité,	322. 323.
second vnguent pour rafraischir & cicatrizer l'ulcere qu'a laissé ladite carnosité.	323
Cataplasme pour aider à la digestion,	219
Cataplasme pour mettre sur la partie du membre offensé,	192
Chancre ou gangrene comme se fait,	21
la Chirurgie est entre les parties de la Medecine, ce qu'est le Soleil entre les astres, 2. elle a diuerses epithetes selon la diuersité de ses effets, 3. la necessité, là mesme, ses excellences, là mesme 26. elle est appelle seconde creation & pourquoy? 4. definition de la Chirurgie selon l'opinion d'aucuns 4. 5. le Corps humain est le sujet de la Chirurgie. 5. en quoy elle ressemble à la Medecine, 5. la Chirurgie est ordonnee pour la solution de continuité,	7
Chirurgien doit faire diligence à sonder la playe & la bien obseruer, 129. exemple digne de remarque sur cecy, 130. 131. 132.	
le Chirurgien pour arriuer à la curation d'une playe se doit proposer cinq choses, 134. 135	
Cicatrices composez.	124
Cicatrisans composez.	125.
pour Cicatrizer l'ulcere.	255
remedes pour la Cicatrification de la chair superflüe.	
183.	
Corps humain & sa noblesse tout est au dessouz de luy,	

Table des Matieres.

Corps cacochyme, est vn corps plein de mauluail humeurs,	8
Corps humain composé des quatre elemens,	12
le Corps demeure sain tant que les humeurs sont ei- gales,	17
Constellatiōs nous sont fauorables & nuisibles,	244
245. 246. 247. 248	
Continu comme se peut separen? 7, d'où vient la solution de continuité,	8
Conuulsions.	172
Curation des fractures.	156

D

D Effensif pour playes,	182
Deffensif sur la partie superieure du membre offencé.	191
Dieu creant la femme il exerça la Chirurgie,	4
Digestif apres l'ouuerture de l'aposteme.	119
Dislocations diuersement nommees par les Grecs, 55 causes extrinseques de la dislocation, 59. signes d'icelle, 60. pronostic d'icelle.	
Curation des Dislocations, 200. la premiere intentiō aux Dislocations est de remettre l'os en sa place, là meisme; comme il faut preuoir aux accidens, là meisme: comme il faut appaiser l'inflammation, 201. remedes vniuersels, comme il faut proceder quand il y a playe, fracture & dislocation, là me- me: quand la luxation est vieille, ce qu'il faut fai- re, 202. remedes mollificatifs, là meisme. 203 reünion del'os se fait en trois sortes, 197. reductiō de la luxation, 205. application du premier appa- reil, 206. remedes generaux: emplastre 207. ca- taplasme, 208. onction. 209	
Distillé de grande substance pour vn malade atte-	

Table des Matieres.

nué de fievre maligne, en autres maux sembla-	346.347.
bles, & maniere de le faire,	
Distillé d'autre maniere.	347

E

E Au rate pour les yeux pour ophthalmie, lacrima-	
tions, inflammations, & mesme pour la dou-	
leur des yeux,	299 300
pour faire Eau forte 96. autre maniere de la faire. 97	
pour faire Eau allumineuse, là mesme : autre Eau al-	
lumineuse ,	98
Eau pour la pierre , 316. autre pour le mesme effet,	
317. autre Eau pour le mesme effet & de grande	
vertu ,	318
Eau d'arquebusade , laquelle sert aussi pour les vl-	
ceres ,	351
Eaux pour preparer la pituite ,	250
Eaux pour l'humeur melancolique dont on use, 225	
Eaux qui preparent la bile 217. sitop comment se	
peut composer,	217
Electuaire admirable contre la peste 289. 290. 291.	
autre opiate pour le mesme effet , 292. pillules	
pour le mesme effet,	293
Electuaire pour les herpies du grand Duc de Floren-	
ce, Cosme de Medicis ,	304
Emplastre de Jean de Vigo pour les fractures, 193.	
194. 195	
Emplastre del Signor Antonio Rouieto, Espagnol,	
295. 296	
Emplastre pour la ratte,	298
Emplastre admirable pour la pleuresie ,	324
Emplastre pour l'hernie , 315. autre pour le mesme	
effet, duquel l'auteur se sert, là mesme.	
Emplastre pour resoudre les tumeurs froides &	

Table des Matieres.

scrophuleuses ,	316
Emplastre de sparadrap admirable pour les vlceres ,	327. 328
Erisipele en quoy se termine ,	116
Escroüelles comment appellees par les Grecs & les Arabes? 16. lieux où elles viennent , 27. elles sont de deux sortes, là mesme: la definition ,	18
Escroüelles d'où naissent ,	26
Esquilles d'os comme doiuent estre ostez ,	196
F	
F iebre, resueuric & alienation d'esprit, pourquoy?	169
Flegmon ne s'engendre de pur sang ,	33
Flegmon prend le nom selon l'humeur qui predomine ,	100
Flegmon & sa definition ,	39
nom de Flegmes pris en trois manieres parmy les anciens ,	50
Flegmancin deriue du nom de Flegmon , 31. qui est de deux sortes , là mesme:	
Flegmon erisipelateux ,	31
Flegmon œdemateux ,	32
Flegmon schirreux ,	32
Fomentation ,	192
Fractures procedent de cause externe, 9 definition de la fracture ,	11
la Fracture peut estre parfaite ou imparfaite, 156 signe pour la cognoistre, là mesme: 2.	157
Fracture de facile curation, 158 autres Fracture non si facile à guarir, autre tres-difficile, là mesme: comme la Fracture peut estre longue ou briefue à guarir ,	159
unguens propres aux vlceros de trois sortes, dont	

Table de Matieres.

l'Aurheur se sert, 82 83 84 autre sorte dont il use, 85 pouldres desquelles on se sert ordinairement aux vlceres, là mesme : preparation de la pouldre de plomb pour l'vlcere, 86 precipité propre pour les vlceres, 87 maniere de le faire, 88

Fracture proche de la joincture est mortelle & pourquoy? 162

Fracture des vertebres mortelles, & pourquoy? 163 temps deffendu pour toucher à la Fracture, 163 la partie fracturée reste tousiours plus foible, là mesme : Temps destiné pour la guarison des Fractures 164 Fractures diuerfes en l'os de la teste, 165 166 167

ces Fractures reduites en cinq, là mesme : Figure diuerse dos Fracturés, 168 quelques-vnes sont compliquées, 168

Fractures se peuent guarir en quatre manieres, 185

G

G Angrene, mot descédu du verbe Grec, 11 sa definition, là mesme :

Glandules d'où naissent, 16

Glandule d'où deriue, & sa definition, 29

le Goistre d'où naist, 26 d'où il deriue, 28 sa definition, 29 loupes d'où naissent, 26 definition de la loupe, 29

Guidon de Cauliat lumiere des Chirurgiens, 28

H

H Armonie du corps destruite par l'alteration des humeurs, 17

Hatelles comme se doiuent preparer, 186

Herisipello & sa definition, 18 comme elle se fait, 19

Table des Matieres.

Herpe ou dartre comme s'engendre,	10
Huiles diuers pour les vlcres, 90 façon de faire l'huile de vitriol, là meſme, 91 autre modele pour pour le faire, 92 pour faire huile de ſoufre, 93 au- tre maniere de faire ladite huile, ſes proprietéz, 94 pour faire huile d'antimoine, là meſme: vſage de l'eau d'antimoine, 95 autre maniere de faire ladite huile, là meſme :	
Huile de blanc d'œuf pour oſter la rougeur de la face,	149
Huile du grand Duc de Florence, que l'Authcur à receu du Cardinal del Monte,	301
Huile contre le venin du grand Duc de Florence, que l'Authcur a receu du meſme Cardinal,	304
Huile de l'Aretin ou des Philoſophes, & comme elle ſe fait,	309
Huile admirable & de grande vertu,	311
Huile admirable pour les vers, ſert encores pour les playes ſimples,	329
Huile d'apparitiõ, autrement dite, l'huile de l'Eſ- pagnole & ſes vertus admirables, 355. 356. 357. 358. 359. 360. 362. 363. 364. 365. 366. 367. 368.	
Humeurs comment s'engendrent au corps, 12. com- me ils ſe ſeparent, 13. leurs ſieges, là meſme. le chyle comment s'engendre,	13
Humeurs ſont plus ou moins dans noſtre corps, 14. ce qu'il faut conſiderer en icelles,	15
Humeurs comme ſ'alterent dedans & horsies vei- nes.	17
Humeurs purifiees dans l'eſtomach ſont alimentai- res, 17. ſont reputez de la maſſe du ſang, là meſme: ſi elles n'excedent point la proportion requiſe de leur quãtité ou qualité le corps eſt ſain, là meſme.	

Table des Matieres.

Humeurs se trouuēt toutes ensemble dans le sang, 16
 tant qu'elles y demeurent, elles ont les veines
 pour residance, 17

Humeur pituiteuse, & sa definition, 219

Humeur melancholique & sa definition, 224

I

Incarnatif pour les playes, 182 183

Incision comme se doit faire, 175

Intrumens necessaires où la force des hommes
 n'est suffisante pour les os, 188

Jointure se peut demettre en quatre manieres, 66

Iterum mal de trois especes, 20 sa definition, là mes-
 me Iulep. pour la pituite, 211

L

LAuemens incarnatif, 123

Luxations procedent de cause externe ou inter-
 ne, 9 definition de la Luxation 11. 56. de trois es-
 peces, humeur peccante cause l'ulcere, 8

M

MAladie & ses especes propres à la Chirurgie, 6
 Maladies naissent rarement d'une seule hu-
 meur, 32

Maladies causées par la pituite, 25

Matrice blessée, & accidens qui en arriuent, 50

remede pour la suffocation de la Matrice, 334-335

Matricatif pour le flegme, 115

autre Matricatif, là mesme :

Maturatifs pour les tumeurs flegmatiques ou me-
 lancoliques 117 autre maturatif, là mesme: autres
 plus puissans, 118

Maux qui peuuent arriuer au corps; humain sont de
 trois sortes, 6 & 7

la Medecine & la Chirurgie considerent le corps

Table des Matieres.

diuerfement,	56
Medicamens generaux pour la maturation,	114
Medicamens cicatrisans fimples,	124
Medicamens qui purgent la melancolie,	226
Melancolie où s'engendre,	14
Miel rofat, fyrop rofat propres pour mondifier les playes,	182
Mondificatif pour les playes,	182
Mondificatifs fimples, 120 autre Mondificatif	121
N	
N Odofitez naiffent de la flegme,	16
O	
Obferuation pour penfer vn malade,	145
Oedeme en quoy fe termine,	116
Opiate excellent pour les Afmatiques,	275
Opinion fur l'application des hatelles,	197
Ordonnance du Iulep, 216 d'une medecine pour la bile,	218
Ordonnance dela medecine pour l'humeur pituiteufe,	222
Ordonnance de l'apoxeme pour l'humeur melancolique,	225 226
Ordonnance pour la medecine de la melancolie,	226
ſecret del' Oruietan, que l'Autheur a eu du Cardinal del Monte,	285
Os conioint par la nature en quatre manieres,	58
l'Os pourquoy ſe rompt pluſtoſt avec le froid,	161
l'Os pour les accidens qui arriuent n'eſt bien remis,	162
moyen de reunir l'Os de la teſte,	187

Table des Matieres.

P

P illules qui purgent l'humeur billeuse ,	219
Pillules qui purgent l'humeur melancolique, 217 ordonnances d'icelles, là mesme :	
Pillules de grand effect pour le mal de Naples, & sur tout quand il est inueteré,	286
Pituite où s'engendre,	14
medicamens qui purgent la Pituite,	211
Pillules qui purgent la Pituite,	212
ordonnances des Pillules pour la pituite,	213
Playes procedent d'une cause externe, 9 definition de la playe,	11
Playes sont de plusieurs sortes, 34 d'où procede leur cause, 35 derivation & definition de la playe, là mesme :	
la Playe prend le nom ou de la partie, ou de la cause qui la produit, 35 noms des Playes,	36 37 38
Playe simple ou composée,	38
Playe compliquée, 39 Playe profonde ou superficielle, là mesme : penetrante ,	40
Palyes sont simples ou composées,	117 118
Playe simple se guarit d'elle-mesme ,	119
Playe doit estre tenuë nette ,	134
moyen qu'il faut tenir pour sonder vne Playe, 136 comme il faut oster les choses estrangeres , & ce faut qu'il observer en les estant, là mesme :	
remede pour oster les cicatrices des Playes, 148 149	
temps qu'il faut pour oster les points à la Playe, 139 pour faire paste à coller la playe , là mesme : pour faire la cousture, 140 coustures de cinq sortes, 141 142	
comme il faut penser la Playe apres auoir fait l'incision,	178

Table des Matieres.

aduerfement aux Playes dangereufes dans la te- fte,	184
remede pour arrefter le fang des Playes,	261 262 263
Poudre incarnatiue ,	153
Poudre admirable cicatrice ,	125
Poudre incarnatiue ,	146 147
Poudre de grand effe& pour les enfans qui lafchent leurs eaux dans le li&t en dormant,	333
Poudre pour le goitre, 338 autre remede pour le meſme effe&t,	339 340
Precipité qui a la vertu de reſiſter à la gangrene & à toute pourriture, 89 pour faire mercure ou Preci- pité blanc, là meſme :	
Preparatif pour la mélancolie , 231 pour la purger, là meſme :	
Pronoſtique du temperament melancolique,	15
Pronoſtic pour les fractures,	55
Ptiſane laxatiue fort agreable , laquelle purge fort doucelement,	27;
autre Ptiſane laxatiue & propre pour les reius.	274
moyens pour empêcher le Pus aux Playes,	144

R

R Ecepte d'un grand Chimifte Allemand, pour purger les maladies inueterées, 27 & ſuiuans	
Remedes genetaux pour diſſoudre & fang coagulé & confus,	113
Remede pour ôter la rougeur de la face,	149
Remede pour empêcher qu'une femme enceinte ne ſe bleſſe,	357
Reſolutifs ſimples pour matiere froide, 112 obſerua- tion touchant leſdits reſolutifs,	là meſme :
Reſolutifs ou purgatifs de la bile,	251

Table des Matieres.

S

- le Sang demeure dans les veines, ses qualitez, 14
- le Sang se trouue dans la nature du chile, 16
- ayant la qualitez du chile il prend le nom selon
- le degre de la coction, là mesme :
- Sang pituiteux, quel, 17
- Sang colerique, quel, là mesme :
- Sang melancolique, quel, là mesme :
- le Sang est le tresor de la vie, 133 il le faut laisser vn
- peu stuer au commencement des playes, là mesme.
- Sang espanché sur le cerueau, ce qu'il cause au ma-
- lade, 175
- comme le Sang est composé des quatre humeurs,
- 214 pourquoy on ne le purge? 215
- remede pour arrester le Sang du nez & des playes,
- 344 autre pour le mesme effect, 345 pour arrester
- le Sang d'une veine rompuë en la poitrine, & pour
- le flux dissenterique, là mesme :
- Schire confirmé est incurable 116
- Signes quand le cerueau est blessé, 40 pronostic des
- playes du cerueau, 41
- Signe quand le cœur est blessé, 41 pronostic des
- playes du cœur, là mesme, signe des playes du
- foye, 43
- Signes des playes du poulmon, 43. pronostic d'icel-
- les, 44
- Signes des playes de la poitrine, 43 pronostic d'icel-
- les, 45
- Signes des playes de la ratte, 45 pronostic d'icelles,
- là mesme.
- Signes des playes du diafragme, 46 pronostic d'icel-
- les, là mesme.
- Signes des playes de l'œsophage, 47 pronostic

Table des Matieres.

- d'icelles, là mesme.
- Signes des playes de l'estomach, 47 pronostic d'icelles, là mesme.
- Signes des playes de l'espine du dos, 48
- Signes des playes des reins, 49 pronostic d'icelles, là mesme.
- Signes des playes des intestins, 49 pronostic, d'icelles, 50
- Signes quand la matiere est blessee, 50 pronostic d'icelles, là mesme.
- Signes pour cognoistre si l'os est rompu, 169 Signes coniecturatifs, là mesme.
- Signes certains pour cognoistre si l'os est rompu, 171
- Signes quand les membranes sont offencees, 172
- Signe quand le calus commence, 198
- Simples qui preparent la bile, 229 pour purger la bile, 230 pour la preparer, là mesme.
- Simples propres pour les vlceres corrosifs, 249 250 pour les vlceres vieilles, pour les fistules, 251 pour faire mourir les vers des vlceres, 252
- Simples propres pour les apostemes, 256 pour la suppuration de l'aposteme, 257 pour les apostemes qui tendent à dureté, là mesme : pour la gangrene, pour le sphacele, 258 pour les chancres, 259 pour faire venir à maturité les apostemes froids, 260.
- Simples propres pour la curation des dislocations, 267 268 269
- le Soleil contribué à la production des plantes, des animaux & des autres choses, 1. il est pere de la nature, & grand economes des cieus & de la terre, là mesme, ses influences diuerses, & les opinions sur icelles 2. est appellé destineur de la nature, & principe

Table des Matieres.

principe fécond de nos malheurs, là meſme.	
eſpeces de Solution de continuité,	10
Space & ſa définition,	21
ſparadrap d'autre maniere pour les vlceres compli- quez d'inflammation ,	328
remede contre la Squilante, 297 autre pour la meſ- me, là meſme.	
ſthiomene maladie appellée mal S. Anthoine, 24 ^e	
12 ſes effets, là meſme.	
Syrop pour les pulmoniques, 306 vn autre facile pour la meſme eſſet,	307
Syrops qui preparent l'humeur pituiteuſe,	210
Syrops qui preparent la bile ,	216
Syrops qui preparent l'humeur melancolique,	224

T

T Ablettes pour faire mourir les vers,	330
Therebentine & ſon uſage,	146
Theriaque contre venins & peſtes,	228
Trepan & le temps qu'il le faut faire, 174 lieu où il le faut appliquer, là meſme: diſpoſition du lieu du malade, 17, à l'application du Trepan, faut obſerver le lieu plus bas, 176 faut eſuiter l'oſ eo- ronal, là meſme: obſervation pourquoy le Tre- pan doit eſtre appliqué aux premiers iours, 177 temps qu'il faut demander pour l'appliquer apres l'incifion, là meſme: comme il faut pèſer la playe apres auoir fait l'incifion, 178 poudie aſtringente, ce qu'il faut obſeruer apres 24. heures paſſées du coup,	180
Tumeurs procedent d'une cauſe interne,	10

V

V Effies orbubus comment appellées par les Grecs,	1920
---	------

Table des Matieres.

Vindition pour faire monter les vers,	391
Vindimiala posteme. sa forme, 25 elle est de deux sortes, là mesme.	
la Vraye & non Vraye;	
Vnguent incarnatif,	121 122
Vnguent basilic capital, de Jean de Vigo,	181
Vnguët avec lequel l'on peut provoquer le flux de ventre, ou de bouche, tel qu'on veut;	313
Vnguent pour la brulure, 332 autre pour la brulure, là mesme.	
Vin doit estre deffendu aux bleffez,	143
Vin blanc laxatif pour toutes gonttes, verbles, & membres perclus,	276
Vlceres procedent d'une cause interne; 8 sa definition,	10
Vlceres en quoy differens, 63 ses diuerses sortes; là mesme: Ulcere profonde, fistuleuse, humide, seche, 64 65 vermineuse, putride; fardide, 66. i- rulente,	67
Vlcere douloureux, excroissante de chair, variqueuse, 67 avec caries d'os, 68 avec propriete oculte, là mesme: avec fluxion, corrolif ou ambulatif, 69 pourquoy l'aposteme s'engendre en l'ulcere, il peut estre empesché en sept manieres, 126 77 comme on peut oster l'humour peccante, là mesme pour oster l'interperie, l'excroissance de la chair, le calus à l'os gaste, la doulueur, 78 faut observer les quatre temps de l'ulcere, obieruation pour les vlceres en lieux sensibiles, pour les digestifs & absterifs, 79 pour l'euacuation de l'humour peccante faut diuers medicamens locaux, 80 bandage necessaire à la cure des vlceres, le repôs y est aussi necessaire,	81

Fin de la Table.







Ce livre a esté imp. p. la ^{re} fois a Lion en 1630
dedié a M^{rs} de fortias. par Paul de fortias. mais celui cy a
est augmenté presq. d'un tiers. Les nouvelles de ces
sont insérées ce qui a esté changé ou augmenté

impe. Lange

Exposition de la question de la
fixation et de l'organisation des
chiffres
afin d'acquiescer au point de vue

